









明文奇賞卷之

雜著

元世祖祀於帝王廟

楊慎

史官陳仁錫明卿甫評選書



元之惡不  
必言而仕  
元者亦可  
羞矣

今帝王廟元世祖亦得與祀蓋以國家統緒所承也按  
世祖之立國貶孔子爲中賢第儒流於倡後國有大事  
華人仕於其朝者雖大臣不與聞臺省正官非其族  
類則不任其賤士如秦始皇尊事沙門其名爲帝師者  
正衙朝會百官班列而帝師專席於座隅與其君同受  
羣臣朝賀帝后妃主皆受其戒所以敬禮之者無所不





至其奉佛如梁武帝蒙古之制凡攻城不降矢石一發  
得則屠之其殘忍如曹操命西僧楊璉真珈伐故宋諸  
陵其貪暴如項羽征日本則十萬之師棄於海島憤其  
敗衄復用征之其窮兵不仁如隋煬帝用奸臣阿合馬  
盧榮桑歌輩頭會箕歛以取於民遣使拓雲南金遣使  
往馬八國求奇寶責安南陳氏以金人代身其黷貨如  
漢桓靈然則史謂其信用儒術愛養黎元皆溢美也比  
之以晉隋南北五代之君猶有慚德而與漢唐末開基  
之主列於二帝三王之次同享萬世之祀竊有憾焉  
此近日妄南之論如此邇年 聖明獨斷去元世祖像



禮官猶以舊制當遵不思高廟祀之者聖人之仁今  
上去之者聖人之義道並行而不相悖也

內夏外夷

漢宣帝時徙羗於三輔其後光武以南單于款五原塞  
又居匈奴於雲中兩河馬援領隴西太守討叛羗徙其  
餘種於關中尋馮翊河東空地魏武帝徙武都氏於秦  
川以禦蜀漢正始中毋丘儉討句驪徙其餘種於滎陽  
履霜堅冰蓋非一日終致五胡瓜分而猶夏禱種雲擾  
而亂華吞噬神臯丘墟帝宅紫陌移於邈穴赤縣剪爲  
龍荒幾二百年生民一何不幸哉夷狄之禍兆端於元



海濫觴於元魏洋溢於遼金滔天於蒙古極矣非我  
太祖一驅除之生民之類將滅矣所以功高湯武而治  
比堯舜非以此哉

蜀無史職

陳壽云蜀無史職故災祥靡聞按黃氣見於秭歸羣鳥  
墮於江水成都言有景星出益州言無宰相氣若史官  
不能置此事何由而書蓋因父受髡辱加茲謗議者也  
蜀志又稱王崇補東觀許蓋掌禮儀又郗正爲秘書郎  
廣求益部書籍斯則典校無缺屬辭有人矣又按後主  
景耀元年史官奏景星見大赦改元壽自書之而自戕



之何耶

張千載

千載字毅甫廬陵人文山友也文山貴顯屢以官辟皆不就文山自廣還至吉州城下千載來見曰丞相赴京某亦往遂寓於文山囚所側近日以美食奉之凡畱燕三年潛造一櫝文山受刑後卽藏其首仍尋訪文山妻歐陽夫人於俘虜中俾出火其屍千載拾骨寘囊弁櫝南歸付其家葬之次日其子夢父文山怒云繩鉅未斷其子心動毅然啓視之果有繩束其髮衆服公英爽可畏劉西溪紀其事贊於文山像後曰間居忽忽萬古咄



咄。天。氣。慘。然。如。動。生。髮。如。何。尋。約。亦。念。續。芻。豈。其。英。爽。  
猶。累。形。軀。同。時。之。人。能。不。頽。泚。昔。忌。其。生。今。妬。其。死。

中興戰功不紀武穆

宋乾道二年定中興十三處戰功張俊明州吳玠和尚  
原饒風嶺殺金平韓世忠大儀劉錡順昌張子蓋海州  
李寶海道邵宏淵正月浦橋虞允文采石李道光化次  
湖劉錡皂角林王宣汲靖確山凡十三而不及岳武穆  
蓋秦檜之黨猶存掩之也。

章邯未可輕

方萬里去高祖自漢中東出司馬翳董欣望風稽顙獨



章邯堅守廢丘。踰年不下。至於引水灌之。然後破此。豈脆敵哉。惜其不知所事。身名俱滅。嚴尤之于王莽。道覆之于盧循。皆一律也。

### 景毅

景毅蜀郡人。爲漢侍御史。子顧爲李膺門徒。未有錄牒。不及於譴毅。慨然曰。本謂膺賢。遣子師之。豈可以漏脫名籍。苟安而已。遂自表免歸。漢末恥不與黨人。不獨皇甫規也。

### 韋叡

六朝人才。韋叡爲冠。司馬溫公曰。其臨陣也。勇其執事。



劉孝威詩云錦車勞遠駕駱賓王詩錦車朝促候刁斗  
夜傳呼徐堅堅詩雲搖錦車節月照角端方僅一句一  
聯而已此事可畫可歌勝於詠明妃之失節文姬之傷  
化多矣

浣花夫人

成都浣花谿有石刻浣花夫人像三月三日爲浣花夫  
人生辰傾城出遊地志云夫人姓任氏崔寧之妾按通  
鑑成都節度使崔旰入朝楊子琳乘虛突入成都寧妾  
任氏出家財募兵得數千人自帥以擊之子琳敗走朝  
廷加旰尚書賜名寧任氏封夫人

所以爲浣  
花可與錦

傳



荀彧裴樞

荀彧爲曹操謀主弑械已成矣一旦受九錫彧乃以爲不宜竟爲曹所害唐裴樞旣受朱全忠之薦爲相又却遷昭宗於洛陽全忠除一太常卿樞乃持之不與全忠殺之白馬驛二事正相類文中子猶以彧及其子攸比殷之三仁歐陽永叔以樞一卿尚惜其肯以社稷與人乎嗚呼文中永叔可謂愚矣荀裴二人旣與曹操全忠同爲逆謀非一日矣其靳九錫惜一卿欲微示異同以掩時人之耳目其心必曰吾已許其大其細者不許彼未必怒也操與全忠之意必疑曰彧與樞之意中變矣

亮元亦怒  
以此



細者如此况大者乎遂逞其忿殺之不恤也昔有孀婦私一惡少許其竊貲以逃而未有隙也一夕惡少賭博欲薄取以償戲債婦堅不與惡少曰是些少尚吝其肯以全貲畀我乎乘醉夜半殺之或與樞類之矣若以或爲仁樞爲忠則此婦亦可爲貞爲烈乎甚矣文中永叔之爲愚也

武侯格言

武侯曰勢利之交難以經遠士之相知溫不增華寒不改葉貫四時而不衰歷夷險而益固

飛兔龍文



邊養時賊  
古今有之

田巴奇魯連曰魯連乃飛兔也豈直千里駒哉楊津曰  
楊愔曰此兒駒齒未落已是我家龍文更長當求之千  
里外駒齒未落已。是。龍。文。驪。裏。之。中。更。齊。飛。兔。

### 王導賊臣

余嘗反覆晉書知王導心事與王敦一間耳真賊臣也  
元帝永昌元年敦稱兵向闕入臣無將非反而何而導  
於敦伏誅之後猶謂其義同桓文不知桓文何嘗稱兵  
伐周何嘗戮周之大臣乎敦問周顗於導三問而三不  
對是借劔於敦而殺顗也非敦反乃導反也又與王含  
書云昔年佞臣亂朝人懷不寧其曰佞臣指刁協劉隗



協與隗不合於敦而欲誅之者也導於明帝太寧二年  
敦反迹大彰而猶爲此言非賊臣而何晉朝姑息不振  
王導族黨大盛是以一時反以逆賊爲忠貞千載而下  
人猶不悟世亦易欺哉余每讀史至此不勝憤與余同  
此見者安陽之崔子鍾耳其後明帝崩成帝卽位而導  
稱疾不入朝郗鑒責之曰大行在殯嗣王未立豈人臣  
辭疾之時又郭默懷逆而不能討乃曰遵養時晦陶侃  
責之曰是乃遵養時賊也以此觀之導旣無濟世之才  
又無人臣之節不膺誅戮亦已幸矣



王導爲叛  
亦可駭異

慎嘗反復晉書目王導爲叛臣頗爲世所駭異後見崔  
後渠松牕襍錄亦同余見近讀陽明紀夢詩尤爲卓識  
真見自信鄙說之有稽而非謬也其自序曰正德庚辰  
八月廿八夕臥小閣忽夢晉忠臣郭景純氏以詩示予  
且極言王導之奸謂世之人徒知王敦之逆而不知王  
導實陰主之其言甚長不能盡錄覺而書其所示詩於  
壁復爲詩以紀其畧嗟乎今距景純若干年矣非有實  
惡深冤鬱結而未暴寧有數千載之下尚懷憤不平若  
是者耶詩云秋夜臥小閣夢遙滄海濱海上神仙不可  
到金銀宮闕尚嶙峋中有仙人芙蓉巾顧我宛若平生



親欣然就語下煙霧自言姓名郭景純攜手歷歷訴衷  
曲義憤感激難具陳切齒尤深怨王導深奸老猾長欺  
人當年王敦覬神器導實陰主相緣夤不然三問三不  
答胡忍使敦殺伯仁寄書欲拔太真舌不相爲謀敢爾  
云敦病已篤事已去臨哭嫁禍復賣敦事成同享帝王  
貴事敗仍爲顧命臣幾微隱約亦可見世史掩覆多失  
真袖出長篇再三說覺來字字能書紳開牕試抽晉史  
閱中間事迹頗有因因思景純有道者世移事往千餘  
春若非精誠果有激豈得到今猶憤嗔不成之語以筮  
戒敦實氣沮竟殞身人生生死亦不易誰能視死如輕



塵燭微先幾炳易道多能餘事非所論取義成仁忠晉  
室龍逢龔勝心可倫是非顛倒古多有吁嗟景純終見  
伸御風騎氣遊八垠彼敦之徒草木糞土臭腐同沉淪  
郭景純夢中詩我昔明易道故知未來事時人不我識  
遂傳耽一技一思王導徒神器良久覲諸謝豈不力伯  
仁見其底所以敦者仇罔顧天經與地義不然百口未  
負托何忍置之於死地我於斯時知有分日中斬柴市  
我死何足悲我生良有以九天一人拊膺悲晉室諸公  
亦可恥舉目山河徒歎非攜手登亭空洒淚王導真奸  
雄千載人未議偶感君子談中及重與寫真記固知倉



晉非忘功  
還是無識

卒不成文。自今當與頻譏戲儻其爲我一表揚萬世萬  
世萬萬世。

趙普

宋之多姦臣始於趙普。宋之兵孱國弱亦始於趙普。何  
也。曹翰欲取幽州。承周世宗一日取三關之餘威而遼  
國多隙。取之必矣。趙普亦知翰能之。而嫉媚之心蓄於  
內。阻抑之巧形於口。太祖亦承五代之弊。畏難苟安。玩  
時愒日。故從其言。而金元之禍。中國人類幾絕。中國之  
地。幾爲匈奴之牧馬場。皆普一言喪宋社稷。而兆數百  
年之禍也。其渝金匱之盟罪尤在此下乎。



目學之弊。一傳未終恍已迷其姓氏片文屢過幾不辨其偏傍。

李昭

北

### 鈴索

李德裕云翰林院有懸鈴以備警急文字引之以代傳呼也唐制禁署嚴密非本院人雖有公事不敢遽入於內夫人宣事亦先引鈴每有文書卽內臣立於門外鈴聲達本院小判官出受訖授院使院使授學士鄭絳詩條鈴無響闕珠宮韓渥詩坐久忽聞鈴索動玉堂西畔響丁東



孟明

孟明始爲晉虜不自懲艾再敗於殽陵彭衙幸晉師不出封殽尸而還左氏美之過矣繆公襲鄭蹇叔苦諫使繆公能用其言則秦師不東也三軍不暴骨也秦誓亦不必作也左氏不稱先見知幾之蹇叔而贊喪師辱國之孟明何其謬哉且其言曰遂霸西戎用孟明也夫秦之所以霸西戎者累世富強形勝巖險雄心於戈矛戰鬪技養於射獵獫獢非一日也孟明何力焉

陳文惠公一言與非

或言占之相臣有批勅焚詔碎麻者忠諫則忠諫矣若



卜其君

遇中材以下之主以不敬罪之何辭以追余答之口陳  
文惠公堯咨爲相仁宗忽夜分有御封至堯咨不啓封  
來日奏曰今中宮虛位張貴妃有寵恐奸人附會請正  
毋儀若誠此事臣不敢啓封仁宗首肯曰姑置之貴妃  
不果立此諫轉移於談笑間可謂一言興邦矣

沮誦王粲

倉頡沮誦共造文字今但知有倉頡不知沮誦李冰王  
粲同穿二江今但知有李冰不知王粲鄭條興古文在  
歐陽脩前今人亦不有知鄭條也

張文成贊徐有功



躡虎尾而不驚觸龍鱗而不懼鳳跼梟之內直以全身豹變豺狼之間忠能遠害愚嘗謂爲大將者爲太公望易爲郭子儀難輔幼主者爲周公易爲孔明難爲刑官者爲臯陶易爲徐有功難誰謂後世不及古人乎

施全

朱文公云舉世無忠義這些正氣忽自施全身上發出  
來此正論也足以慰忠魂於地下矣續綱目書施全刺  
秦檜不克而死亦本於文公遺意也近有人語予曰今  
之岳廟多鑄賊檜像跪縛於門外亦當鑄施全像坐於  
檜上持刀砍檜庶爲得之併識其語於此



此偽君子  
於女狐已  
得大意

王安石

人君之愚暗柔弱不足以亡其國亡國者必剛愎明察  
之君也譬之人家不肖之子不足以破家其破家必輕  
俊而無檢者也在人臣則真小人不足以亂國其亂國  
者必偽君子也蓋真小人其名不美其肆惡有限偽君  
子則既竊美名而其流惡無窮矣是故唐之亡不在僖  
昭而在德宗宋之亂不在京卞而在王安石或曰子何  
以恕真小人余曰子不觀白樂天詩乎狐假女妖害猶  
淺一朝一夕迷人眼女爲狐媚害卽深朝朝夕夕迷入  
心樂天豈恕狐哉



知進退之  
道則知死  
生之道鄭  
五殊不可  
忽

歇後

黃東發曰。自知其必能相而相者。古今一伊尹也。自知其必不能相而不相者。古今一鄭五也。人皆曰必不能相。已獨曰必能相者。滔滔皆鄭五之罪人也。嗚呼伊尹。吾不得而見之矣。得見鄭五。斯可矣。又曰。蔡之初相。驚怪而固辭其進。甚明也。唐末諸相。率植黨與以持之。蔡之既相。獨致仕而速去。其退甚明也。進退如此。不賢而能之乎。又跡其平生守廬州而盜不入境。畱緡錢而盜不敢犯。亦有過人者。不謂之賢不可也。

虞雍公功烈  
名九文



虞雍公戰伐之奇妙算之策忠烈義勇爲南宋第一與  
張魏公相上下特魏公有南軒爲之子而朱子亟稱之  
遂大顯揚雍公無人發其茂績耳簡池劉巨濟序虞公  
奏議云余讀雍國忠肅虞公奏議二百二十有七篇而  
慨然有感世但知采石之戰以七千卒卻虜兵四十萬  
者功偉然忌者猶曰適然豈知公于紹興辛巳之前已  
因輪對面奏虜必叛盟兵必分五道正兵必出淮西奇  
兵必出海道宜令良將勁卒備此二境其先事之失已  
絕出乎衆人之表矣及虜叛盟上令從臣集議公獨言  
虜兵必出淮丞相善其言而未果行及遣公勞師采石



事已大壞公以書生收合亡卒激勵諸將施置於倉卒之餘而破虜於俄頃之間嗚呼非胸中素所蓄積忠誠足以動天地感人心而作士氣未易成此偉績也而曰適然可乎自昔狃勝者必忽其餘憂公又令設備於瓜州其他區畫悉各精密而不苟虜遂遁去乃徐請車駕還行都歷歷見於奏疏也余切妄論宋朝多議論少成功雖盛時猶然也況積習消靡之餘夫人皆喜逸而惡勞圖安而懼危中興以來前有張魏公後有虞雍公爲國家任其勞當其危者也彼不少愧焉而又忍短毀之手丘文莊公語先太師曰古今水戰采石北赤壁尤奇



且難。周瑜名將而允文書生也。瑜握重兵而允文空拳也。瑜有孔明爲之助而允文隻手也。以此較之難易見矣。可謂不易之論。

陸韓論文

陸機文賦云。謝朝華於已披。啓夕秀於未振。韓昌黎云。惟陳言之務去。憂憂乎其難哉。李文饒曰。文章如日月。終古常見而光景常新。此古人論文之要也。近世以道學自詭而掩其寡陋曰。吾不屑爲文。其文不過抄節宋人語錄。又號於人曰。吾文布帛菽粟也。予嘗戲之曰。菽粟則誠菽粟矣。但恐陳陳相因。紅腐而不可食耳。一座



大笑

李華論文

李華曰。文章本乎作者。而哀樂繫乎時。本乎作者。六經之志也。繫乎時。樂文武而哀幽厲也。有德之文。信。無德之文。詐。皐陶之歌。史克之頌。信也。子朝之告。宰嚭之詞。詐也。夫子之文章。偃商傳焉。偃商沒而伋軻作焉。蓋六經之遺也。屈平宋玉哀而傷。靡而不遠。六經之道遁矣。淪及後世。力足者不能知之。知之者力或不足。則文義浸以微矣。慎謂華之論文。簡而盡。韓退之與人論文。諸書遠不及也。特難爲褊心狹見者道耳。



韓退之遺文

孫何稱韓退之擬范蠡與大夫種書意出千古理振羣  
疑今集中無此文。白樂天稱皇甫湜涉江文而湜集亦  
無此文。皮日休稱孟浩然微雲淡河漢疎雨滴梧桐而  
孟集無此一首。乃知古人詩文之佳者遺逸多矣。

唐宰相多能文

唐開元宰相奏請狀及鄭畋鳳池稿多用四六皆宰相  
自草。五代亦然。至范質始除其煩辭。故萊公謂楊文公  
日子不能爲唐時宰相。蓋嫻於辭也。

古今文字繁簡



程去華云精一執中無俟皇極之煩言欽恤兩字何至  
呂刑之騰口蓋古今世變不同而文之繁簡因之孔子  
曰夏道未瀆辭推而言之則殷周之辭已瀆矣韓退之  
云周公而下其說長

古文倒語

古文語多倒漢書中行說曰必我也爲漢患者若今人  
則云爲漢患者必我也管子曰子邪言伐莒者若今人  
則云言伐莒者子邪

文字之衰

蘇子瞻云文字之衰未有如今日者也其原出於王氏

有以倒語  
時文者本  
此

宋人嘗稱  
此兩人入



王氏之文未必不善也而患在於好使人同已自孔子  
不能使人同顏淵之仁子路之勇不能以相移而王氏  
欲以其學同天下地之美者同於生物而不同於所生  
惟荒瘠斥鹵之地彌望皆黃茅白葦此則王氏之同也  
然是時學者不敢異王氏者畏其勢也南渡以後人人  
攻之矣今之學者黃茅白葦甚矣予嘗言宋世儒者失  
之專今世學者失之陋失之專者一騁意見掃滅前賢  
失之陋者惟從宋人不知有漢唐前說也宋人曰是今  
人亦曰是宋人曰非今人亦曰非高者談性命祖宋人  
之語錄卑者習舉業抄宋人之策論其間學爲古文歌



詩雖知效韓文杜詩而未始真知韓文杜詩也不過見  
宋人嘗稱此二人而已文之古者左氏國語宋人以爲  
衰世之文今之科舉以爲禁約詩之高者漢魏六朝而  
宋人謂詩至選爲一厄而學詩者但知李杜而已高棟  
不知詩者反謂由漢魏而入盛唐是由周孔而入顏孟  
也如此皆宋人之說誤之也吁異哉

舉業之陋

本朝以經學取人士子自一經之外罕所通貫近日稍  
知務博以譁名苟進而不知本原徒事末節五經諸子  
則割取其碎語而誦之謂之蠡測歷代諸史則抄節其



碎事而綴之。謂之策套。其割取抄節之人。已不通經涉史。而章句血脉皆失。其真有以漢人爲唐人。唐事爲宋事者。有以一人折爲二人。二事合爲一事者。余曾見考官程文。引制氏論樂。而以制氏爲致仕。又士子墨卷。引漢書律曆志。先其算命。作先算其命。近日書坊刻布其書。士子珍之以爲秘寶。轉相差訛。殆同無目人說詞話。噫。士習至此。卑下極矣。

辭尚簡要

書曰辭尚體要。子曰辭達而已矣。荀子曰亂世之徵。文章匿采。楊子所云說鈴書肆。正謂其無體要也。吾觀在



昔文弊於宋奏疏至萬餘言同列書生尚厭觀之人主  
一日萬幾豈能閱之終乎其爲當時行狀墓銘如將相  
諸碑皆數萬字朱子作張魏公浚行狀四萬字猶以爲  
少流傳至今蓋無人能覽一過者繁冗故也元人脩宋  
史亦不能刪節如反賊李全一傳凡二卷六萬餘字雖  
覽之數過亦不知其首尾何說起沒何地宿學尚迷焉  
能曉童稚乎予與古今文章宋之歐蘇曾王皆有此病  
視韓柳遠不及矣韓柳視班馬又不及班馬比三傳又  
不及三傳比春秋又不及予讀左氏書趙朔趙同趙括  
事茫然如墮矇矓旣書字又書名又書官似謎語誰兒



童者讀春秋之經則如天開日明矣然則古今文章春

不服

秋無以加矣公穀之明白其亞也左氏浮誇繁冗乃聖  
門之荆棘而後人實以爲珍寶文弊之始也愛忘其醜  
可乎我太祖高皇帝科舉詔令舉子經義無過三百  
字不得浮詞異說百八十餘年遵之近時舉子之文冗  
贅至于有餘言者不根程朱妄自穿鑿破題謂之馬籠  
頭處處可用也又謂舞單鎗鬼一跳而上也起語百餘  
言謂之壽星頭長而虛空也其中例用存乎存乎謂之  
謂之此之謂此之謂有見乎無見乎名曰救命索不論  
與題合否篇篇相襲師以此授徒士以此取士不知何



所抵止也可以爲世道長太息矣

二盧

韓文公誌盧殷墓言殷於書無不讀止用爲詩資平生  
爲詩可誦者千餘篇至今一篇不傳非托於韓文則名  
姓亦湮矣又會昌中進士盧獻卿作愍征賦司空圖爲  
之注釋且序之曰氣凌鄴下體變江南間生冠五百年  
在握照十二乘又言其才情旖旎雅調清越寓詞哀怨  
變態無窮稱之可謂極至矣而此賦亦不傳二公非妄  
許人者文章之傳不傳有幸不幸如胡曾詠史詩惡劣  
之尤而天下誦之豈非幸邪



張謂贊劉裕

唐文人張謂評劉裕云。劉裕近希曹馬。遠棄桓公。禍徒及于兩朝。福未盈於三載。八葉傳其世嗣。六君不以壽終。天之報施其明驗乎。此文簡嚴。可以誅姦雄於既死矣。當表出之。

半山文妙

王半山之文愈短愈妙。如書刺客傳後云。曹沫將而亡人之城。又劫天下盟主。管仲因勿倍以市信一時可也。予獨怪智伯國士。豫讓豈顧不用其策耶。讓誠國士也。曾不能逆策三晉救智伯之亡。一死區區尚足校哉。其



亦不欺其意者也。聶政售於嚴仲子。荆軻參於燕太子。并此兩人者。汚隱困約之時。自貴其身。不妄願知。亦曰。有待焉。彼挾道德以待世者。何如哉。味此文。何讓史記乎。與讀孟嘗君傳同關紐矣。

蔣之翰稱離騷

蔣之翰稱離騷。經若驚濤奮湍。鬱閉而不得流。若長鯨蒼虬。偃蹇而不得伸。若渾金璞玉。泥沙掩匿而不得用。若明星皓月。雲漢蒙蔽而不得出。

傳一廖二

吾蜀解元王孝忠鄉試賀平西蜀表中有云。川。四。巴。三。



收彈丸黑子之地傳一。廖二成大統函夏之天傳一。廖二乃太祖御製平西蜀頌中謂傳友德之功第一。廖永忠之功第二也。人咸服其博洽。

胡唐論詩

胡子厚與予論詩曰。人有恒言曰。唐以詩取士。故詩盛。今代以經義選舉。故詩衰。此論非也。詩之盛衰。係於人。之才與學。不因上之所取也。漢以射策取士。而蘇李之詩。班馬之賦。出焉。此豈係於上乎。屈原之騷。爭光日月。楚豈以騷取人耶。况唐人所取。五言八韻之律。今所傳省題詩。多不工。今傳世者。非省題詩也。姑以畫論晉有。

此爲一代之才人說



顧凱之唐有吳道玄晉唐未嘗以畫取士也至宋則馬  
遠夏珪不足爲顧吳之衙官近代吳小仙林良又不足  
爲馬夏之奴僕畫既有之詩亦且然謂之時代可也余  
深服其言唐子元薦與余書論本朝之書洪武初高季  
迪袁可潛一變元風首開大雅卓乎冠矣二公而下又  
有林子羽劉子高孫炎孫蕢黃玄之楊孟載輩羽翼之  
近日好高論者曰沿習元體其失也瞽又曰國初無詩  
其失也聾一代之文曷可誣哉永樂之末至成化之初  
則微乎猶矣弘治間文明中天古學煥日藝苑則李懷  
麓張滄洲爲赤幟而和之者多失於流易山林則陳白



沙莊定山稱白眉而識者皆以爲傍門至李何二子一出變而學杜壯乎偉矣然正變雲擾而剽襲雷同此與漸微而風騷稍遠周子應德箴其偏焉嘉靖初稍稍厭棄更爲六朝之調初唐之體蔚乎盛矣而纖艷不逞闕緩無當作非神解傳同耳食陳子約之議其後焉張子愈光渙之詩人也以二子之論爲的故著之

### 睨日

予嘗登眺山寺見雨霽虹蜺下飲澗水明若刻畫近如咫尺日射其傍如盼睐得句云渴虹下飲玉池水斜日橫分蒼嶺霞自謂切景張愈光云斜字猶未稱渴字後

作古文用  
字宜知此  
法



一年偶閱莊子日方中方睨衍義云日斜如人睨目遂  
改作睨日對渴虹愈光曰渴虹睨日古今奇句也

黑雲

如此取詩  
大是避暑  
一法

唐李賀雁門太守行首句云黑雲壓城城欲摧甲光向  
日金鱗開據言謂賀以詩卷謁韓退之韓暑臥方倦欲  
使闢人辭之開其詩卷首乃雁門太守行讀而奇之乃  
束帶出見宋王介甫云此兒誤矣方黑雲壓城時豈有  
向日之甲光也或問此詩韓王二公去取不同誰爲是  
予曰宋老头巾不知詩凡兵圍城必有怪雲變氣昔人  
賦鴻門有東龍白日西龍雨之句解此意矣予在滇師



安鳳之變居圍城中見日暈兩重黑雲如蛟在其側始信賀之詩善狀物也

蓮花詩

張文潛蓮花詩平池碧玉秋波瑩綠雲擁扇青搖柄水宮仙子鬪紅妝輕步凌波踏明鏡杜衍雨中荷花詩翠蓋佳人臨水立檀粉不勻香汗溼一陣風來碧浪翻真珠零落難收拾此二詩絕妙又劉美中夜度娘歌菱花炯炯垂鸞結爛學宮粧勻膩雪風吹涼髻影蕭蕭一抹疎雲對斜月寇平仲江南曲煙波渺渺一千里白蘋香散東風起惆悵汀洲日暮時柔情不斷如春水亡友何



仲默嘗言宋人書不必收宋人詩不必觀余一日書此  
四詩訊之曰此何人詩答曰唐詩也予笑曰此乃吾子  
所不觀宋人之詩也仲默沉吟久之曰細看亦不佳可  
謂偏強矣

感遇詩

或請予曰朱文公感興詩比陳子昂感遇詩有理致予  
曰譬之青裙白髮之節婦乃與靚粧袿服之宮娥爭妍  
取憐埒材角妙不惟取笑旁觀亦且自失所守要之不  
可同日而語也彼以擬招續楚辭感興續文選無見於  
此矣故曰離之則雙美合之則兩傷要有契予言者



讀書萬卷

好用古文  
美者胸中

杜子美云讀書破萬卷下筆如有神此子美自言其所  
得也讀書雖不爲作詩設然胸中有萬卷書則筆下自  
無一點塵矣近日士夫爭學材博不知讀書果曾破萬  
卷乎如其未也不過拾離騷之香草丐杜陵之殘膏而  
已又嘗記宋宣政間人文稱翟汝文葉夢得汪藻孫覲  
四人孫嘗自評曰吾之視浮溪浮溪之視石林各少十  
年書石林視翟忠惠亦然識者以爲確論今之學文者  
果有十年書乎不過抄玉篇之難字效紅勒之軋亂而  
已乃反峻其門墻高自標榜必欲晚古人而薄前輩何



異蜉蝣撼大樹乎

晚唐兩詩派

晚唐已成  
宋習正爲  
有派耳

晚唐之詩分爲二派一派學張籍則朱慶餘陳標任蕃  
章孝標司空圖項斯其人也一派學賈島則李洞姚合  
方干喻鳧周賀九僧其人也其間雖多不越此二派學  
乎其中日趨於下其詩不過五言律更無古體五言律  
起結皆平平前聯俗語十字一串帶過後聯謂之頸聯  
極其用工又忌用事謂之點鬼簿惟搜眼前景而深刻  
思之所謂吟成五箇字撚斷數莖鬚也予嘗笑之彼之  
晚詩道也狹矣三百篇皆民間士女所作何嘗撚鬚全



不讀書而徒事苦吟。撚斷肋骨亦何益哉。晚唐唯韓柳  
爲大家。韓柳之外元白皆自成家。餘如李賀孟郊祖騷  
宗謝李義山杜牧之學杜甫溫庭筠權德輿學六朝馬  
戴李益不墜盛唐風格。不可以晚唐目之。數君子真豪  
傑之士哉。彼學張籍賈島者。真處視中之蟲也。○二派見張  
洎集序。項斯詩。非予之臆說也。

### 封使君

古傳記言漢宣城郡守封邵。一日化爲虎食郡民。民呼  
曰封使君。卽去不復來。其地謠曰。莫學封使君。生不治  
民死食民。張禹山詩曰。昔日漢使君。化虎方食民。今日



明。奇。賞。卷。之。二。二。使。君。者。冠。裳。而。喫。人。又。曰。昔。日。虎。使。君。呼。之。卽。慚。止。今。日。虎。使。君。呼。之。動。牙。齒。又。曰。昔。時。虎。伏。草。今。日。虎。坐。衙。大。則。吞。人。畜。小。不。遺。魚。鰕。或。曰。此。詩。太。激。禹。山。曰。我。性。然。也。予。嘗。戲。之。曰。東。坡。嬉。笑。怒。罵。皆。成。詩。公。詩。無。嬉。笑。但。有。怒。罵。耳。

瓊語

鳥。集。之。交。初。驩。而。後。吐。鳥。巢。之。孤。先。笑。而。後。號。始。龍。卒。蚓。化。荃。變。茅。詩。曰。靡。不。有。初。鮮。克。有。終。平。準。書。譏。橫。斂。之。臣。也。貨。殖。傳。譏。好。貨。之。君。也。太。史。公。之。旨。千。載。之。下。有。趙。汭。知。之。懿。哉。



非其地而樹之。不生也。非其人而語之。不聽也。非其人如聚聾而鼓之。得其人如聚沙而雨之。微子所以歡蓬飛仲尼所以感桑落也。

君子蘊義生風。小人蘊利生業。

以水濟水。吾何以知其旨也。以錦緣錦。吾何以知其綺也。是故渭以涇。清玉以礫。貞輔以拂。顯善以否。形垂橐而往。稊載而歸。師學之益乎。被褐而入。衣錦而出。友問之力乎。故曰孚化之翼。飛之。

材生於天。不係乎地。禹貢紀山川。而不紀風俗。風俗由乎上之教也。紀物產而不紀人才。人才由乎下之化也。



鳶肩羔膝蠅營狗苟小人禽態乎側視媚行影附響承  
小人婦態乎

爲文而欲一世之人好吾悲其爲文爲人而欲一世之  
人好吾悲其爲人勿清之格言吾黨之炯戒乎

出則元亨處則利貞貞元者出處之則也默則立象語  
則成爻爻象者語默之檢也

道以器寓人與天期故雷霆之聲可以鼓鐘寫風雨之  
變可以音律知

嚴挺之寧不作相不見李林甫崔隱甫寧不作相不見

牛仙客



河北得水爲河。塞外得水爲海。少而多之也。滇雲稱山日長坡。貴竹名雨。曰清露多而少之也。

冰壺不可與夏蟲饗。秋月不可與俗士賞。

章句之病。黨枯護朽。守缺保殘。有不非服鄭之陋。無是正左班之忠。故曰依義莫依語。師心不師迹。難矣哉。

越王金鑄。范少伯。晉帝圖畫宗。少文遙聞聲而相思也。

秦皇未見韓非。則思與之並世。不可得。既見非。則殺之。

武帝未見相如。則思與之並世。不可得。既見相如。則擯

之。日進前而不御也。

文道也。詩言也。語錄出而文與道判矣。詩話出而詩與



言離矣。

買功以長生。愛時而敬日。非老不休。非疾不息。

魏文侯匿謗書樂羊得成。中山之勛。魏襄王信史起。鄴令得成。漳水之功。故洶洶之中。不可不味也。

于定國身爲九卿。猶迎師執弟子禮。韓信破趙功成。禮降將而北面。事之前漢。風俗之厚。近於三代矣。

以沈充爲父。而有沈勁之子。以許敬宗爲祖。而有許遠之孫。犧生犂胎。龍寄蛇腹。人能起宗。非以宗起也。

四六妙句

磨丹漬墨有來太乙之青藜。正笏垂紳卽侍玉皇之香



案翰林學士象八節不過一歲之少留刺史入三公便在

五雲之多處象八節言一歲八遷縱橫經庫甲乙丙丁四部之書

馳驟詞垣天地風雲八方之陣洪年齊賀翰林五鳳樓

之巨筆九龍簾之大鍾學和叔正冬伯趙司至冬官送

之禮樂不離尺五之天任以三公即近丈三之日諫聽

六日四分之鳳律又見新陽詠五更三點之鵲行已迷

舊夢李梅亭

宋人四六

宋人四六如才非一鶚難居累百之先智異衆徂遂起

朝三之怒水利云刻石立作三犀牛豈見離堆之利復



陂誰云兩黃鵠詎煩鴻隙之謠四六中古文也

宋士子四六

宋處州士子終場者六人三人與選謝主司啓云同矍  
圃之觀人去者半存者半類孔門之取友益者三損者  
三。

俗儒泥古

易曰窮則變變則通通則久禮曰禮時爲大順次之文  
子引老子之言曰天下幾有常法或當於世事順於天  
地祥於鬼神即可正治矣又曰先王之制不宜卽廢之  
小世之事善則著之故聖人制禮樂而不制於禮樂制



惡其似則  
可惡其真  
則不可

法而不制於法故曰可道非常道嗚呼斯言也其識時  
務達治體之深者乎後世如趙括之兵法房琯之車戰  
蘇綽王安石之周禮其法是其時非也澤麋而蒙彫虎  
之皮尸鳩而傳鷦明之羽適足增其累爾張橫渠必欲  
行井田胡致堂必欲復封建幸而不用不幸而試其敗  
塗地矣朱子猶惜其有志未就而卒亦迂矣哉甚者謂  
肉刑可用民兵當立不祭墓而止祭祠不設像而止設  
主紛紛之議皆泥古之過也近日有謂婦女不宜傳粉  
弓足酒器不宜廂銀鍍金及仕甫通顯素履蕩然此又  
詩禮發金椎之塚援狄衣周公之服者尤可惡哉



東漢而延  
客其能默  
稱宦官幾  
人

懸榻

陳蕃初爲青州太守。郡人周璆字孟玉，高潔之士。郡守召命，莫肯至。惟蕃能致焉。特爲一榻去，則懸之。後爲豫章太守，不接賓客。惟徐穉來，特設一榻去，則懸之。右二事相類。蕃平生所接賓客，亦罕矣。○愚謂蕃亦癡矣。爲郡守，采一郡之風謠，爲宰相，以天下爲耳目，若閉閣懸榻，乃于木泄柳之所爲，豈郡守宰相之事乎？宦官之禍，其及宜矣。

范蠡西施

世傳西施隨范蠡去，不見所出。只因杜牧西子下姑蘇。



一舸逐鴟夷之句而附會也予竊疑之未有可證以折其是非一日讀墨子曰吳起之裂其功也西施之沉其美也喜曰此吳亡之後西施亦死於水不從范蠡去之一證墨子去吳越之世甚近所書得其真然猶恐牧之別有見後檢修文御覽見引吳越春秋逸篇云吳亡後越浮西施於江命隨鴟夷以終乃笑曰此事正與墨子合杜牧未精審一時趁筆之過也蓋吳既滅卽沉西施於江浮沉也反言耳隨鴟夷者子胥之譖死西施有力焉胥死盛以鴟夷今沉西施所以報子胥之忠故云隨鴟夷以終范蠡去越亦號鴟夷子杜牧遂以子胥鴟夷



西施隨范  
大夫有何  
受誣

崔延伯非  
戰將可知

爲范蠡之鴟夷乃影撰此事以墮後人于疑網也旣又  
自笑曰范蠡不幸遇杜牧受誣千載又何幸遇予而雪  
之亦一快哉

托物起興

昔崔延伯每臨陣則令田僧超爲壯士歌然後單馬入  
陣所向無前至僧超死則不復能戰宋子京脩唐書難  
二、緣、燭、妾、媵、夾、侍、望、之、如、神、仙、吳、元、中、居、翰、苑、每、草、制、  
詔、則、使、婢、遠、山、摩、墨、運、筆、措、詞、宛、若、畫、此、所、謂、托、物、起、  
興、仗、境、生、法、也

精鑒醍醐



百鍊精金  
亦復如是  
學可不鍊  
哉

儒書以精鑿喻學精鑿皆言米也穀一石得米六斗爲  
糲一石五斗爲穀得四斗爲鑿得三斗爲精精之爲字  
從米爲義從青爲聲古文作晶象二米之形尤見意義  
佛書以醍醐之教喻於佛性從乳出酪從酪出酥從生  
酥出熟酥從熟酥出醍醐也

### 君相

管子云小白爲人無小智而有小慮漢高祖亦明於大  
而暗於小光武小敵怯而大敵勇呂端小事糊塗大事  
不糊塗君相之體一也

### 仲長統鄭泉



世謂清談放曠起于晉非也漢末已有之矣仲長統見志詩曰寄愁天上埋憂地下叛散五經滅裂風雅鄭泉嗜酒臨卒謂同類曰必葬我陶家之側庶百歲之後化而成土幸見取爲酒壺實獲我心矣二子蓋阮籍劉伶之先着鞭者也

唐庚語

唐庚曰三桓諷魯作三軍合周禮矣其志乃欲卑公室而奪之權曹操諷漢復九州合禹貢矣其志乃欲廣冀州而益其地晉曲沃莊伯用夏正令人統矣其心乃欲自立凡姦人欲濟其邪謀者未嘗不引經術也



權德輿奇語

舟有溺騎有墜。寢有魔。飲有醉。食有饁。行有蹙。其甚則皆可以致斃。無非危機。其可如土偶木寓耶。此權德輿文中奇語也。

木寓見漢書注。木寓龍木寓馬是也。

書解

古書解者多失其義。遂害於理。尚書注怪石之貢。以爲奇怪之石。若後世靈壁太湖嵌空璫瓏。以供戲玩。是禹爲牛。僧孺米元章也。又解禹貢三江之水。味別是以聖人爲品。水闢茶如陸羽。張又新之流也。戰國處士謂舜塗廩浚井。遭焚坑而不死。列女傳又謂二女實教之。是



以舜爲左慈劉根而二女爲李全之婦劉綱之妻也靜  
言思之皆可發一笑

雁戶

唐書編氓有雁戶。謂流民也。

梓碧山人

四明梓碧山人許奎作百忍箴多牽合衍贅予獨取其  
危箴云圍棋制淝水之勝。單騎入回紇之軍。此宰相之  
雅量。非將軍之輕身。蓋安危未定。勝負未決。帳中倉皇。  
則麾下氣懾。正所以觀將相之事業。浮海遇風。色不變。  
於張融。亂兵掠射。容不動。於庾公。蓋鯨鯢澎湃。舟楫寄



愚謂  
不可談  
風水誤  
人不小

躬。白刃。螫。午。節制誰從。正所以試天下英雄。噫。可不忍與。

隱居不當談時事

古之耕莘築巖釣渭者。其于天下非事事而究其利病也。非人人而訪其賢否也。閉門造車。出門合轍。得志行乎天下。舉而措之而已。今有廢居而口談時事。謂之畱心。世故不奔競而已。隨駕隱士。時務道學。由此其選也。

賕賄

宋之盛時。有位於朝者。以餽遺及門為辱。受任於外者。



明文奇賞 卷之二十二  
以苞苴入京爲羞及其季代中葉批政孽卿端揆以賕  
賄爲論思臺諫以珍玩爲獻納或以金珠而充脯醢或  
以契券而爲詩文甚者如倪僕售妹于侂冑而得府蘇  
師旦獻妻于侂冑而入閣噫黑頭宰相紅鉛夫人後之  
視今亦猶今之視昔也

### 蘇公讀書法

嘗有人問於蘇文忠公曰公之博洽可學乎曰可吾嘗  
讀漢書矣蓋數過而始盡之如治道人物地理官制兵  
法貨財之類每一過專求一事不待數過而事事精覈  
矣參伍錯綜八面受敵沛然應之而莫御焉此言也虞



邵菴常舉以教人誠讀書之良法也

### 守淮

劉季裴曰自古守淮莫難於謝玄。又莫難於楊行密。謝玄以八千人當符堅九十萬之衆。清口之役。楊行密以三萬人當朱全忠八州之師。衆寡殊絕。而卒以勝者。拒淮以拒敵。而不走敵。以入淮也。

### 白蜺嬰茀

楚辭天問曰白蜺嬰茀。胡爲此堂。安得夫良藥而不能固藏。舊注云蜺雲之有色似龍者也。茀白雲透蛇若蛇者也。昔崔文子學仙於王子儁。子儁化爲白蜺而嬰茀。

一篇皆宜  
張履玩味



持藥與崔文子文子驚怪引戈擊蜺中之因墮其藥俯而試之子僑之尸也此本淮南王安離騷傳之說而王逸述之淮與楚近安去屈未百年其說當有祖疑以傳疑可也朱文公訂楚辭以其怪誕而刪之余謂存之亦有益於教何也王子僑世所稱神仙也既已成蜺變化而猶不免戈擊之難則世之學仙何爲者耶

東坡詆佛

東坡議學校貢舉書斥士大夫主佛老之爲非又策別云天子有七廟今又飾佛者之宮而爲之祠固已過矣又使大臣兼宮以領之歲給費以鉅萬針此何爲者其



言與佛骨表何異。又作勝相院記。謂治其學者。大抵設械以應敵。匿形以逃敗。窘則推墮。混漾中不可捕捉。如是而已矣。此數句盡古今禪學自欺欺人之病。然東坡於禪學深入冥契。而其言如此何也。蓋其與世不合。姑以消其不平。莊子云。因之以曼衍。所以窮年也。殆東坡之謂乎。又賀坤成節表。放億萬之羽毛。未若消兵以全赤子。飯無數之緇褐。不如散廩以活饑民。

注張

正德丁丑歲 武廟閱文獻通考天文星名有注張因命內閣取祕書通考別本又作注張顧問欽天監亦不



知爲何星也。內閣下問翰林院同館相視愕然。慎曰：注張柳星也。周禮以注鳴者，注汪味也。鳥喙也。音呪。南方朱鳥七宿，柳爲鳥之喙也。史記律書：西至於注張。漢書天文志：柳爲鳥喙。因取史記漢書二條示內使，以復同館戲曰：子言誠辨且博矣，不涉於私習天文之禁乎？

風行水上

文選賦有物色一類。李善云：有物有文曰色。風雖地氣然亦有光。毛萇詩註云：風行水上曰漪。易曰：風行水上，渙渙然。渙然卽有文章也。按老泉文甫字說本之易衍之詩註而發其旨者，李善也。○今按風亦可言色。楚辭云：



光風轉蕙汎崇蘭王逸注云雨止日出而風草木亦有光也樂府今朝風色好是風亦可言色

### 黃雲

春秋運斗樞曰黃雲四合女訛驚邦感精符曰妻黨翔則黃雲入國謂女謁盛也淮南子曰黃天之氣上爲黃雲下爲黃埃江淹詩河州多沙塵風吹黃雲起李大白詩黃雲城南烏欲棲

### 三國正統

魏明帝問黃權三國孰爲正統權對曰以天文則魏爲正然考之史黃初四年三月癸卯月犯天心星曰心爲



天王王者惡之四月癸巳蜀先主殂於永安宮而二國  
自如天道豈易言哉晉天文志云二國雖僭號其強弱  
常占昴宿不關紫宮太微然以載記考之流星入紫宮  
而劉聰殞彗尾掃太微而符堅敗熒惑守帝座而呂隆  
破抑又何哉梁武帝時星變占曰熒夷氣如穹廬狀也  
北狄之氣如牛羊之羣來而不斷也南蠻之氣如船如  
閣亦如旌旗搖動東夷氣如樹西戎氣如屋宅之狀海  
傍蜃氣如樓閣廣野之氣如宮闕千歲靈龜上有白雲  
常聚雲氣多黑潤者其下有潛龍二分二至必占雲氣  
黃雲如覆車五穀大熟青雲致蟲白雲致盜烏黑雲多



水赤雲有火鬱鬱葱葱隱隱隆隆佳氣也綿綿絞絞條  
條片片兵氣也澤澤燄燄女子氣也如藤蔓掛樹者寶  
氣也紫氣如樓者玉氣也赭氣有銅紅氣有瓊爲璘褐  
色爲鐵赭色雲氣下垂不可以掘山雲草莽水雲魚鱗  
旱雲煙火涔雲波水陳雲如丘垣杼雲類杼軸杓雲如  
繩蜺雲類闕旗勝兵雲氣如織敗兵雲氣如枯若煙非  
煙若雲非雲郁郁紛紛蕭索輪囷是曰卿雲卿雲者喜  
氣也若霧非霧若蒙非蒙着衣冠而不濡見則其國被  
甲而趨凡望雲氣仰而望之三四百里平望在桑榆上  
餘二千里登高而望之下屬地者三千里雲氣有獸居



上者勝邵鄂賦曰園穹上乎神運方輿下乎氣昇聖王  
臨朝黃赤鳳龜於宮闕賢人出處五色龍虎於樓城鬱  
鬱蒼蒼華蓋氤氲而顯著紛紛郁郁紫桂輪囷而漸生  
九土表山河之異四方陳介冑之名梁惑入南斗天子  
下殿走武帝被髮跣足下殿以禳之未幾非朝有孝武  
帝之變武帝曰虜亦應天象耶晉庾翼與兄水書曰歲  
星犯天關江東無故而季龍頻年閉關此復是天公憤  
憤無皂白之證也噫人之責天亦太詳矣爲天者不亦  
難哉世說云月犯少微隱士當之戴顒自以爲憂旣而  
無恙當時戲謂顒求死不得此尤可笑也



策

辛未科

正德六年

皇帝制曰創業以武守成以文昔人有是說也然兵農  
一致文武同方其用果有異乎文武之分始于何時  
兵民之判起于何代嘗質諸古矣書稱堯曰乃武乃  
文于舜稱文明禹稱文命而不及武于湯稱聖武而  
不及文周之謨烈各專其一且三代迭尚而不言武  
周列四民而兵不與焉何也漢唐宋之英君令主或  
創業而兼乎文或守成而兼乎武或有未備亦足以  
善治論者又謂天下安注意相又謂天下雖安忘戰  
則危是治兵之道果與治民者同耶異耶我太祖



高皇帝以聖神文武統一天下建官分籍各有定制  
列聖相承率循是道百五十年治定功成實由于此  
然承平旣久玩愒乘之學校之法具存而士或失業  
蠲貸之詔屢下而人多告飢流徙之餘化爲盜賊以  
遺朕宵旰之憂今賦稅餽運民力竭矣而軍食尚未  
給調發戰禦兵之力亦勞矣而民患尚未除或者官  
非其人乎而銓選之制黜陟之典賞罰之令亦未始  
不加之意也茲欲盡修攘之實謹恬嬉之戒文治舉  
而武功成天下兵民相衛相養于無事之天以保我  
國家久安長治之業宜何如而可子大夫志于用世



方策試之日不暇以微辭隱義爲問姑舉其切于時者其爲朕陳之

楊慎

臣對臣聞帝王之御天下也有出治之全德有保治之全功文武並用出治之全德也兵農相資保治之全功也于並用而見其同方則天下之政出于一而德爲全德如日月之在天凡所以照臨者胥天之德也于相資而見其一致則天下之治出于一而功爲全功如手足之在人凡所以持行者皆人之功也由是聯屬天下以成其身綱維其道以適于治體統相承而無偏墜不舉



之患本末具備而無罅隙可議之疵放之四海而皆準  
傳之萬世而無弊帝王爲治之要孰有加于此哉臣自  
少讀帝王之書講帝王之道竊有志于當世之事然學  
焉而不敢言言焉而不得達今幸近咫尺之威立方寸  
之地制策所及者皆是道與是事也臣敢不罄一得之  
愚以爲萬分之助乎伏覩聖問首曰創業以武守成  
以文而又曰文武同方兵農一致果有異乎臣惟三代  
而上同一道也勘亂則曰武守成則曰文同一民也無  
事則爲農有事則爲兵初未始異也在易明兩作離文  
明之象也上九王用出征有嘉釋之者曰剛明及遠威



振而刑不濫斯不亦可見文武之同方乎地中有水師  
師旅之象也而釋之者曰伏至險于大順藏不測于至  
靜蓋寓兵于農之意斯不亦可見兵農之一致乎是故  
一張一弛號爲善道剛克柔克協于皇極周公冢宰實  
兼東征畢公爲公亦總司馬武夫堪腹心之寄吉甫有  
文武之稱以天保治內而未嘗無武以采薇治外而未  
嘗無文文武固未分也自秦不師古專以武勇立國語  
詩書者有刑斬首級者進爵民勇于戰皆忘生好利之  
人士賤以拘廢干戈羽箭之習至漢襲秦制立丞相將  
軍而將相之職異唐宋以來置中書元帥樞密而軍國



之權偏此文武之分出于三代之後也成周之制以田  
賦出兵一同之田出戎馬四百疋兵車百乘一封之田  
出戎馬四千疋兵車千乘畿方千里提封萬井出戎馬  
四萬疋兵車萬乘自五人爲伍積而爲兩爲卒自五卒  
爲旅積而爲師爲軍天子之六卿六軍諸侯之大國三  
軍次國二軍小國一軍而降殺有等焉一方有事則命  
將出師追功成獻俘將歸于朝卽守職之吏兵散于野  
卽緣畝之農兵農固未判也至管仲相齊欲速圖霸業  
乃壞周兵于內政分國中以四鄉使國中之民爲兵鄙  
野之民爲農兵不服耒耜之勤農不識干戈之具以至



句吳之水犀秦昭之銳士成周之制變易盡矣此兵農  
之判出于三代之衰也載質之詩書所稱古之帝王未  
有不兼文武之德均兵農之功者稱帝堯者曰乃武乃  
文四表之被卽所謂文丹水之戰則所謂武也舜之誅  
四凶禹之格有苗罔可以武功名而亦文明文命之餘  
事也布昭聖武見于伊訓然聖謨嘉言謂非文武之全  
歟文謨武烈稱于君陳然整旅伐崇下車訪道二者正  
未始偏廢也三代迭尚曰忠曰質曰文而不及武者蓋  
言忠質文則武固在其中必以武言則是秦之所尚而  
非三代之治周列四民曰士農工商而兵不與者卽臣



前所陳寓兵于農之說專以兵言是爲後世之制而非  
成周之舊矣漢唐宋之君如光武之投戈講藝太宗之  
身兼將相庶幾創業而兼乎文其未備者如漢高之不  
事詩書而規模宏遠蓋其寬仁大度暗合乎道况能善  
陸、賈、文、武、並、用、之、言、乎、孝、武、之、封、狼、居、胥、憲、宗、之、平、淮、  
西、西、蜀、庶、幾、守、成、而、兼、乎、武、其、未、備、者、如、仁、宗、之、時、西、  
夏猖獗而致四十二年之太平蓋其深仁厚澤培植國  
本况能用韓、范、儒、者、之、將、乎、陸、賈、之、言、曰、天、下、安、注、意、  
相、則、在、承、平、時、不、可、不、修、文、德、故、曰、人、君、以、論、相、爲、職、  
又曰將特大、有司耳、非相比也、司馬法曰、天、下、雖、安、忘、



戰必危則在承平時不可不飭武備故曰君子以陰戒  
器戒不虞又曰聖人貴未然之防是知兵以衛民民以  
給兵治兵乃所以銷兵講武卽所以偃武治兵之與治  
民亦異而同也漢之軍制以南北分南軍主環衛王宮  
北軍主巡綽京城有騎士有材官與夫西北之車騎東  
南之樓船臨淄之弩手荆楚之劍客皆仰給于縣官而  
不編于齊民識者惜其去古未遠而不能復此漢之治  
民與治兵異也唐府兵之立其制最善兵散于府將歸  
于朝所以弭禍亂之原二十爲兵六十而免而民無久  
役之勞三時耕稼一時講武而兵無常聚之患器甲出



文武能分  
並是能合  
何須強合

于民衣糧出于民。而國無養兵之費。治民與治兵同而論者許其爲近古良有以也。宋之制有三衙四廂諸司總管鈐轄諸將。然終宋之世。國威不振者。殆兵權失之輕。而兵民分之過也。由是言之。文武者其名也。兵農者其實也。三代而上。兵出于農。而文武不得不合。三代而下。兵判于農。而文武不得不分。夫苟知文武之所以同。則所以治民與兵者。不容以異矣。洪惟我太祖高皇帝。獨稟全智。首出庶物。掃開闢所未有之汚。復帝王所自立之地。武功之盛。無以加矣。整人倫于用夏。變夷之餘。興文教于撥亂。反正之始。文德之隆。又何如哉。當時



之建官也。科日則有文舉武舉官。聯則有文班武班部。  
屬則有文選武選。當時之定籍也。常產則有屯田民田。  
戶籍則有軍籍民籍。官署則有州縣衛所。乾剛獨斷無。  
威柄下移之失。犬牙相制無尾大不掉之患。有事則共。  
與機密之謀。無事則各掌兵民之寄。在京有司馬以提。  
督軍營。在外有憲臣以總制邊務。臬司有兵備之權。縣。  
吏專巡捕之職。名若分而實則相屬。職若判而任則相。  
維。保治之法蓋與三代而符也。至若太宗表章經史。  
而外清朔漠之塵。宣宗崇重儒臣而出平漢邸之變。  
列聖相繼益懋益敦。百五十年來固皆以文致治而廟。



算無遺神武不殺偉烈宏功照耀簡冊壽國脉于箕翼  
安國勢于磐石斯世斯民蓋有由之而不知者恭惟

皇帝陛下保富有之業思日新之圖閱歷熟而見理明  
涵養深而持志定垂衣拱手而天下嚮風動顏變色而  
海內震恐疆場之虞撲之于方熾蕭牆之梗消之于未

形君子洗心以承休德小人延頸以望太平而皇心

謙冲謂承平既久玩愒隨之臣伏讀至此有以知陛下

下出治之全德保治之全功可因此一念而舉矣臣竊

以爲陛下求治之心甚至而奉行者或有所未至焉

夫學校者風俗之首也程顥謂治天下以正風俗得賢



才爲本使主學校者皆得其人教之之法悉如陽城之  
在國學胡瑗之在湖學一道德以明禮義尊經術以定  
習尚不荒于嬉而毀于隨則淳厚之風可臻而士之失  
業者非所憂矣民者國本所係邵雍謂寬一分則民受  
一分之賜所以寬之者在朝廷而近民者莫切于守  
令使爲守令者皆得其人養之之法悉如黃霸之在潁  
川張詠之在益州遵奉詔條宣布德意不以繭絲先  
保障不以撫字後催科則殷阜之俗可期而民之告飢  
者非所憂矣流徙之餘聚爲盜賊亦由教之無法養之  
無素故也以人情言之盜賊亦人耳人莫不愛其筋力



肌膚也莫不愛其父母妻子也莫不愛其田廬貲產也  
在上者不以無益之工役苦其筋力不以不中之刑罰  
殘其肌膚不以流離病其父母妻子不以誅求損其田  
廬貲產則彼之所愛者皆爲所有矣不幸而死猶不捨  
其所愛况捨所愛以蹈必死之地哉今潢池弄兵綠林  
稱號者在在有之賦稅之過春支秋糧餽運之敝十室  
九空農事在所當重也邇者出內帑銀二十萬兩以濟  
西蜀之軍儲愛民可謂深矣臣愚以爲本土之蓄積宜  
自足用昔人有言兵務精不務多今爲將者兵每務多  
而財餽每患其寡兵旣多則財餽不得不多財餽旣多

天下皆本  
土也本土  
之兵不可  
田大上



之本土  
之財不足  
用天下無  
財矣

則民力不容以不屈。是民以養兵而亦不可反為兵困也。調發之伍動以千百戰禦之功十無二三。兵政尤所當急也。邇者發京營兵三千騎以平山東之反側禦患。可謂切矣。臣愚以為本土之壯士宜自可用。昔漢擊匈奴用六郡良家子。蓋其熟知險易力衛桑梓。比之他方所調發一可當百。况京兵一出既有行積居餉之勞。亦有居重馭輕之戒。固可權其宜于一時而弗可繼於旬月。是兵以衛民而亦不可過為民毆也。聖問又謂或者官非其人。臣愚以為一代之才自足以周一代之用。特患用之不得其道耳。用之誠得其道則食可使也。詐



可使也。况蘊德行而志功名者乎。選舉之制公矣。寧無腐儒而當事局。歷濟而投散地者乎。黜陟之典當矣。寧無冗食備員之輩。隱賢遺才之歎乎。賞罰之令明矣。寧無濫竽而受賞。戴盆而免罰者乎。誠使官各盡其人才。各盡其用。人人有忘私之忠。事事有愛國之誠。徹桑土于未陰之時。徙積薪于未火之日。一郡有警。則旁郡切震。鄰之憂。一時有警。則先時思噬臍之悔。敵至不懼。敵去不侮。不因人成事。而老吾之師。不曠日持久而匱吾之財。內修外攘之實。必曲盡于條教之外。文恬武嬉之弊。必振起于玩習之餘。則文德之敷。雲行雨施。武功之



建雷厲風行遠可以復帝王之善治上可以光祖宗  
之謨烈國家億萬年之曆可以配天地于無窮矣臣  
願陛下益崇此德益保此功存無怠無荒之心爲可  
久可大之道惟萬幾之暇少畱意焉則凡所以策臣者  
可次第而舉矣何暇于多言爲哉臣干冒天威不勝  
戰慄之至臣謹對



經

知時之至耳黠機變之巧  
時之來而乘矣而雖下多言  
益其耳于冒矣夫知不測  
入而人之強則萬幾之即少  
西意款門以視則某州某  
以不計不益崇此斯益將此  
此亦雖寂無業之公故何  
焉然因案就萬千之習日  
以漸天世千無疎矣耳  
其亦無風亦無雨以時亦  
無之矣上而以此耳宗



明文奇賞卷之二十三

史官陳仁錫明卿甫評選

疏

正典禮疏

張孚敬

正公之遇  
誠青然其  
論可採

臣切謂孝子之至莫大乎尊親尊親之至莫大乎以天  
下養伏惟皇上應天順人嗣登大寶廼卽敕議追尊  
興獻王以正其號奉迎聖母以致其養此誠孝子之  
心有不能自己者也茲者朝議謂皇上入嗣大宗宜  
稱孝宗皇帝爲皇考改稱興獻王爲皇叔父興獻  
大王興獻王妃爲皇叔母興獻大王妃者然不過拘



執漢定陶王宋濮王故事謂爲人後者爲之子不得復顧其私親之說耳伏承聖諭以此禮事體重大令博求典故務合至當之論臣有以仰見皇上純孝之心矣比有言者遂謂朝議爲當恐未免膠柱鼓瑟而不適於時黨同伐異而不常於理臣固未敢以爲然也夫天下豈有無父母之國哉臣厠立清朝發憤痛心不得不爲皇上明辯其事記曰禮非從天降也非從地出也人情而已矣故聖人緣人情以制禮所以定親疎決嫌疑別異同明是非也夫漢之哀帝宋之英宗乃定陶王濮王之子當時成帝仁宗無子皆預立爲皇嗣而養之



於宮中是尚爲人後者也。故師丹司馬光之論施於彼。一時猶可。今武宗皇帝已嗣。孝宗十有七年比於崩殂而廷臣遵祖訓奉遺詔迎取皇上入繼大統。豈非以天下者祖宗之天下天下之天下也。臣伏讀祖訓曰凡朝廷無皇子必兄終弟及。夫孝宗興獻王兄也。興獻王孝宗親弟也。皇上興獻王長子也。今武宗無嗣以次屬及則皇上之有天下真猶高皇帝親相授受者也。故遺詔直曰興獻王長子倫序當立。初未嘗明著爲孝宗後比之預立爲嗣。養之宮中者。其公私實較然不同矣。或以孝宗德澤在



人不可無後夫 孝宗誠不可忘也假使 興獻王尚  
存嗣位今日恐弟亦無後兄之義夫 興獻王往矣稱  
之以皇叔父鬼神固不能無疑也今 聖母之迎也稱  
皇叔母則當以君臣禮見恐子無祖母之義禮長子不  
得爲人後况 興獻王惟生 皇上一人利天下而爲  
人後恐子無自絕父母之義故在 皇上謂繼統 武  
宗而得尊崇其親則可謂嗣 孝宗以自絕其親則不  
可或以太統不可絕爲說者則將繼 孝宗乎繼 武  
宗乎夫統與嗣不同而非必父死子立也漢文帝承惠  
帝之後則以弟繼宣帝承昭帝之後則以兄孫繼若必



強奪此父子之親。建彼父子之號。然後謂之繼統。則古  
嘗有稱高伯祖皇伯考者。皆不得謂之統矣。或以魏詔  
謂由諸侯入奉大統。則當明爲人後之義。殊不知曹叡  
是時。尚未有嗣。其詔蓋預爲外藩援立者坊。此有爲之  
私。非經常之典也。可槩論乎。故曰禮時爲大。順次之不  
時。不順。則非人情矣。非人情。則非禮矣。臣竊敢謂今日  
之禮。宜列爲興獻王立廟京師。使得隆尊親之孝。且  
使母以子貴。尊與父同。則興獻王不失其爲父。聖母  
不失其爲母矣。夫人必各本於父母。而無二議禮者。亦  
惟體之於心而已。今者不稽古禮之大經。而泥末世之



故事不守 祖宗之明訓而率曹魏之舊章此臣之所  
未解者也雖然非天子不議禮今 皇上虛已宏大疇  
咨衆言倘以朝議爲禮之當稱號一定不可復易且將  
使天下後世之人皆知以利爲利而自遺其父母疑非  
永言孝思孝思維則之謂也臣竊惟此禮乃天經地義  
萬代瞻仰毫釐之差千里之謬故大臣平章小臣獻納  
皆分之宜也書曰有言逆于女心必求諸道有言遜于  
女志必求諸非道夫逆心之言疑於忠而未必皆道也  
遜志之言疑於諛而未必皆非道也臣愚豈敢導諛君  
上以自誤於不忠又豈敢昧於自獻以誤君於不孝惟



公之心事  
愈明

聖明體察而裁決焉臣不勝懇切聽命之至  
廟議疏

臣伏惟皇上以大孝之心議尊親之典初因廷臣執  
論聚訟四年更詔三遍蓋自漢宋以來之君所不決  
之疑至皇上決之所未成之禮至皇上成之真可  
謂洗千古之陋垂百王之法者也是以新詔傳宣愚  
氓不應蓋禮必如此然後合乎天理之正卽乎人心之  
安也茲光祿寺署丞何淵妄肆浮言破壞成禮稱獻  
皇帝爲所自出之帝請立世室列祀太廟此何言也  
臣與廷臣抗論之初卽曰當別爲與獻王立廟京師



又曰別立禰廟不干正統此非臣一人之議天下萬世  
之公議也今何淵以獻皇帝爲所自出之帝比之今  
之德祖請立世室比之周文王武王不經甚矣皇  
上聰明中正諒已察之茲言也上于九廟之威監下  
駭四海之人心臣不敢不爲皇上言之昔漢哀帝追  
尊父定陶共王爲共皇帝立寢廟京師序昭穆儀如孝  
元帝是爲干紀亂統人到于今非之今何淵請入獻  
皇帝主於太廟不知序於武宗皇帝之上與序於  
武宗皇帝之下與孝宗之統傳之武宗序獻皇  
帝於武宗之上是爲干統無疑武宗之統傳之



皇上序。獻皇帝於武宗之下。又於繼統無謂。何淵  
所請此何言也。如謂太廟中不可無禰。漢宣帝嗣昭  
帝後。昭爲宣之叔祖。史皇孫嘗別立廟。未聞有議。漢宗  
廟無禰者。蓋名必當實。不可強爲也。如謂獻皇帝廟  
終當何承。臣謂由皇上以及聖子神孫於太廟當  
奉以正統之禮。於獻皇帝廟當奉以私親之禮。尊尊  
親親。竝行不背者也。先儒謂孝子之心無窮。分則有限。  
得爲而不爲。與不得爲而爲之。均爲不孝。皇上追尊  
獻皇帝。別立廟者。禮之得爲者也。此臣所以昧死勸  
皇上爲之也。入獻皇帝主於太廟者。禮之不得爲。



者也。此臣所以昧死勸。皇上不爲之也。夫成禮則難  
壞。禮則易伏乞。皇上念此禮大成原出一聖裁。匪由  
人奪。何忍一旦遽爲小人所破壞邪。

議重團營疏

聖

伏承 聖諭。今所當務止要整飭邊備。以威禦夷狄。重

究賊官。以雪伸民冤。此朕所在懷也。欽此。臣嘗聞宋岳

飛有曰。文官不要錢。武臣不惜死。則天下太平。皇上

斯言。其真治平之要乎。臣又聞張齊賢有曰。家六合者

似是一而非。任事尤不可。

以天下爲心。豈止爭尺寸之土角夷狄之勢而已。是故

聖人先本而後末。安內以養外。是知五帝三王之道。未



有不先根本者也。今京師根本之地也。營伍空虛。武備不修。此第一可慮之事也。景泰初。兵部尚書于謙嘗設立十二團營之法。最爲緊要。日久漸廢。莫之修舉。正德年間。江彬用事。乃引宣府大同榆林遼東地方邊兵日入內府操練。名曰外四家。而團營之法益大壞矣。近年大同軍士作亂。實因邊方知得京師營伍空虛。遂敢如此肆志而謀國。大臣亦遂姑息養亂。唐藩鎮之禍。恬不知鑒。此誠可痛心者也。今年春。北虜擾害宣府地方。欲選京軍征勦。團營額設十二萬人。及選不得滿二三萬。推厥所由。蓋因承平日久。而權要之家多將強壯之兵。



得人

佔爲私役間有爲影射者不過疲羸之人而已。夫戶部食糧冊籍十二萬人。不闕一名。而選兵乃卒不及二三萬。京營空虛。一至于此。設有倉卒之變。將何以爲備也。臣每與楊一清議及深以爲慮。而一清亦切欲如法修舉。特患未得人耳。茲伏蒙皇上將御用監太監張永起用。責之提督團營。誠爲得人。伏乞命一清同臣等備將團營之法。開陳上請。仍查照先年事例。添設尚書。或兼都御史職銜。與張永內外協同。提督盡將權要私佔軍丁。清出補伍。以充十二萬原數。而于十二萬數內。又當量爲精選。以備先鋒。至於每營總兵叅將等官。必



須遍擇四方老成知兵宿將爲之。不宜專以侯伯膏粱子弟濫充。仍戒不得剝削軍士以離其心。擅令工作以傷其力。無事之日常如法操練。有事之日卽奉命啓行。務使將必知兵。兵必克敵。如此則營伍充實。京師有備。夷狄之患不足慮矣。謹將干謙原奏設立團營緣由并添設尚書舊例隨本開具

### 重制誥疏

臣切惟制誥者王言也。知制誥者臣職也。知制誥而使王言不重。則不得其職矣。臣按國初以來。成化以前制誥之體。猶爲近古。明敎履歷宣昭事功。其於本身者



不過百餘字其覃恩祖父母父母并妻室者不過六  
七十字言之者無費辭受之者無媿色近來俗習干求  
文尚誇大藻情飾偽張百成千至有子孫讀其祖父母  
父母誥敕莫自知其所以然者卒使萬乘之尊下  
譽匹夫匹婦之賤良可惜也孔子曰天下有道則行有  
枝葉天下無道則辭有枝葉今當聖明之世可使  
制誥之文爲枝葉之辭哉伏乞敕下內閣自今以後  
凡爲誥敕必須復古崇實一切枝葉浮誇之辭盡行  
刪去庶王言重而人知所勸矣



臣嘗竊聞天心仁愛人君故先出災變以警告之仰惟  
皇上敬天法祖勵精圖治其心真與天相與流通無  
間然者矣茲者本月十七日立春之夜有妖星光芒見  
於西南占者以爲長星此實臣下奉職無狀所致也臣  
連日祇懼不敢不言按妖星有三曰彗曰孛曰長皆五  
行之氣五星之變各見其方以爲殃災其占略同而其  
形少異孛星光芒短其光四出蓬蓬孛孛然彗星光芒  
長參之如掃帚長星光芒一直或竟天或十丈或三十  
丈亦彗屬也彗體無光附日而光故夕見則東指晨見  
則西指在日南北皆隨日光而指頓挫其芒或長或短



芒之所及則爲災今是星光芒起天庾直入參度貫西  
友七宿天庾三星在婁宿五度積儲粟之所也五廩天  
圍軍市軍井參旗皆爲所掃其分野則屬魯大梁趙冀  
秦晉又凡妖星出見長大災深期遠短小災淺期近三  
尺至五尺期百日五尺至一丈期一年一丈至三丈期  
三年三丈至五丈期五年五丈至十丈期七年十丈以  
上期九年審以察之其災必應此俱出文獻通考象緯  
考可考也又按漢光武建武十五年正月彗星見昴三  
月至東壁滅占曰彗星爲兵入除穢昴爲邊兵彗星出  
之爲有兵至十一月定襄都尉陰承反太守隨誅之盧



芳從匈奴入居高柳至十六年十月降上璽綬晉太元  
十五年七月有星孛于北河色白長十餘丈八月乃滅  
占曰北河或一名胡門有兵喪宋治平三年三月彗出  
營室東行別有白氣一橫天貫北河彗長丈五尺有孛  
氣如一升器積六十七日滅占曰白氣長星也孛器孛  
也爲兵喪水旱飢疫之災此皆以妖星論者也又按晉  
光熙元年十二月有白氣若虹中天北下至地夜見五  
日乃滅占曰大兵起明年王彌起青徐汲桑亂河北毒  
流天下宋太祖乾德三年七月夜西方蒼白氣長五十  
尺貫天船至東井占曰主兵動宋仁宗康定二年八月



夜東方有白氣長十尺許在星宿度中至十日長丈餘  
衝天相居星宿大星南九十餘日沒慶曆三年正月中  
天有白氣長二十尺向西南行占曰邊兵憂宋英宗治  
平四年二月蒼白雲起南方長三丈濶尺貫南門星主  
兵出宋神宗熙寧七年蒼白雲起西南方長二丈濶尺  
經中天白氣如帶主兵宋孝宗乾道元年正月夜白氣  
出奎漸上經婁胃昂貫畢入參占主殺伐主邊城三月  
夜白氣自參宿至角宿與天漢相接占有暴兵此又皆  
以雲氣論者也昔宋儒真德秀曰祥多而恃未必不危  
異衆而戒未必不安顧人主應之者如何耳朱熹曰商



中宗時有桑穀竝生于朝一幕大拱中宗能用巫咸之言恐懼修德不敢荒寧而商道復興享國長久高宗祭于成湯之廟有飛雉升鼎耳而雒高宗能用祖已之言克正厥事不敢荒寧而商用嘉靖享國亦久古之聖王遇災而懼修德正事故能變災爲祥其效如此仰惟皇上修德應天其變災爲祥疑無足爲慮臣竊恐目下四方凶荒盜賊由起惟在於任用得人焉耳今者在朝之臣雖充布大位然真足以勝錢穀甲兵之任者誠未見有幾宜敕吏部會同九卿衙門從公論薦老成者數人某人足當總制之任某人足當饋糧之任分布京



職以備緩急之用。取其才略其小過。不然則臨敵求將。遇事責成。彼不惟各相推托。而其才實不足勝任。而誤國敗事矣。此臣懇懇之心。惟聖明垂察焉。

病痊陳奏疏

臣位重莫勝分宜求退伏荷聖慈。勉畱懇至。不勝感泣。夫聞人言而昧於求去。不智承君命而忍於必去。不仁茲病當少間。黽勉從事。然有欲言而未盡者。敢復爲皇上陳之。幸垂覽焉。臣欽奉聖訓云。卿性資剛速。或傷於過。宜思所以濟者。以協恭輔朕。贊理化機。欽此。臣切思太剛則折。宜濟以柔。欲速不達。宜濟以緩。仰惟



皇上建中和之極敷錫厥福况臣在左右之列敢不日  
加佩服者乎抑稽之書曰同寅協恭和衷哉蔡沈爲之  
說曰君臣當同其寅畏協其恭敬茲聖訓復示臣等  
當同其寅畏協其恭敬君治之師教之保愛之至千古  
所未見也但今人惟知協同之謂和衷而未明寅恭二  
字之義仲尼曰畏天命畏大人畏聖人之言寅畏之謂  
也孟軻氏曰責難於君謂之恭陳善閉邪謂之敬故寅  
可同也。非寅不可同也。恭可協也。非恭不可協也。故寅  
而同。恭而協。謂之和。非寅而同。非恭而協。謂之同。可也。  
謂之和。不可也。仲尼曰君子和而不同。小人同而不同。



爭疏最愷  
切未如對  
君父切責  
之時宜少  
委曲乎

春秋傳曰和如羹焉酸苦以劑其味君子食之以平其  
心同如水焉若以水濟水誰能食之觀和同之辨則可  
以知同寅協恭之義言事君之道矣昔齊景公田招虞  
人以旌虞人以非所招不往也將殺之仲尼遽之曰志  
士不忘在溝壑勇士不忘喪其元古之虞人能爲不同  
如此今之士大夫不能然者何也古者教化行而習俗  
美故雖虞人能之今者教化不行而習俗不美故雖士  
大夫有不能也古者日宣三德浚明有家日嚴祗敬六  
德亮采有邦九德咸事俊又在官當是時位必稱其德  
之大小故不患無位患所以立故有士讓爲大夫大夫



讓爲卿也。後世資格之說行。而位不稱其德之大小。無  
問能否。選滿則注。限年躡級。毋得踰越。非負譴者。皆有  
陞。無降。其庸愚沈滯者。皆喜謂之聖書。逮今爲甚。夫資  
格可以待庸流。不可以待才俊。今之名爲才俊者。率多  
庸流。校祿俸爲深淺。執歲月以要求。循列卿位。祈無負  
譴。故軟熟之習成。而平生之志喪。無幾矣。欲求人才之  
逮于古也。不亦難乎。夫爵祿者。天下之砥石。人君所以  
勵世。靡鈍也。然欲教化行。而習俗美。非  
鼓舞之振作之。未見其可也。漢劉梁曰。得由和興。失由  
同起。今在朝臣工。位高者自知年數不足。則曰他日利



害吾不及見也。位卑者自知資望未及。則曰今日謀議  
吾不得預也。故一切怠緩。悅從務相爲雷同。旋進旋退。  
無毀無譽。國家無事之日。夫旣已如此矣。有事之日。將  
如之何。夫有堯舜禹湯文武之爲君。必有皋陶伊傅周  
召之爲臣。皇上英明邁古。仁義中正。堯舜禹湯文武  
之君也。但有君無臣。爲可歎耳。唐虞三代之臣。不可得  
而見矣。今求之於其下有同心輔政如漢之丙吉。魏相  
者乎。有謀斷相資如唐之房玄齡。杜如晦者乎。有正色  
立朝如宋之王曾。不勑聲色措天下於泰山之巔如韓  
琦者乎。有則皇上宜必知之矣。雖然自古至今。未嘗



借才於異代求之不可不廣知之不可不預苟得其人  
雖使卑踰尊可也。疎踰戚可也。皇上若獨求之於今  
所知之臣恐亦狹矣。昔唐顏真卿爲平原太守能急安  
祿山之變。玄宗曰朕不識顏真卿作何狀乃能如是使  
玄宗預知之。以待李林甫者待真卿。則唐可常保開元  
之盛。豈復有天寶之變邪。夫知人則哲惟帝其難。宋儒  
朱熹嘗推易陰陽剛柔之義以爲觀人之法曰凡其光  
明正大疎暢通達如青天白日如高山大川如雷霆之  
爲威而雨露之爲澤如龍虎之爲猛而麟鳳之爲祥磊  
磊落落無纖芥可疑者必君子也。而其依阿澠涇回互



隱伏糾結如蛇蚓瑣細如蟣蝨如鬼蜮狐蠱如盜賊詛  
呪閃倏狡獪不可方物者必小人也觀人之法莫切於  
此臣既嘗爲 皇上陳之矣孟軻氏曰賢者在位能者  
在職國家閒暇及是時明其政刑詩云迨天之未陰雨  
徹彼桑土綢繆牖戶今此下民或敢侮予孔子曰爲此  
詩者其知道乎能治其國家誰敢侮之孔孟之言真萬  
世久安長治之策也伏惟 聖明加之意焉

釐正孔廟從祀疏

臣謹按程敏政奏曰唐貞觀三十一年始以左丘明等  
一十二人從祀孔子廟庭蓋當是時聖學不明議者無



識拘于舊註。疏謂釋奠先師如詩有毛公禮有高堂生書有伏生之類。遂以專門訓詁之學爲得聖道之傳。而并及馬融等行之至今。誠不可不考其行之得失與義之可否。而釐正于大明有道之世也。臣考歷代正史。馬融初應鄧騭之召。爲秘書歷官南郡太守。以貪濁免官。髡徙朔方。自刺不殊。又不拘儒者之節。前授生徒。後列女樂。爲梁冀草奏殺忠臣李固。作西第頌以美冀。爲正直所羞。卽是觀之。則衆醜備于一身。五經爲之掃地。後世乃以其空言目爲經師。使侑坐于孔子之庭。臣不知其何說也。劉向初以獻賦進喜誦神仙方術。嘗上言黃



審書不可  
不慎

金可成鑄、作不驗、下吏當死、其兄陽城侯救之、獲免所  
著洪範五行傳、最爲舛駁、使箕子經世之微言、流爲陰  
陽術家之小技、賈逵以獻頌爲郎、不修小節、專一附會、  
圖讖以致貴顯、蓋左道亂政之人也、王弼與何晏倡爲  
清談、所註易、專祖老莊、而范甯追究晉室之亂、以爲王  
何之罪、深于桀紂、何休則止有春秋解詁一書、黜周王  
魯、又註風角等書、班之以孝經論語、蓋異端邪說之流  
也、戴聖爲九江太守、治行多不法、懼何武劾之、而自免  
後、爲博士、毀武于朝、及子賓客爲盜、繫獄、而武平心決  
之、得不死、則又造謝、不慚、先儒謂聖禮家之宗、而身爲



賊吏子爲賊徒可爲世鑒王肅在魏以女適司馬昭當  
是時昭篡魏之勢已成肅爲世臣封蘭陵侯官至中領  
軍乃坐觀成敗及毋丘儉文欽起兵討賊肅又爲司馬  
師畫策以濟其惡若好人佞已乃其過之小者杜預所  
著亦止有左氏經傳集解其大節益無可稱如守襄陽  
則數饋遺洛中貴要給人曰懼其爲害耳非以求益也  
伐吳之際因斫瘿之譏盡殺江陵之人以吏則不廉以  
將則不義凡此諸人其於名教得罪非小而議者謂能  
守其遺經轉相授受以待後之學者不爲無功臣竊以  
爲不然夫守其遺經若左丘明公羊高穀梁赤之於春



秋伏勝孔安國之於書。毛萇之於詩。高堂生之於儀禮。居蒼之於禮記。杜子春之於周禮。可以當之。蓋秦火之後。惟易以卜筮僅存。而餘經非此九人。則幾乎熄矣。此其功之不可泯者。以之從祀可也。若融等。又不過訓詁。此九人所傳者耳。况其書行於唐。故唐姑以備經師之數祀之。今當理學大明之後。易用程朱。詩用朱子。書用蔡氏。春秋用胡氏。又何取於漢魏以來駁而不正之人。使安享天下之祀哉。夫所以祀之者。非徒使學者誦其詩。讀其書。亦將識其人。而使之尚友也。臣恐學者習其訓詁之文。於身心未必有補。而考其奸諂淫邪貪墨怪



妄之迹將自甘於效尤之地曰先賢亦若此哉其禍儒  
害道將有不可勝言者矣至於鄭衆盧植鄭玄服虔范  
甯五人雖若無過然其所行亦未能以窺聖門所著亦  
未能以發聖學若五人者得預從祀則漢唐以來當預  
者尚多臣愚乞將戴聖劉向賈逵馬融何休王肅王弼  
杜預八人褫爵罷祀鄭衆盧植鄭玄服虔范甯五人各  
祀于其鄉后蒼在漢初說禮數萬言號后氏曲臺記戴  
聖等皆受其業蓋今禮記之書非后氏則不復傳於世  
矣乞加封爵與左丘明等一體從祀則僞儒免欺世之  
名賢者受專門之祀而情文兩得矣又曰孔子弟子見



于家語自顏回而下七十六人家語之書出于孔氏當  
得其實而司馬遷史記所載多公伯寮秦冉顏何三人  
文翁成都廟壁所畫又多蘧瑗林放申枨三人先儒謂  
後人以所見增益殆未可據臣考宋邢昺論語注疏申  
枨孔子弟子在家語作申續史記作申黨其實一也今  
廟庭從祀申枨封文登侯在東廡申黨封淄川侯在西  
廡重複無稽一至於此且公伯寮愬子路以沮孔子乃  
聖門之蝨螥而孔子稱瑗爲夫子決非及門之士林放  
雖嘗問禮然家語史記邢昺注疏朱子集註俱不載諸  
弟子之列秦冉顏何疑亦爲字畫相近之誤如申枨申



黨者但不可考耳。臣愚以爲申枏申黨位號宜存其一。  
公伯寮秦冉顏何蘧瑗林放五人。旣不載于家語七十  
子之數。宜罷其祀。若瑗放二人。不可無祀。則乞祀瑗于  
衛。祀放于魯。或附祭于本處鄉賢祠。仍其舊爵。以見優  
崇賢者之意。亦庶乎名實相符。而不舛于禮也。又曰。洪  
武二十九年。行人司司副楊砥建議。請黜楊雄。進董仲  
舒。太祖高皇帝嘉納其言而行之。主張斯道以淑人  
心。可謂大矣。然荀況楊雄實相伯仲。而況以性爲惡。以  
禮爲僞。以子思孟子爲亂天下。以子張子夏子游爲賤  
儒。故程子有荀卿過多楊雄過少之說。今言者欲並黜



況之祀宜也。然臣竊以爲漢儒莫如董仲舒。唐儒莫如韓愈。而尚有可議者一人。文中子王通是也。通之言行先儒之論已多。大約以爲僭經而不得比于董韓云爾。臣請斷之以程朱之說。程子曰：王通隱德君子也。論其粹處，殆非荀楊所及。若續經之類，皆非其作。然則程子豈私於通哉？正因其言之粹者，而知其非僭經之人耳。朱子曰：文中子論治體處，高似仲舒而本領不及。爽似仲舒而純不及。又曰：韓子原道諸篇，若非通脈及者，然終不免文士之習利達之求。若覽觀古今之變措諸事業，恐未若通之精到懇惻而有條理也。至於河汾師道。



之立。出於魏晉佛老之餘。迨今人以爲盛。則通固豪傑之士也。今董韓竝列。從祀而通不預。疑爲缺典。臣又按宋儒自周子以下九人同列。從祀而尚有可議者一人。安定胡瑗是也。瑗之言行先儒之論已詳。大約以爲少著述而不得比于濂洛云爾。臣亦請斷以程朱之說。程子看詳學制曰。宜建尊賢堂。以延天下道德之士。如胡瑗張載邵雍。使學者得以矜式。朱子小學書亦備載瑗事。以爲百世之法。臣以爲自秦漢以來。師道之立。未有過瑗者。矧程子於瑗之生也。欲致其與張邵竝居于尊賢之堂。其沒也。乃不得與張邵竝侑于宣聖之廟。其爲



闕典甚矣。况宋端平二年議增十賢從祀。以瑗爲首。若以爲瑗無著述之功。則元之許衡亦無著述。但其身教之懿與瑗相望。誠有不可偏廢者。臣考之禮。有道有德于教于學者死。則爲樂祖。祭于瞽宗。鄉先生沒。則祭于社。若通瑗兩人之師道。百世如新。得加封爵。使與衡同祀于學宮。最得禮意。謝鐸奏曰。孔廟從祀之賢實萬世瞻仰所係。有若龜山先生楊時。程門高弟伊洛正傳。息邪放淫。以承孟氏不媿南軒所稱。繼往開來。吾道南矣。實演晦翁之派。雖其晚節一出。不克盡從其言。而新經之闕誠足以衛吾道而不預從祀之列。臣竊惑焉。又若



臨川郡公吳澄著述雖不爲不多行檢則不無可議生  
長於淳祐貢舉於咸淳受宋之恩者已如此之久爲國  
子司業爲翰林學士歷元之官者乃如彼其榮處中國  
而居然夷狄忘君親而不恥仇虜昔人謂其專務聖賢  
之學卓然進退之際不識聖賢之於進退果如是否乎  
如是而猶在從祀之列臣固不能以無惑况二人者皆  
太學之師其於廟祀黜陟之際尤不可以不正也舉人  
桂華議曰嘗讀宋史有蔡元定者史曰朱熹疏釋四書  
及易詩傳通鑑綱目皆與元定參訂啓蒙一書則元定  
之藁又曰元定平生問學皆寓朱子書集又曰朱子論



易推本圖書往往與元定往復而有發焉然則後朱熹而生者於朱熹皆受罔極之恩惟元定獨爲有功於朱熹死者可作朱熹之志可知也更復考其所著成書有律呂新書皇極指要洪範解大衍詳說等篇昔我

太宗編輯性理全書指要新書固已擢錄至於範數雖止入其子沈之所著者沈之所受則何自哉觀其命沈之言女宜演吾皇極數而真德秀又謂範數西山獨心得之沈之受於元定蓋不由師傳而自得之也可知矣先王制祀以死勤事則祀之竊以元定蓋亦勤斯道而竄死與古以死勤事者同所宜從祀臣謹詳敏政所奏



率多正論可采弘治初曾奉孝宗聖旨着禮部照例會官議率爲沮格不行及按孝宗實錄云鐸議吳澄不當從祀尚書傅瀚力詆鐸言爲謬又力稱前人之請爲有見不可遽易侍郎焦芳曰所謂前人者蓋楊士奇也今天下方議其當柄用之際雖從祀大事猶能私庇其鄉人可又襲其非耶瀚竟引禮所謂凡祭有其舉之莫敢廢詩書所謂率由舊章監于戒憲以文其說而於澄忘宋事元之大節略不及澄遂仍舊從祀而鐸議皆寢論者謂士奇之以澄欺宣廟非特私其鄉人而措意亦有在瀚不悟此則唯溺鄉里之私而不顧君臣之



妙

大倫正道統之攸繫乃據爲舊章成憲再不可議然則  
楊時奏黜王安石之配享當時安石豈無朝命而配享  
哉特其命雖出自朝廷而事實由臣下阿私所親以誤  
朝廷而非天下之公議所以易之後世竟不以爲過也  
此豈橫私意於胷中者所能與哉臣又詳桂華之議蔡  
元定宜列祀典以協衆論之公也臣又按歐陽修乃有  
宋一代人物未與從祀嘗觀其所著本論實有翊衛聖  
道之功蘇軾曰自漢以來道術不出於孔氏而亂天下  
者多矣五百餘年而後得韓愈學者以配孟氏蓋庶幾  
焉愈之後三百餘年而後得歐陽子其學推韓愈孟子



蓋名尊孔  
子者下

以達於孔氏故天下翕然師尊之曰歐陽子今之韓愈也夫韓愈既已從祀歐陽修豈可闕哉。

### 孔子祀典或問

或問孔子祀典自有唐以來稱號定矣子必願皇上正之者何也臣答曰爲尊孔子也爲人道大倫也聖人倫之至也孔子以德則師也以位則臣也大倫正而後孔子之道尊故曰尊孔子也然非愚一人之見也今昔諸儒之公論也世之人徒知以封王尊孔子而實不知所以尊也或曰孔子封號聖祖詔仍元舊也臣答曰聖祖初未嘗爲孔子作謚號也仍元舊耳按洪武



三年詔曰夫禮所以明神人正名分不可以僭差歷代忠臣烈士依當時初封以爲實號後世溢美之稱皆與革去其孔子善明先王之要道爲天下師以濟後世非有功於一方一時者可比所有封爵宜仍其舊夫胡元祀神瀆禮極矣名之不正甚矣聖祖一切革去獨存孔子祀典者實以孔子明先王之道爲天下師也曰爲天下師聖祖實尊之以師也非以王號也祖訓凡傳制遣官代祀歷代帝王孔子廟於帝王則直曰帝王於孔子則直曰孔子故凡祭祀遣命俱稱先師孔子實未嘗有以王號稱之者也夫孔子稱文宣王太公稱武



成王實始於開元之制也。洪武二十年，禮部奏請如前代故事，立武學，仍祀太公。建武成王廟。聖祖曰：太公，周之臣，封諸侯，若以王祀之，則與周天子竝矣。加之非號，必不享也。太公之祀止，宜從祀帝王廟。遂命去王號，罷其舊廟。觀此，則孔子專廟祀之實。聖祖尊之以師之故，其不王孔子之意，亦自可見矣。不然，孔子道德雖非太公可擬，然以周天子視之，則皆臣子也。加以非號，太公既必不享也。孔子又豈肯享哉？或曰：追崇之禮，其來尚矣。凡爲人君者，皆尊崇其祖父。孔子師也，獨不可追崇乎？臣答曰：此國朝楊守陳之論也。其言曰：孔子



道德教化之盛。賢堯舜而配天地。自生民以至於今。一人而已。後世人君皆師之。則皆其弟子也。稱爲先師。固當矣。若追崇之典。必當臻乎極而後已焉。周公制禮。追王其父祖。前未有也。師生之義。與父子之恩。同于可以追王其父。則生亦可以追王其師。况孔子又萬世一人。後王實被罔極之恩者乎。噫。斯言也。悖也甚矣。天子而追崇其父。周公之制也。弟子而追王其師。古有是制乎。信斯言也。成湯之於伊尹。學焉者也。亦追崇伊尹可乎。或曰。孔子有道德王道者也。追崇爲王。奚爲不可。臣答曰。孟軻氏曰。匹夫而有天下者。德必若舜禹。而又有天



予薦之者故仲尼不有天下夫昔者堯薦舜於天矣舜  
薦禹於天矣故舜禹之有天下天與之也孔之德雖無  
媿於舜禹而無天子薦之者故不有天下自夫唐玄宗  
加孔子以王號也末世因之若將使孔子有天下者也  
以爲尊孔子也噫欺天甚矣或曰然則周惇頤以爲萬  
世無窮王祀夫子其言不足證乎臣答曰周惇頤曰春  
秋正王道明大法也孔子爲後世王者而修也亂臣賊  
子誅死者於前所以懼生者於後也宜乎萬世無窮王  
祀夫子報德報功之無盡焉夫王祀孔子自唐宋未之  
有改也惇頤之意特主言孔子功德之隆宜萬世報之



無盡焉耳。夫豈旣以孔子正王道明大法也。而復以王  
祀爲宜乎。讀者不以辭害意可也。或曰孔子王號自唐  
宋至今未之有改也。雖三尺童子皆知所尊也。臣答曰  
三尺童子皆知所尊者尊孔子以師也。非以王也。有人  
於此列堯舜禹湯文武之像而祀之。其懼刑禁也必矣。  
孔子雖三尺童子皆得以祀之尊之以師故也。或曰塑  
像之說果非禮乎。臣答曰非禮也。諸儒已論之詳矣。又  
按國朝宋濂曰不以古之禮祀孔子是褻祀也。褻祀  
不敬不敬則無福。開元之制搏土而肖像焉。則失神而  
明之之義矣。或曰孔子塑像固非禮也。然仍元之舊一



旦毀之忍乎臣答曰以土梗爲孔子也爲禮也誠一旦  
不忍毀也以土梗非孔子也非禮也則不可不亟毀之  
矣。毀之所以尊孔子也以全禮也夫奚疑哉或曰塑像  
毀矣無假於章服矣然則籩豆樂舞之數其仍舊可乎  
一旦殺之忍乎臣答曰以籩豆樂舞之加爲尊孔子也  
爲禮也誠一旦不忍殺之矣以籩豆樂舞之加非尊孔  
子也非禮也則不可不亟殺之矣殺之所以尊孔子也  
以全禮也夫奚疑哉或曰祭用生者之祿天子以天子  
之禮樂祀其先師夫奚不可臣答曰祭用生者之祿人  
子推之以事其父則古禮也弟子推之以事其師則古



禮未之有聞也。杞宋用天子禮樂以祀其先。爲二代王者後也。若魯以周公之功用天子禮樂。則非禮矣。孔子謂季氏八佾舞於庭。是可忍也。孰不可忍也。又謂俎豆之事。則嘗聞之矣。然則八佾十二籩豆。天子之禮樂也。孔子肯安然享之乎。或曰。廟仍以殿名可乎。臣答曰。孔子學宮之祭。本古弟子釋奠先師之禮也。謂廟可也。非殿也。或曰。孔子祀典之正。將行之天下也。然則闕里也。如之何。臣答曰。孔子之後。其傳道者宜莫如子思也。昔魯哀公誅孔子曰。尼父。子思作中庸。則直稱曰仲尼。固未嘗援之爲孔子重也。曾子將死。起而易簣。責曾元。曾



申曰君子之愛人也以德細人之愛人也以姑息是不  
安用大夫之禮也孔子豈肯安享天子之禮樂乎又子  
思曰今天下車同軌書同文行同倫言天下一統也奚  
疑於闕里乎哉或曰聖明在上凡諸祀典誠不可不  
正也無乃太速乎臣答曰天地定位日月陰陽各止其  
所禮儀有成典矣夫孔子與天地合其德日月合其明  
實祀典之大者不可不急正者也非速也宜也

自陳休致疏

臣嘗聞孔子有曰爲上可望而知也爲下可述而志也  
則君不疑於其臣而臣不惑於其君矣蓋言上以誠接



下下以誠事上故不疑不惑耳臣因修省兩疏乞休未  
蒙俞允臣仰知皇上以誠接下而無所疑臣豈敢不  
竭情事上而復有所惑乎臣思給事中魏良弼論臣罪  
狀何報復之速也夫臣子失職之罪小專權之罪大以  
此加臣臣不敢不言請聖明垂察焉今年四月內魏  
良弼因點閘京營薦舉襄城伯李全禮等署都督僉事  
牛桓等指揮僉事王定等總一十五員蒙發閣擬票臣  
見所舉率多庸流保語過實謂同官曰昔官兵部有將  
材簿專查保語以爲遷轉近來將官往往鑽求薦舉以  
圖僥倖此奏內人員所宜覈實臣等擬票上請奉



合天下之  
兵以奉天  
子則權當  
自天子出

欽依這舉保官員着兵部會同都察院提督團營官各  
照他保語逐一從公覈實明白開奏勿得扶同以滋濫  
舉之弊臣之心實欲黜陟之權自天子出不得下移  
於臺諫也續該兵部會奏蒙發閣擬票臣等見奏內覆  
稱魏良弼所薦各官據其掄揚之間容有過情之失擬  
票上請奉 欽依魏良弼承命點閱軍營却乃濫保武  
職官員本當查究姑從寬罰俸兩箇月這所舉你部裏  
從公用舍不許偏信保語以滋奔競臣之心實欲黜陟  
之權自天子出不得下移於部司也魏良弼因此內  
失私求外犯公議切齒於臣日益甚矣近 皇上因修



省明示不許假公報私。魏良弼輒先挾私報復。聖明  
必有以察之。夫人主行法於天下。能使臣子之守法。然  
後人主之法尊。人臣奉法於天子。能不使私臣之壞法。  
然後人主之法信。臣受皇上機密之任。心膺之託  
者乎。又敢不爲人主守法。專媚人以求苟免乎。此臣平  
生報主之心。天人共鑒者也。臣又伏承聖訓。痛自思  
省。知小而謀大力。小而任重。此臣不職之罪。上千天和  
以致星變。以此坐臣之罪。特賜誅斥。臣實甘心無辭者  
也。古之王者。奉三無私君道也。古之人臣。三仕三黜。臣  
道也。皇上昔賜臣之歸。旋復而召臣。非草木不敢不



此事關政  
體培孝德  
不淺張公  
第一相業

思報也臣獲命而去聞命而來臣非草木不敢不思改  
也伏乞上懲天戒下察人言今日策免必先自臣始則  
皇上奉三無之公當爲萬世人君之法臣獲三黜之罪  
當爲萬世人臣之戒矣

救張延齡疏

臣因張延齡事情不能積誠上悟聖心罪當萬死萬  
死伏思他人可委之無言臣受恩深重惟應死報  
皇上視臣有手足之親託臣以心膂之寄臣不盡言以  
發機緘以明是非則臣負恩之罪萬死莫贖矣本月十  
一日伏蒙聖諭謂延齡皇伯考懿親祇宜守分猶



有餘乃包藏禍心謀爲不軌是何道也并所奉 皇伯  
母傳諭錄示臣等作速議處因法司會問招詞未成不  
敢輕議十四日伏蒙發示會問招擬臣反覆看得張延  
齡殺人罪狀已明誠不可宥而謀逆之情未明故以一  
得之愚上請非以其真有逆情尚敢以 孝皇帝懿親  
請 皇上宥之也隨蒙 聖諭責臣以左右大臣必爲  
我 皇祖保天下以殺逆賊同姓尚處死况懿親乎臣  
伏讀無任戰懼之至臣伏思 皇上欲察延齡逆情真  
與不真行法當與不當請自今日在朝人心觀之也夫  
延齡兄弟當 孝宗 武宗時朝士多相交往臣時雖



未入仕竊嘗聞之。武宗彌留之際。皇上迎繼大統。未至京師。閣臣上託。昭聖皇太后懿旨。拏人輒自處斷。彼時威權內外已震懼矣。迨夫皇上嗣統。閣臣等乃輒敢以皇上考孝宗母昭聖。凡在朝者靡不翕從。昭聖因自以有擁立之恩。以子皇上爲當然。以致聖母至京。莫知所以接見之禮。皆臣下謬妄之罪。以誤昭聖也。彼時臣初爲進士。未嘗受皇上一命之寄。皇上亦未嘗識臣。爲何如人。臣只因見得道理之真。故敢以一人犯天下之怒。幸賴聖明在上。裁決不然。臣萬死無益也。今朝士恨臣之心。實未嘗一日



肯忘每欲相時報復雖昭聖皇太后之心恐亦未嘗  
一日忘臣者也嘗有人以斯言告臣者臣答之曰臣子  
事君惟盡此心之誠若夫成敗利鈍則在乎天而已臣  
自誓此心至死靡他也今者延齡情發臣觀內外大小  
臣工俱默默無言雖言官亦無敢言孰是孰非者何也  
實皆幸皇上今有此舉以爲悉由議大禮中來得  
皇上誅滅延齡家俾昭聖皇太后不得善終以深  
皇上之過以爲臣及獻一陽爲解釋陰爲佐助以重臣  
二人之罪莫逃於天下後世其設心如此而已特聖  
明偶未之察耳臣連日伏思延齡殺人之罪誠不可宥



皇上卽殺之無得而議也其他如臣前議以處鶴齡或  
置之南京不得畱住京師以滋惑仁壽宮之心臣之愚  
見盡忠於皇上者不過如此夫亂臣賊子人人得而  
討之况臣爲左右大臣又受恩深重者乎設使延齡真  
有逆謀而臣得見之真卽當首倡大義請加天討而族  
滅之又敢爲之隱匿自甘爲叛逆之黨乎臣詳招詞所  
稱曹祖鼓狀有曰天曹抱送六丁六甲及天神護伊之  
說皆涉妖言皇上聰明天縱必能察悉孟軻氏曰行  
一不義殺一不辜而得天下有勿爲也而况謀逆之罪  
滅人族類臣於延齡此項罪狀實見得未真豈敢妄爲



議擬無所可否。而重爲聖德之累乎。臣又思皇上此等訪據皆未知出於何人或彼一時不思干係國家憲典重大或出一時報復之私卒難收救聖明亦必自加察臣又思前次退休山中皇上召臣催敕內云自卿去後切軫朕思聖母嗟問者亦數次矣臣伏讀流涕哽咽臣思皇上所以思臣聖母所以數問臣者臣之心豈惟一皇上鑒之聖母亦鑒之矣茲者天眷聖明誕生皇嗣國本綿長萬加喜慶或以臣言上聞聖母亦必欲皇上寬法以處延齡之家者也誠或不察真情必欲斷成謀逆之獄則當如律行



法族滅張氏矣。昭聖皇太后不知何以處之。臣竊恐  
皇上之心必有所不安。聖母之心亦所不安者矣。臣  
承聖明厚恩重託。君臣一體休戚相同。憂之也深。故  
言之也切。慮之也遠。故說之也詳。伏乞聖明俯賜加  
察焉。







策

壬辰科

嘉靖十一年

皇帝制曰朕惟人君奉

天命以統億兆而爲之主必

先之以咸有樂生俾遂其安欲然後庶幾盡父母斯  
民之任爲無愧焉夫民之所安者所欲者必首之以  
衣與食使無衣無食未免有凍餒死亡流離困苦之  
害夫匪耕則何以取食弗蠶則何以資衣斯二者亦  
王者之所念而憂者也今也耕者無幾而食者衆蠶  
者甚稀而衣者多又加以水旱虫蝗之爲災游惰冗  
雜之爲害邊有煙塵內有盜賊無怪乎民受其殃而  
日甚一日也固本朕不類寡昧所致上不能參調化



機下不能作興治理實憂而且愧焉然時有今昔權  
有通變不知何道可以致雨暘時若災害不生百姓  
足食足衣力乎農而務乎職順乎道而歸乎化子諸  
士明於理識夫時蘊抱于內而有以資我者亦既久  
矣當直陳所知備述於篇朕親覽焉勿憚勿隱

林大欽

惠義之賜

蔡漢之筆

大廷對策

第一

臣對臣知識愚昧學術疎淺不足以奉  
陛下當亨泰之交撫盈成之運天下皆已大治四海皆  
已無虞而乃拳拳于百姓之未得所爲憂是豈非文王  
視民如傷之心耶甚大美也然臣之所懼者陛下負



聰明神智之資。秉剛睿明聖之德。舉天下之事。無足以  
難其爲者。而微臣所計議。復不能有所補益于萬一。  
陛下豈能以其言爲未可盡棄而有所取之耶。陛下  
臨朝策士。凡有幾矣。異時莫不光揚其名聲。寵綬其祿  
秩。然未聞天下之人有曰。天子某日降某策。問某事。  
因某策濟某功者。是豈策士之言皆無可適於用者耶。  
抑亦其言或有可適於用而未暇採之耶。是臣之所懼  
也。臣方欲爲根極政要之說明切時務之論。而不敢飾  
爲迂濶空虛無用之文。以罔陛下。陛下若以其言  
爲可信而不悉去之。試以臣之策付之有司。責其可行。



則臣終始之願畢焉。如或言不適用，則臣有瞽愚欺天之罪，俯伏以待罪譴，誠所甘心而不辭也。臣伏讀聖策，有以見陛下拳拳以民生凍餒流離爲憂，以足民足食爲急。此誠至誠惻怛，以惠元元之念，天下之所願少須臾無死以待德化之成者。然臣謂陛下誠懷愛民之心，而未得足衣食之道。誠見百姓凍餒流離之形，而未知百姓凍餒流離之實也。夫陛下苟誠見夫百姓凍餒流離之實，則必思所以富足衣食之道。未有人主忍見夫民之凍餒流離而不思所以救援之者。未有人主救援夫民之凍餒流離，而天下卒坐于凍餒流離。



而不可救者也。今夫匹夫之心可行于一家，千乘之心可行于一國，何者？以一家一國固吾屬也。曾謂萬乘屬天下者有救援天下、真實懇切之誠，而顧不效於天下者哉？是臣所未信也。臣觀陛下臨朝凡十九餘年，于此矣。異時勸農蠲租之詔，一下天下，莫不延頸以望更生。然而惠民之言不絕夫口，而利民之實惠至今猶未見者，臣是以妄論。陛下未見斯民凍餒流離之實，未得足民衣食之道也。臣聞之仁以政，行政以誠。舉王者富民，非能家衣而戶食也。心政具焉而已矣。夫有其心而無其政，則天下將以我爲徒善有其政而無其心，則



文帝亦非

天下將以我爲徒法。徒法者，化滯徒善者，恩塞心法，兼備此先王所以富足人之大略也。臣觀史策，見三代以後之能富其民者，于漢得一人焉。曰文帝。當秦亂于戈之後，當時之民，蓋日不暇給矣。文帝視當時之坐于困寒者，蓋甚于塗炭也。育之以春風，沐之以甘雨，煦煦然與天下爲相休息之政，而塗炭者，衽席矣。故後世稱富民者，以文帝配成康，亦誠有以致之也。然而文帝固非純王者，竊王者之似焉。猶足以尊稱于後世，而況夫誠小王者，而顧有坐視天下于凍餒流離者哉。臣竊謂今日陛下憂民之心，不爲不切，愛民之政，不爲不行。然



論治迂闊  
不得二句  
最入時

臣所以敢謂陛下于斯民之凍餒流離而未見其實  
于足民之衣食而未得其道者竊恐陛下有愛人之  
仁心而未能如王者之誠怛懇至有愛人之仁政而未  
能如王者之詳悉光明臣是以敢妄論陛下而云云  
也。然臣所望仁政于陛下者非欲盡變天下之俗也。  
非欲復井天下之田也。亦曰宜時順情而爲之制而不  
失先王之意耳。臣請因聖策所及而條對之。陛下  
策臣曰夫民匪耕則何以取食弗蠶則何以資衣斯二  
者亦王者之所念而憂者也。今耕者無而食者衆蠶者  
稀而衣者多又加之水旱虫蝗之爲災游惰冗雜之爲



病邊有煙塵內有盜賊何怪乎民受其殃日復甚一日也此見陛下痛念生民之病深揆困乏之本而極思所以拯救之也臣謂民之所以耕蠶稀而日甚其殃者游惰起之也。冗雜病之也。若夫水旱虫蝗之災則雖數之所不能無。然君人之憂不在焉。何者恃吾耕蠶之具素修而無所耗。則雖有水旱虫蝗而無所害。臣聞有道之國天不能災。地不能阨。夷狄盜賊不能困。以恒職修而本業固。倉廩實而備禦先也。臣聞立國有三計。有萬世不易之計。有終歲應辦之計。有因時苟且之計。萬世不易之計者大學所謂生之者衆食之者寡爲之者疾



用之者舒者也故王制三年耕則有一年之積例之則九年當有三年之豫其終歲所入蓋足以自給而三年之蓄恒可以豫待不虞如此者所謂天不能災地不能阨夷狄盜賊不能困臣前所謂王者之政 陛下今日所方切求而欲勵行之者所謂終歲應辦之計者蓋生財之道未甚周節財之道未甚盡一歲之入僅足以充一歲之用其平居無事猶未見其甚儉偶有凶荒盜賊之變則未免厚歛重取以至于困敗而不能自振若此者蓋素備不修因時權設漢唐宋以下治天下之大率而非我 陛下之所以奉天理物而深厚國脉者其所



謂因時苟且之計者蓋平時之用以歛散於民者頗無其度而取民惟畏其不多用財惟畏其不廣方其無事百姓已不能自給迨其有變則不可復爲之計矣此則制國無紀潰亂不時蓋昏亂衰世之政焉臣前所謂起于游惰病于冗雜之弊亦略有同于是陛下今所方欲改轍而易海內之觀者臣謂今日游惰之弊有二冗雜之弊有三此天下之所以長坐於困乏而志士至今憤惋而歎息者也其所謂游惰之弊二者一曰游民二曰異端游民衆則力本者少異端盛則務農者稀夫民所以樂于游惰者何也蓋起于不均不平之橫征病于



豪強之兼併小民。無所利于農也。以爲逐藝而食。猶可  
以爲苟且求生之計。且夫均天下之田。然後可以責天  
下之耕。今夫里閭之小民。剝于汙吏。豪強者深矣。散食  
于四方者衆也。大率計今天下之民。其有田者一二。而  
無田者常八九也。以八九不耕之民。坐食一二之衆。其  
勢不得不困。然而散一二有田者之業。以爲八九自耕  
之養。其勢未嘗不足。議者病游民之衆也。或有逐商之  
說。然臣以爲游民之商。本于不得已也。而又無所變置  
而徒爲之逐。臣懼夫商之不安于商也。臣竊謂今日之  
弊源已深。更化者當端其緒而緩理之理。而無緒勢將



驅商而盜  
數切

明。文。奇。賞。卷。之。二。三。  
驅。力。農。之。民。而。商。而。又。將。驅。力。商。之。民。而。盜。也。天。下。爲。  
盜。國。不。可。久。其。便。莫。若。頒。限。田。之。法。嚴。兼。併。之。禁。而。又。  
擇。循。良。仁。愛。惻。怛。之。吏。以。撫。勞。之。法。以。定。其。世。業。禁。以。  
防。其。奸。貪。吏。以。時。其。安。緝。游。民。其。時。歸。乎。若。夫。異。端。者。  
蓋。本。無。超。俗。利。世。之。智。而。徒。竊。其。減。額。逃。刑。之。利。不。工。  
不。商。不。農。不。士。以。自。便。其。身。且。其。倡。無。父。無。君。之。教。于。  
天。下。將。使。流。風。之。未。可。已。焉。此。其。爲。害。甚。明。故。臣。不。待。  
深。辨。然。臣。竊。悼。俗。之。方。敝。也。禿。首。黃。冠。充。斥。道。路。珠。宮。  
瓊。宇。照。耀。雲。漢。此。風。未。艾。效。慕。者。衆。非。所。以。令。衆。庶。見。  
也。非。所。以。端。正。風。紀。之。要。體。也。故。臣。請。陛。下。嚴。異。端。



之禁斥道佛之說。敕令此輩悉歸之農。其有不如令者。許有司罪治不赦。蓋非惟崇力本之風。抑且施教化之道。此臣拳拳所望于陛下之至意也。其所謂冗雜之弊三者。一曰冗員。二曰冗兵。三曰冗費。冗員之弊必澄。冗兵之弊必汰。冗費之弊必省。三冗去而財裕矣。夫聖人所以制祿以養天下之吏與兵者何也。吏有治人之明。則食之也。兵有敵人之勇。則食之也。是其食之者。以其明且勇也。其或有不明不勇者。則非耕不得食。非蠶蠶不得衣。何者。無事而祿亦先王之所儉也。今天下之吏與兵何如也。臣非欲盡天下之吏與兵而不祿之也。臣



徒見任州縣者固有軟罷不勝而坐祿者焉。隸兵籍者固有老弱不勝而濫食者焉。且入貲之途太多。任子之官。太衆。簡稽之責不嚴。練選之道有虧。臣是以欲於此輩一澄。且汰焉。其所以去冗濫而寬民賜者不少也。若夫冗費之弊。不能悉舉。卽其大而著者。論之後宮之燕賜。不可不節也。異端之奉。不可太過也。土木之役。不可不裁也。陛下端身以率物。節已而居儉。其于三者固未可議焉。然竊見天下之大。民物之衆。九州四海之貢尺帛粒米之賦。山林川澤之稅。日夜合萃以輸大倉。可謂盛矣。而國計未甚足。以爲必有所以耗之者矣。且夫



上之賦其下者以一而下之所以供夫上者常以十蓋  
道路之耗漕輓之費京師之一金田野之百金也內府  
之百金民家之萬金也以百萬民家之資費之于一燕  
饗一賜予一供玩者何限臣故曰冗費在今日亦有未  
盡節者蓋臣聞之以天下所有之財賦爲天下人民之  
供養未有不足者特其有以冗而費之者則其勢將橫  
征極取天下不至于飢寒凍餒大敗極弊而不已臣讀  
史記見周文王方其受命之時地方不過百里而四方  
君長交至於其國其所以燕饗勞來之典不容終無然  
而當時百姓各足飢寒不病故民誦之詩曰勉勉我王



綱紀四方。蓋慶之也。傳至於其子孫。以八百國之財賦。自養一人。宜其甚裕。而無憂。而民反流離困苦。至于黃鳥。此邦之咏。作焉。臣于此見君人節已以利人。則易爲功。廣費以厚歛。則難爲力。臣是以拳拳以省冗費爲

陛下告也。

陛下策臣曰。固本朕不類寡昧所致。上不

能參調化機。下不能作興治理實憂。而且愧焉。此乃

陛下憂勤之言。禹湯罪已之辭也。然臣謂陛下非徒

爲是言也。須欲勵是行也。夫君人之言。與士庶不同。一

或不徵。天下玩之。後雖有美意善政。人且駭疑不信。

陛下往年嘗有恤農之詔矣。然而天下皆以爲陛下

後宋諸公  
主書而愷  
遇之



之虛言。何者。誠見其言。若是焉。而未見其惠也。今陛下復策臣。若是焉。臣以爲亦致憂勤之實而已。欲致憂勤之實。須速行。臣之言。然臣前所陳者。皆因聖策。所及條對。要之所以振弊利世之道。猶有未盡於此。臣請終之。夫山澤之利。未盡墾。則天下固有無田之憂。今夫京師以東。蔡鄧齊魯之間。古稱富庶強國。三代財賦多出于此。漢唐以來。名臣賢守。其所以興田利而裨國用者。溝洫封澮之迹。猶存。而今悉爲空虛茅蕪之地。此古所謂地利。猶有遺者。而陛下所使守此土者。一切苟且應職。而無能爲任此憂者。此北人所以長坐仰給。



於東南小有凶荒不繼輒輾轉溝洫而不能自給以生  
者地利未盡也。臣意陛下莫若嚴其守令重選有力  
量才幹忠誠爲國之士使守其地而專一以興田利爲  
事。朝廷寬其禁限聽其便宜而惟以此爲田利課則  
海內當有趙過者出焉。不數十年之後則江北之田應  
與江南類可省江淮數百萬之財賦而舒北人飢寒凍  
餒之急一舉而利二焉大惠也。陛下能斷而行之大  
勇也。或曰非不欲行也。如東南異宜何。臣請有以析之。  
夫今日所謂空虛荒瘠無用之地者非向時所謂富實  
而所托賴以興起之本區乎。昔以富實今以荒虛臣誠



未喻其說亦曰存夫人爾。魏人許下之屯可見矣。方棗  
祇爲屯許之畫也。當時亦誠見其落落難合。泊其成也。  
操終賴之。省粟數萬。今天下之大。又安知其無能爲棗  
祇者乎。臣是以願陛下以此爲田利課。則山澤墾臣  
又聞之。山澤不征市梁無禁。王者所以通天下。大公大  
同之制也。自漢桑弘羊以剝刻之術媚上而征權之法  
始詳。歷代因之而不革。大公之制未聞也。然臣終以此  
爲後世衰亂苟且之政。今朝廷之取民。茶有征酒有  
權。山澤有阻魚鹽有課。自一草木以上之利莫不悉籠  
而歸之公。其取下悉矣。夫上取下悉則其勢窮。夫獸窮



則逐人窮則詐。今陛下之民將詐矣。司國議者非不知其勢之不可以久也。然而明知其弊而冒之者。誠曰國家利權之所在也。臣以爲利不勝義。義苟未安利之何益。况又有不利者在乎。臣聞之王者所以總制六合而正服民心。張大國體者。固在道德之厚薄。不問財賦之有無。臣觀征利之說。不出於豐大之國。恒出於衰亂之世。纖纖然與民爭利者。匹夫之事也。萬乘而下行匹夫之事。則其國辱。非豐大之時所尚也。陛下何不曠然爲人所難。思大公之法。去衰亂之政。令天下之士爭言曰。惜乎漢唐宋不能舍匹夫之利。以利人。至我明天



予然後能以天子之大體鎮服民心焉。陛下何苦于此焉。不爲也。臣願陛下息山林關市之征焉。使大聖人所作爲過于人萬萬也。若夫悉推富民之術。則平糴之法不可不立也。常平之倉不可不設也。奢侈之禁不可不嚴也。凡若此者。史冊之載可考。陛下可能舉而行之。成典具在。故臣不必深論之也。由臣前所陳而言之。均田也。擇吏也。去冗也。省費也。由臣後所陳而言之。關土也。薄征也。通利也。禁奢也。田均而業厚。吏良而俗阜。冗去而蠹除。費省而用裕。土闢而地廣。征薄而息寬。利通而財流。奢禁而富益。八政立而制備矣。陛下果



能行臣之言又何憂于百姓之凍餒流離又何至於有盜賊之警又何患夫不順夫道而歸乎化哉通變宜時之道其或悉備于此然臣以爲此數者皆不足爲陛下之難所患人主一心不能清虛寡欲以爲寬民養物之要則雖有善政美令未暇及行蓋崇高富貴之地固易爲驕奢淫逸之所是故明主重內治也故古之賢王遐觀遠慮居尊而慮其危處富而懼其溢履滿而防其傾誠以定志慮一而節逸欲固寅畏而禁傲邪也故堯日兢兢日業禹日夜湯日檢臣以爲數聖人固得治心之要矣臣嘗讀漢書見漢武帝之爲君方其臨軒策士奮



志六經也。雖三代之英主。不能過焉。泊其中年。多欲  
念。不能自勝。公孫弘。桑弘羊。張騫。卜式。文成。五利之輩。  
各乘其隙而售之。卒使吏變紛然。天下坐是大患。臣是  
以知人主一心不可使有所嗜好。形于外。少有沉溺。爲  
禍必大。故願陛下靜虛恬慮。以爲清心節欲之本。毋  
以深居無事而好逸豫。毋以海宇平清而事遠夷。毋以  
物力豐實而興土木。毋以聰明英斷而尚刑名。毋以財  
賦富盛而事奢侈。毋羨邪說而惑神仙。澄心正極。省慮  
虛涵。心澄則日明。慮省則日精。精明之運。旁燭無疆。舉  
天下功業。惟吾所建者。豈止以富民生足衣食而已哉。



臣始以治弊治法爲 陛下告終以虛心寡欲爲 陛  
下勉蓋非有驚世絕俗之論以警動 陛下然直意以  
爲 陛下之所以策臣者蓋欲聞剴切時病之說故略  
敢盡其私憂過計之辭衷情所激誠不知其言之猶有  
所憚亦不知其言之猶有所隱惟 陛下寬其狂易諒  
其朴直而一賜覽之天下幸甚臣謹對



序

唐伯虎集序

袁 袁

唐伯虎集二卷樂府詩總三十二首賦二首雜文一十五首內金粉福地賦闕不傳唐伯虎者名寅初字伯虎後乃更字子畏吳人也少有雋才性豪宕不羈家貧不問產業好古文辭與京兆祝公允明博士徐公禎卿內翰文公徵明相友善而尤工四六藻思麗逸翩翩有奇氣然行實放曠人未之奇也嘗上書吳文定公寬覽書曰吳安得有此人邪頗爲延譽公卿間而提學御史方誌惡其不檢將黜之比試大學士梁公儲讀其文驚歎



以爲異材遂薦第一由是聲稱籍甚會試禮部衆擬伯  
虎復當首選伯虎亦自負江陰徐經者通賄考官程公  
敏政家人得其節目以示伯虎且倩代草文字事露逮  
錦衣衛獄掠問亡狀先是梁公奉使外夷伯虎嘗持束  
帛乞程公文送之竟以此論發爲吏恥不就免歸文徵  
明以書慰之伯虎答書自明文明多載集中乃後益自放  
廢縱酒落魄所著述多不經造語殊俚淺人或規之伯  
虎曰夫太上立德其次立功其次立言寅遭青蠅之口  
而蒙白璧之玷爲世所棄雖有顏冉之行終無以取信  
於人而夔龍之業亦何以自致徒欲垂空言傳不朽吾



有此卓見  
世不可及

恐子雲劇秦蔡邕附卓李白永王之累子厚叔文之譏  
徒資嗤辱而已且人生貴適志何用劇心鏤骨以空言  
自苦乎宸濠之謀逆欲招致四方材名之士乃遣人以  
厚幣招伯虎堅辭不可至則陰知將有淮南之謀遂佯  
狂以酒自污宸濠曰唐生妄庸人耳乃放歸得免於難  
過富春渚想子陵之風慷慨悲歌徘徊者久之築室桃  
花塢中讀書灌園家無擔石而客長滿座風流文采掩  
映江左外若奢汰而中慕沉玄勤究內典旁精繪事褰  
童時嘗獲侍高論接杯酒之歡哲人已遠九原不作撫  
誦遺文慨仰遐烈爰加蒐撫庶存梗槩云爾



王履吉集序

王履吉者名寵吳人也少負逸材博涉墳籍沉精篇翰  
下筆綺辭壯思滔滔不休補郡學弟子員督學者最其  
文試必首列然非其好也試于鄉輒弗利乃貢入太學  
北遊燕趙魏觀廟朝制度與四方薦紳先生游上下其  
論議而文益奇歸而歎曰夫神龍升于赤霄尺蠖伏于  
泥淖黃鵠一息千里而斥鷃終日不過蓬蒿此其志大  
小懸絕何如哉且夫屈伸者時也利鈍者命也夫儒者  
握寸管挾方牘而揚聲名於億載彼得志者曳紱垂朱  
高爵豐祿以焜燿一時不知駒馳電滅雲浮草腐後世



無稱焉此與螻蛄何異哉由是買田石湖之旁築室其上臨流賦詩益窺古作者之奧而病作矣乃養病于虞山之白雀寺洩其精於聲詩而病乃大作歸不逾月竟卒卒之前一日夢兩蝴蝶入袖寤而歎曰吾殆已矣夫莊叟之言殆謂我也嗟乎亦異矣履吉詩初宗李白旣乃宗杜故其詩才力雄濶辭篇麗贍去輕靡而就沉著尚鋪綴而略陶鎔及白雀集諸篇則又興寄冲玄思調清逸遂窺陶謝之堂幾入王孟之室矣惜乎天抑其進有志未就故所著僅此然亦足傳矣憶與履吉銜杯論文窮夜達旦謂古人之庶幾大雅可作而竟已矣獨恨



夫天之忌才不少假也昔魏之文考唐之勃賀咸以才  
天近代如姑蘇徐禎卿信陽何景明沁水常倫閩鄭善  
夫亦不享年何天之忌才若斯邪豈天旣畀之才乃奪  
之年邪嗟乎履吉古之稱不朽者不以年也又何憾哉



書

復大中丞顧公書

袁 袞

不及其實  
足傳矣

辱寄題列岫樓詩。駭心震目。如聆鈞天廣奏。茅簷草屋。何以堪此煙霞。增妍山水。動色茲樓之名。天壤不敝矣。所云唐伯虎集序。欲爲賢者諱。仰見吾丈忠厚之至。但叙事之體。必須核實。尼父以來。未之敢違也。假令吾丈欲爲伯虎諱。千載而下。誰其信之。昔文皇觀史。叙隱太子事。云史官何諱焉。卽命削去浮詞。直書其事。千古以爲美談。伯虎誠過。亦未有喋血推刃。得罪僞教者也。吾丈高明。何乃爾邪。前示伯虎有連珠廣志賦。實未見當。



續梓之僕頃亦作連珠三十首請教冀評削無庸虛美也  
表再拜敬復

復李驗封伯華書

如松下風  
可聽也

鵬鷖異適小大之情分涇渭殊流清濁之塗判是以巢父恥唐堯之聘子陵卑漢祖之官何則性之所安固不可強合也僕于執事會無一日之素猥辱簡書殷勤將收孟明於三敗雪曹劓之積恥復欲以朽株枯木薦之清廟廣廈之間意良厚也敢不罄竭愚悃一陳其憤懣乎僕賤宗也五齡而誦詩書九齡而開辭賦上自墳典下逮稗虞亦嘗涉其藩域掇其菁華矣顧以家無擔石



室如縣磬有相如之病而重以原思之貧餬口無謀勉  
習經義晝誦帖括夕覽古文啜菽飲水簞瓢自娛幸得  
錄名於有司接迹乎多士自謂扶搖赤霄一日千里纂  
言則欲窮天人之奧立業則欲據霸王之畧高談闊視  
無復諱忌又以性本疎迂加之簡嬾深衣椎腹弗合時  
製虛名無益謗忌橫肆故大學士張公孚敬桂公夢咸  
欲締交絕弗與通遠希長孺之蔑衛青近鑒李象之遠  
國忠觸怒蓄憾切齒仄目而僕屹然自是九死不悔迨  
乎武庫之災讒言先入械繫請室卒校束縛呼聲動地  
撈掠百數自夏歷秋黑索纍纍坐臥園土陰霾晝晦不



見日星命危草露顙天無門而聖上垂恩曠蕩宥其  
大戾投之于越旣而雷雨肆赦獲遂首丘杜門謝客屏  
居荒野蕭然環堵有同俸蔚薄田百畝足具饘粥躬操  
錢鏹忘其作苦愧乏鼎俎之高潔而竊慕徐穉之食力  
桔槔當戶簞笠在堂於陵雖陋無求於人暇則臨流濯  
足抱甕灌園釣輕鯉於芳藻弋文雉於叢藪濁酒一壺  
兀然就醉誦季倫思歸之引繹仲生樂志之論蓬首箕  
踞從吾所好不自知其不可也昔東方生有言築土爲  
室編蓬爲戶彈琴其中詠先王之遺風亦可以樂而忘  
死矣旨哉斯言予復何望嗟乎士安往而不得貧賤哉



世不我知則已矣又焉能隨時浮沉取容當世局趣效  
轅下駒規規如禪中虱哉







此叙頗見  
以崇開治  
源并錄

題誠意伯劉公集

欒式

頃余道芝田亟與方子伯時會禮從言及犁眉公余率  
爾曰公一代功宗近古罕匹而未有表章之者僕竊怪  
之嘗得其說而未之質也方子忻然前席而請曰先生  
試言之余曰胡元之事人言禍始石敬瑭非明識也蓋  
自賊操引納五胡遺穢中國遂乃歷載數百中間裂爲  
十六併爲南北合爲隋唐而夷風未息其後番將據河  
朔敬瑭割幽燕而棄厥險阨於是遼驕金迫胡元乘之  
而首足倒懸因以底極矣且晉之入主者頗皆用夏貴  
儒惟元不然此其爲穢尤使人涕泗霑臆夫其胎禍之



遠如此播惡之廣如此奄及百年不知變革如此當是時也薰蒸融液無地非狄若將不可復易者我太祖高皇帝起自布衣曾未十年一掃而空之於是海宇清而綱常復儒術重而道學崇斟酌百王以大備一代之制盡還諸夏之風顧其始也自謂初無取天下之志旣其成也則不獨撥亂反正而實洗滌乾坤爲中國皇王賢聖復讐纘緒所謂功高萬古而莫與同者是果孰啟其衷哉僕嘗反覆于當時勲戚之間而未得其故及閱公集莊誦

高皇帝聖製乃始喟而起曰嗟乎微斯言則一代功宗。



其何所復稽乎。而當時載筆與後來序述者顧莫之表  
章何哉。晉漢之鄧侯嘗荷殊禮而膺首封矣。徒以收秦  
圖籍勸王漢中進養民致賢之說。建居守饋餉之功。高  
密之在東京。功不補敗。其所有者不出簡任諸將微長  
之間。在德厚薄數語之外。亦且偃然策勲而莫與絜大  
况所事者亭長久歎於縱觀。真人已專乎封拜。則二臣  
特攀附之匪懈者耳。今  
聖製之稱犁眉一則曰每於閒暇之時。數以孔子之言  
道予。是以頗知古意。二則曰入則每匡治道。旣而曰言  
非儒造實已誠之意。且夫道莫加於孔子。而數陳其言



又復每切于匡治然則所以清海宇復綱常重儒術崇  
道學洗滌乾坤爲皇王賢聖復讐纘緒之地謂非由此  
而致之乎至于佐廟筭夷羣兇所向無前推占指蹤直  
其餘事然亦不讓於今昔元功也又其大者決危機於  
逆陳群懾之表首大策於豎韓共戴之中自彼効謀宣  
力之臣有能窺其度而爭其雄者乎嗚呼向非二說之  
存則一代功宗何所復稽而儒者曾莫之及何也且公  
之啟沃非無本者少傳性理長號英特薦更世故談辯  
至悉故其決機悟主一似孔明之于先主周瑜之於孫  
策此天地間一大際遇非若淺丈夫齷齪乎斗升區區



乎一尺而已。又卽其餘則文學精博冠絕乎一時政事清嚴不撓于權力足以配事功而明道德彼伊周元聖固爲至極矣。漢唐諸子曾幾何人若是乎。其兼得耶。此僕所爲神醉心往而竊怪夫人之未深識也。

聖製曰言非儒造實已誠之意然則儒者之言殆未能心誠求之歟。於是方子瞿然改容曰犁眉之功實愚所素疑而無與折衷者。幸即談津昭若啟牖矣。且承乏公邑則表章其宜願書見遺俾刻之集中。余曰諾。遂僭妄書之。方子名遠宜癸未進士歙人其爲芝田聲實隆起器業未可量。余則永嘉後學葉式成規也。







襍著

縛虎篇遙贈劉千戶伏玘

楊名

大同有叛卒姓王氏以行行人稱曰王三其人驍勇有  
羿羿風且多知略嘗鼓衆殺主將避罪竄投胡虜酋長  
疑不錄約必殺其妻子示信遂歸鳩母及兩妻火其居  
爲不返計酋長契之禮爲上賓封以數千戶俾統健卒  
獵漁中國庚子迫太原辛丑復長驅深入榆次交城文  
水平定崞石諸郡邑重罹荼毒壬寅癸卯時出時入惡  
焰熾空聞者戰慄至甲辰秋突入紫荆直抵完縣京師  
戒嚴天子震怒用論者言械繫請撤戍卒御史中丞



朱公方并罪摠督大司馬翟公鵬及地方將官有差大  
司馬毛公伯溫以不能先事禦防且輕信中丞言罷職  
方郎韓君勛廷杖且死詰其原皆王三之導賊運籌流  
毒至此乃大懸賞格 帝命若曰蠢爾叛卒悖逆不道

上殺主將下戕良善罪不容誅竄投胡虜引連兵馬蹂  
躪中原澹難輕宥凡我將領有能善謀奮力激發忠義  
生致闕下者予千金陞官五級世世繼襲命既下大同  
軍舍劉伏玘雅擅謀力又曩與王三善白之父母妻子  
曰我家世食祿無分寸報王三匹夫敢爾作孽使中土  
不寧戮此妖醜非伏玘不可請以死從事其母泣止之



不從復曰父雖老吾有三子大者例當優恤即死不負  
父母遂攜其妻女毅然就道留三子于家既至關口以  
釀酒爲業居將一年踪跡王三無所得志不少懈乃王  
三果來跨馬執戈弓矢在橐從四小虜按轡關下問戍  
卒曰誰在此戍卒以劉二對聞言甚喜令速趨會伏玘  
遂攜壺榼出下馬相見執伏玘手曰弟何爲在此伏玘  
曰貧甚不能自給寄此釀酒意得升斗爲活計不圖今  
日乃見兄也涕淚交下王三懇慰之曰弟無慮予今富  
貴若此忍使弟流落乎它日得志當以國卿第處爾也  
伏玘斂泣酌酒爲壽王三傾之不疑伏玘志定已久酒



皆宿儲麴蘖既厚。復投藥毒。王三纔數盞。即覺微酤。喜  
謂伏玘曰。吾欲至爾旅舍。少坐。伏玘佯辭。不能爲款曲。  
王三固請以行。至其舍。相勞苦。備至。且請見伏玘妻。與  
女。問其三子。伏玘曰。留侍吾父母。王三大呼。伏玘妻曰。  
二嫂取好酒來。吾弟兄叙闊懷。以盡醉爲期。因命小虜  
出數金。以遺之。伏玘妻亦善應對。踞獻數巨觥。已。伏玘  
與王三對酌。其妻出禮小虜。不計壺盞數。日將夕。王三  
醉甚。四小虜亦醉甚。偃臥舍中。數試之不覺。伏玘乃與  
原同約三卒。用大椎椎其兩臂。臂痛。但瞠目強視。曰。爾  
何擊予也。予明日赤爾族。振不能起。兩臂旣斷。縛以巨



繩載至總戎所覆覈無僞檻詣京師。帝心大悅。下法司議罪。當凌遲。俾傳首九邊。以懾諸虜。如其賞格。賞伏玘千金。官授正千戶。同事三卒各百金。官爲百戶。在完縣虜衆聞之。星散。將士奮力俘馘甚多。事傳至蜀。方洲子不勝欣歎。夫自虜以來。所傷數百萬。命所費數百萬。金曾無一勝。以答衆望。而伏玘小臣捐身赴義。克禽渠帥。以奠邊危。可不謂忠且智乎。一時居將領者。可以自省矣。作縛虎篇。以遙致相慶之意。或足以風于衆也。京華直北兩巨鎮。大同宣府相爲命。地勢遙懸諸虜鄰。關門直與七陵近。中有點虎名王三。力能舉鼎性貪婪。



首倡叛逆弑主將。却以虜窟爲龍潭。酋長見之疑不錄。鵠母兩妻證心腹。獵將恩寵如上賓。授之軍騎任馳逐。一薄太原藩鎮輕。再入平定畿輔驚。三衝紫荊踐完縣。千兵萬馬恣游行。京師戒嚴聖心怒。兩鎮將領充荒戍。司馬休官職方殂。大懸賞格勤招募。大同軍舍劉伏玘。心懷忠義真男子。平生欲勒燕然銘。視賊若僇執以殂。父母泣號苦莫留。提刀誓斬逆臣頭。世沐主恩司部伍。安能坐待身封侯。獨攜妻女寄關口。汲水負薪自釀酒。酒成日飲數十人。王三不來日已久。甲辰之秋賊惡盈。持戈跨馬衝邊城。入關忽聞故人在。相逢勞慰傾真情。



劉家一嫂最恭謹。跪進醇醪望接引。探囊取金爲嫂壽。  
第唱兄酬天欲暝。喜極飲多成巨酺。解甲長臥毛髮鬚。  
數回動搖漫不省。椎殘兩臂縛之檻。羽書馳報天顏。  
喜。磔尸傳首示邊鄙。十萬胡兵盡夜逃。俘獲備載歌聲。  
起。劉郎奏見承殊恩。千金五品貴且尊。名姓分明著國。  
史。氣焰烜灼歸轅門。向日當爐真獨苦。算策亡遺縛黠。  
虎。縛虎弗克倘返噬。其爲壘粉竟何補。嗚呼丈夫不遇。  
時。屈身降志同愚痴。一朝得意便卓絕。回視瑣瑣皆塗。  
泥。君不見五府侯。又不見九邊將。錦衣廩食行呼唱。幄。  
中籌畧今何如。後來誰畫凌烟上。







明文奇賞卷之二十四

史官陳仁錫明卿甫評選

評

評將能而君不御者勝

夏言

將將者君  
之能若凡  
將亦不御  
則君無能  
矣

善御者必有所縱也故人主之權無所不御而有時乎  
不御人臣之義無所敢專而有時乎專則惟將爲然矣  
且夫三軍國之太阿而持以予人顧何可以不御哉蓋  
賢主之任人疑則弗用用則弗疑而況軍旅生民之司  
命國家安危之所關矜之愈重則任之宜益專任之益  
專則縱之宜益甚此將軍之時也胡可制也時不可制。



則吾以縱爲御。縱不可常。則必有所以制之者在矣。故孫子曰。將能而君不御者。勝。讀。者。不。察。以。爲。賢。主。之。任。將。徒。不。御。之。而。已。而。不。知。不。御。之。說。此。賢。王。之。所。施。於。能。將。而。非。所。槩。施。于。他。將。者。也。能。而。後。不。御。不。能。吾。將。御。之。矣。然。則。將。兵。之。權。常。在。將。而。將。將。之。權。常。在。君。所。御。大。而。所。不。御。者。小。故。主。將。一。心。而。三。軍。齊。力。勝。不。亦。宜。乎。世。之。爲。君。謀。者。曰。持。大。兵。者。如。持。盤。水。正。傾。在。俯。仰。一。致。蹉。跌。求。止。不。得。奈。何。其。弗。慮。之。且。兵。卒。多。則。有。弱。幹。之。患。張。弛。擅。則。有。尾。大。之。虞。勲。名。盛。則。憂。其。難。制。統。轄。久。則。懼。其。難。收。刁。閒。之。愛。貴。奴。也。舉。其。貴。與。之。以。



亦什一之利則持籌而計之必使盈縮在手而後能使  
豪奴自饒而盡其力况捐千百萬之衆而出之千百里  
之外而無可御哉故爲君謀者其說常在御則善謀忠  
計也爲將謀者則不然曰將貴專威兵貴合變握三軍  
之號令而受命于中制則不專制一時之利害而計定  
于千里則失變故明君必假之以建威之勢而與之以  
制變之宜世主不達斯義一切以鈐制束縛之術施之  
此荀林父敗績于邲郊李廣刎首于絕塞子儀失相州  
之利曹彬損北伐之威而忠臣志士所爲扼腕而太息  
也御之亦何益哉故爲將謀者其說常在于不御則善



謀忠計也。孫子大將也。持不御之說不可以通人主矣。雖然孫子固曰將能而君不御者勝。非謂凡將皆當不御而凡不御者皆勝也。故知明主之權未嘗不予人而未嘗不重予人。予其所能者而靳于其所不能者。則御將之道已。夫能豈易言哉。衝陷折關者槩之沉毅或不足。不可謂能。智畧輻輳者程之勇斷或不給。不可謂能。智勇出衆者本之忠義或不固。不可謂能。何者其材有所偏而其志有所可奪也。故夫任將者試之以五材。律之以五慎。觀之以十過。稽之以八証。而將果能矣。于是有避殿之召。有告廟之儀。有登壇之拜。有分闡之任。凡以



爲能將尊也。操斧而授之柄曰從此上至天者將軍制之。操鉞而授之刃曰從此下至淵者將軍制之。凡以爲能將專也。是故戰守異用不撓其機。衆寡異宜不制其數。遲速異效不責其期。會賚賞易施不問其出入。毋以盈庭之議。而間帷幄之密。謀毋以懸億之言。而淆當機之定。筭凡以爲能將寬也。鞀鼓金鐸聽有所不聞而非壅也。懼多言之亂聽也。旌旗麾幟明有所不見而非蔽也。懼多指之亂視也。凡以爲能將信也。如是故將權一將權一故上足卬上足卬故下可用是故無天於上無地於下無君於後無敵於前萬物至而制之萬物至而



命之從而從橫而橫惟吾所裁而他無所顧慮焉是以將無疑謀卒無二心口無還令事無嘗試師一出而四夷懾服不畢拔而天下服也人見其圖制無疆康正八極以爲將之功如是而不知君固有以縱之人見君之縱之如是而不知將之能固有以當之也蓋古稱善將將者莫如漢高光武高帝之于韓信也請兵則兵請王則王未聞有殊一方畧異一謀議者而馮異專制關中光武推赤心而置之腹君臣父子之諭懇懇然發于至誠彼二將者安得不殫智畢力報國士之遇而赴功名之會哉然有繇矣絳灌諸公帝未嘗遣特將雖或特



遣未嘗不稟受成筭而獨于信則不御。信之能也。東漢諸將往往皆中繩墨歸節制無飛揚跋扈之態而有戡定禍亂之畧。光武之不御固宜矣。夫御之爲言以馬喻也。詭御泛駕之馬不得解羈。馬解卽弗制有騏驥焉一日且千里。令其乘風鬻之安得乎。故以凡馬之御御騏驥不可望其必至。以凡將之御御能將不可責其成功。是在人主辨其能而已矣。吾獨怪世之妄庸人挾其無能之技而責人主以不御之禮。夫跛驚蹢躅人誰羈之而以銜駕爲解。胡不反視其能也。抑此非奇理異論天下之恒論也。桓公任管仲人請事焉。公一則曰仲父再



則曰仲父人曰君亦耳而目之乎公曰吾既得仲父矣  
而復耳而目之是耳目人終無已也此亦能而不御之  
說也夫任人盡然而何疑于用將也



除邪妄以彰聖化疏

比者恭遇

皇上諮及羣臣欲除〇〇〇〇禁中釋殿奉建

兩宮以備一代之制一時廷議翕然仰贊〇〇〇〇皇上篤養

盡制之孝闢邪崇正之化〇〇〇〇盛德大業光前振後矣今

月十一日伏奉 聖旨命大學士臣李時同臣言入看

即所謂大善殿者臣等看得殿內有金銀鑄像鉅細不

下千百且多夷鬼淫褻之狀仰惟 聖明燭其誕妄不

經一旦奮然舉而除之甚盛舉也但臣見諸几案之上

及懸度梁拱之間與夫金函之所藏貯者爲物尚多不



可識辨問之守者且云是爲佛骨是爲佛牙枯朽摧裂  
奇離磈礪計不下千斤臣惟佛法之入中國自漢明帝  
時始然不過人誦其書習其教而已至唐憲宗朝乃迎  
佛骨至京師其臣韓愈上表極言其邪穢不祥不宜以  
入宮禁憲宗不能聽且深臯愈竟遠斥之臣意自是厥  
後人莫敢矯其非凡番夷持以誑惑中國之人而名爲  
佛顱佛骨者相屬於道由是流入天子宫禁之內歷世  
皆然而不以爲異今殿中所有未必非勝國所遺累  
朝以來亦必以爲彼法則然未嘗深究以延至今茲者  
恭惟 皇上躬堯舜禹湯文武之資行堯舜禹湯文武



之道所始議撤佛屋毀除穢像使詭異之形不得瀆留  
清禁此真卓越千古之見出於尋常萬萬者也然殿宇  
像設旣除所有前項佛頭佛牙之類皆屬污穢不宜使  
之尚存臣請乞以此物勅下所司瘞之草野一切掃而  
淨之以永杜愚冥疑惑之端實爲大聖人非常作爲  
有補名教甚大功德罔極臣不勝幸甚後世幸甚緣係  
除邪妄以彰聖化事理未敢擅便謹題請旨



三

何休及以遠

舉計舉致未舉計則舉計則吉

何休及以遠舉計舉致未舉計則舉計則吉

何休及以遠舉計舉致未舉計則舉計則吉

何休及以遠舉計舉致未舉計則舉計則吉

何休及以遠舉計舉致未舉計則舉計則吉

何休及以遠舉計舉致未舉計則舉計則吉

何休及以遠舉計舉致未舉計則舉計則吉



表

誠意伯劉瑜謝入恩表

夏言

其別不規

誠意伯臣劉瑜伏蒙

皇上深惟創業之難追念先臣與有贊襄之力行取臣  
瑜賜襲伯爵臣瑜誠惶誠恐稽首頓首伏念先臣劉  
基放迹江湖識

真主於未遇決機帷幄翊丕運於方開言聽計從功

成身退既投簪於綠野實追軌乎赤松進爵伯封錫名

誠意允矣儒臣之極卓哉

聖祖之知故在軍則稱之曰子房其命詞至比之爲諸



葛、始、終、完、節、上、下、交、孚、厚、澤、深、仁、賞、已、延、於、來、世、功、  
微、祚、薄、祿、宜、奪、於、後、人、偶、塵、丹、書、鐵、券、之、盟、久、謝、金、印、  
玉、貂、之、賁、于、茲、九、世、迨、越、百、年、過、蒙、  
敬、皇、之、茂、恩、授、以、指、揮、之、世、襲、據、分、亦、已、足、矣、於、他、復、  
何、望、哉、詎、煩、廷、論、之、上、陳、仰、荷、

聖、恩、之、誤、及、式、逢、命、今日、再、沐、休、光、召、自、青、田、遽、  
寵、霑、於、七、命、瞻、依、紫、禁、極、榮、被、於、萬、分、藹、枯、拊、之、再、  
春、然、死、灰、而、復、熾、恭、惟、

皇、帝、陛、下、一、德、格、天、百、靈、效、順、制、作、比、隆、於、三、代、

禮、樂、必、興、於、百、年、舞、干、羽、以、格、有、苗、謙、茲、受、益、聽、



鼓輦而思將帥安不忘危憫翊運之功臣念承家之末裔悉爲錄用特示表揚光昭帶礪於山河直拔塗泥於霄漢興滅國繼絕世庶幾存召伯之甘棠正祀典崇元勲奚止念鄭公之故笏臣敢不篤先人烈冀免誚於弓裘爲邦家光誓捐軀於介冑伏願始終典于學益充

堯舜之資左右惟其人懋建唐虞之治本支百世永歌穆穆皇皇胡越一家樂觀熙熙皞皞臣無任瞻

天仰

聖激切恐懼之至謹奉表稱謝以聞



此處有極大的污損，文字完全模糊不清，僅能辨認出零星的字跡，如「...」等。

此處亦有污損，但文字較為清晰，可辨認出「...」等字。



論

趙盾論

夏言

余以靈公之弑、穿之手、盾之心也。三傳述其事、春秋誅其心。論者猶或疑其事而重惜之甚矣。其謀之狡也、董狐、良史也、當時亦曰亡不越境、則凡弑君者、逃千里之外、皆可曰吾義已絕。雖弑無罪可乎。當時董狐只合舉某事、某事以直証其弑君不當。以此爲疑詞。故孔子曰惜也。越境乃免惜者、惜董狐之言也。非惜宣子之不能免也。宣子得免、首領之誅幸矣。於是乎下宮之役、大夫屠岸賈以靈公之弑、盾爲賊首、遂興師汙其宮、渚其室。



趙氏之宗幾亡炊火焉天報之巧與聖筆之嚴固並行而不悖矣今宣子往矣吾固著之以警夫後之爲宣子者

其事甚矣以直以誠其爲吾不當以非其誠歸咎于其  
其以失也吾知其不故對曰此其誠也其誠也其誠也  
其以失也吾知其不故對曰此其誠也其誠也其誠也



序

武舉錄後序

王維楨

真雅馴人  
門新自遠

今年庚戌天下貢武士於京時維九月實當會試屬虜

警至有司以

天子命且舍而逐虜俄而虜遁比十月有司復以請乃

試臣維楨濫耦臣瓚而典是役事竣亦宜有序序曰臣

自守官吏局得以覽稽秘書抽尋往蹟藉於近事則深

歎國士之難焉昔我

成祖之都燕也虜酋徙幕而非絕數千里猶尚以爲肩  
背之患與師窮追至南望斗杓而還當是之時士大夫



以狗國爲榮。保軀爲辱。猛氣英聲。振於殊俗矣。正統初  
虜復入寇。賴二三驍將銳身與戰。虜遭創奔去。竟不更  
來。綿歷而及弘治。正德數十年間。卽有烽燧猶之驚雷。  
颶風倏起倏滅。士大夫以爲亡足憂。於是左于戈。右文  
墨。與時恬嬉。日有餘快。斯視軀重矣。

皇上神武輝赫。同符

成祖。自嘉靖來。虜何嘗敢窺關南。頃緣邊候稍懈。奄焉  
擁入。奄焉竄逝。彼仗鉞登壇者。豈少乎卒。莫有摧輪而  
咎其背者。則信乎狗國之難也。臣當攤案。鼎士時則仰  
天祝曰。是安得狗國之士而收之哉。誠歎之也。夫保軀



之與狗國不可同日語矣。士不免踊。非者何耶？士有三  
非。不識形便與敵相迫者，北。金鼓之聲在耳，弗審利害  
者，非。拙騎射者，北。如此，則保軀之士衆，而狗國之士鮮  
矣。臣以故，按依舊令，偏主射技。射中多者，卽文不副射  
收之文，而能陳形便，指利害，射又中者，亟收之。凡以冀  
狗國之士出不至爲奔非，保軀者等爾。夫臣之於君，譬  
則子也。夫手上以修頭，下以修足，鎡鄒傳體，則搏而扞。  
臣奈何獨自保哉？故壁壘盈郊，烽火相燭，臣不謂懼。羯  
奴魁健，日厲兵馬而謀南向，臣不謂憂。臣所懼而憂者，  
惟不得狗國之士奮距先登，俘名王執貴人，連綴而獻。



之闕下爾誠令在收者有若人焉則豈惟宗社是倚亦臣之所大幸也臣竊見

皇上加意邊庭思得猛士以寓托之未始一日釋於懷臣今收者若干人劒斷割則知利士驅使則知賢苟稍稍任用斯辨之矣今有賣珠於市者華其櫝而中亡珠貿人以爲美携歸而啟視之則喑然嗟焉臣懼其與是類也惟任之哉惟任之哉

順天府鄉試錄序

今年乙卯順天府鄉試乃我

皇上龍飛之第十二科也考試官諭德臣維楨侍講臣



燁皆以

上命至同考試官進士臣復臣溱知縣臣孔墀教諭臣  
應和臣樞臣梅臣棟臣大魁臣成式皆以聘至監試官  
御史臣冀臣俊皆以  
請至其諸執事人衆則皆府尹臣耀府丞臣鏜辟至而  
臣鏜則職提調董一切簾内外事先至諸臣咸至矣旣  
分之而各執乃事矣臣乃進提學御史臣馬三才所選  
士及諸曹六館所選士三試焉乃復加志掄選錄雋者  
一百三十有五人焉士旣錄簾内外諸臣始相見乃喜  
而相慶曰嗟乎良哉選也藉是可以報



天子矣然臣維楨顧有懼焉今者臣手錄以獻之  
上也色勃勃而不能持足盤盤而不能前誠懼之也臣  
聞之往古士有才賢而不獲進有司罪無赦進矣而才  
賢者不果効有司之罪亦無赦何者不智之故也今夫  
所貴乎樹木者樹松栢也其次樹桃李松栢可材桃李  
華悅人所不足不任風雨然不與荆棘倫矣卽若不意  
松栢化而爲桃李桃李又化而爲荆棘持是以譙呵樹  
者則樹者口噤莫爲應彼其初固嘗植之也夫樹人畜  
類乎是者臣恐其或類之也故懼臣關中人也頃者臣  
自關中來而渡於孟津見有轉大木於河滸者前呼與



諤○後○皆○應○之○木○翩○然○如○馳○焉○當○是○時○也○卽○有○齊○謳○郢○調○  
吳○歛○越○吟○與○夫○激○羽○流○商○之○奏○截○雲○下○塵○之○曲○悉○末○之○  
用○矣○臣○以○此○則○歎○以○爲○侈○言○無○當○而○繁○華○沒○實○故○今○校○  
諸○生○之○文○則○直○掇○大○指○而○棄○其○雕○蟲○蓋○竊○有○悟○於○轉○大○  
木○之○事○也○旣○行○而○及○燕○趙○之○間○則○畿○內○地○也○在○昔○燕○趙○  
之○間○猶○多○奇○偉○倣○儻○之○士○今○其○人○已○往○其○聲○猶○存○也○臣○  
乃○頓○步○躊○躇○於○境○上○者○久○之○卽○其○人○雖○不○純○於○先○王○之○  
道○然○以○効○節○不○顧○身○盡○公○而○不○徇○私○固○亦○有○足○多○者○焉○  
今○此○諸○生○以○誦○說○詩○書○稱○引○先○王○則○人○人○能○矣○令○之○受○  
事○而○奇○偉○倣○儻○之○氣○如○彼○何○故○臣○猶○願○諸○生○之○慕○之○也○



是難事

今國家建都於燕四方奉贄納貢之臣繼屬而至其  
諸齒角羽毛百物珍異皆御府所餘常山在其右遼  
海在其左厥形險固造物者故設此以作藩垣又國  
家所有然所貴者唯獨節士之幹與忠義之腹耳異日  
者諸生誠養有節士之幹而懷忠義之腹則臣且望下  
風而拜之非拜諸生也拜節士與忠義之夫也臣列在  
交戟之內最久竊覩

陛下之神明

天授之也卽如一日之間國家之大議凡幾其大事

凡幾然事皆炳於



前知而議皆成於

立斷諸司上疏而得報者咸抱疏吐舌以爲弗及今  
此諸生豎儒耳豈能奉奔走哉然臣私以爲世無粹白  
之、狐、而、有、粹、白、之、裘、所、求、者、博、所、取、者、微、也、若、是、則、臣  
乃敢以諸生進矣而卒慮乎奔走之或後也故事士  
旣錄順天府有宴宴諸生諸執事皆在焉臣將挾持前  
說湏詣宴所一爲諸生道之且因以爲勸焉而先以  
謁諸同事諸同事曰夫勸也若是而止歟於是臣應之  
曰諸執事亦嘗聞里父之醺子乎里父之醺其子於客  
位也爲之具三加著誠詞備矣客曰且更有加乎里父



曰無以加也曩吾父所以醮吾者固若是止矣今吾所以勸諸生者固吾所昔受於先達先生者也錄將獻  
臣宜有序引其端乃謹具其始末如此云

贈黃僉事兵備遼東序

天子踐祚之二十年虜酋大入寇太原其明年復入更  
進趣利守臣不能禦令得志引去

天子怒悉法守臣有司奏自今緣邊置守咸以西北人  
承之謂西北人忠敢有濟遇難不回不專以習邊云當

是時秦人爲刑部員外郎者二人蒲子仁伯黃子叔卿  
於是遂用仁伯爲山西按察僉事二子有友王生維楨



謂黃子曰仁伯固晉往然且及子居無何遼東兵備缺  
吏部遂以叔卿請疏曰臣觀虜寇晉鄙再得利甚鉅今  
聞守不至然性貪意必窺覬得所欲夫遼東者國左臂  
也北隣東胡虜如要約束東胡合兵內嚮則禍中遼東遼  
東若守虜旣阻於西復閉於東勢不絕漠而北不得也  
然本任人臣謹擇可者莫若黃員外爲僉事以山東銜  
備遼東寬則聽訟儲糧練兵課勇急則從軍擊胡逆來  
遮往如此則官省而政一事豫而變消於計使疏  
上乃詔僉事往舉職盡如吏部請然黃子深中篤厚衆  
心比附蒲子哲偉有猷受事輒立二人者性行雖異於



經學實生

今拜咸稱王生曰余聞諸邊人云漢掠在虜者率安土、忘歸其能者返爲胡攻漢問之則謂漢賦法繁重人無、寧處而胡俗自便以故苦漢而安胡不嫌負德不羞逆、節夫胡至犯夏用夏制胡夏化爲胡胡何制哉是故隆、城浚湟易踰也利劒長戟易折也卒不得恃誠欲保境、攘亂興造緒業唯在愛養拊循哉其時蒲子使在外乃、卽使所拜僉事不得與語獨以語黃子諸與王子游者、多謂王生言是黃子秦之咸寧人咸寧人有何氏許氏、並爲都御史罷歸有靖虜材乃因黃子而感及二氏黃、子先爲工部後歷刑部皆有狀不著著今所以命官者



五

送大司馬鳳泉先生歸宜陽序

鳳泉先生者宜陽人也天性忠鯁少而講匡攘之畧所  
居官多在秦之邊鄙凡虜情兵狀皆明知之聲名甚顯  
今

天子之二十九年先生爲吏部侍郎其秋虜騎入關南  
京師震恐先生受

詔督營兵以拒虜先生令士皆出郭而陣收郭外民皆  
入城民皆以私藏隨虜守十餘日竟不獲一物而還於  
是



天子賢之頃之

天子更兵制合十二營兵三分之如舊制爲三營而設  
戎政府及總理佐理之官二人遂以先生爲佐理官當  
是時先生奏罷中貴人不得預戎政又罷勳臣不勝任  
者二人兵浸浸振焉由此

天子器先生愈益甚而會兵部尚書缺

天子手批先生爲兵部尚書先生自以遭遘非常思傾  
身以報之既拜乃遂條治兵五事上之疏入

天子忽下詔讓先生先生恐卽上書納印綬遂罷而歸  
宜陽秦中人宦在京師故居先生之門下者凡若干人



咸追而送之郊臨別史楨進而言曰先生且休矣少選之頃

天子且復召先生起矣自楨濫竽供奉之班。立在交戟之內。竊覩

主上之英明。獨斷論功。不問其咎。錄大不校其細。蓋自天地剖判以來。未嘗有也。在昔經國之臣。有所謂楊石淙氏者。其人如龍。又有所謂王晉溪氏者。其人如虎。龍所在。淵雷雨興焉。虎所在。山草木茂焉。人罔不仰其爲祥。亦罔不駭其爲異。上始皆斥之矣。後竟皆徵之。且方其時。讒者在側。而二



氏復進。是蓋覩昭曠之道。越拘攣之見。不奪於三至之  
口。前世能有之乎。語曰。玉剖而良。桂伐而芳。言士不遭  
跌其節。未見也。故夫有非常之功者。必有非常之議。有  
非常之議者。必有非常之謗。謗久而益銷。功久而益著。  
暫不勝。久則謗不掩功。而跌者卒奮。彼其嬖媚附時。捨  
社稷之長策。徒以自固其祿位者。豈少乎。然一跌竟不  
復振。  
主上棄之。如腐鼠然。誠見其莫有賴也。故楨願先生且  
休矣。召者頃復至矣。先生歸宜陽。旣二年。言官復奏之。  
欲以爲兵部尚書。未報。若有湏焉。先生前所罷中貴人。



遂著爲令不得變所與共事號總理戎政者其人驚悍  
先生故嘗嫉之卒陷於大辟其年先生之子王子儀  
選爲給事中有司以爲子儀名家子年少有大人風  
上因乃拜之今天下傳先生在兵部疏凡幾種獨至讀  
罷中貴人疏則皆變色嗟嘆以爲難能焉疏略曰今  
國家之所患者惟虜所最甚患者唯士卒弗振臣以爲  
斯二患者非深患也所謂深患者唯在中貴人典兵權  
耳夫今之團營卽漢之北軍唐之府兵宋之禁旅所以  
衛京都備不虞至重矣其令勲臣掌之者謂其明武若  
其令文臣共之者謂其督怠弛其令中貴人監之者謂



其防擁蔽總之以厲兵振威焉耳乃者胡馬來臣調團  
營兵令出城擊胡而十二營半空見卒又罷弱不任旗  
鼓夫卒至罷弱罪屬之文武二臣不得解矣至空無人  
者則乃中貴爲之耳外語藉藉咸以爲有爲輸錢脫更  
之弊是本用監軍反用蠹軍矣可痛

陛下卽若不赫然立罷之則歲月旣積消耗益甚假令  
虜踵前智復射一矢於關下誰與驅逐此可爲寒心者  
也夫刑餘之人典在傳公車之命供掃除之役耳令其  
參列壇場固已虧體而况於作蠹邪臣聞久服之裘必  
敝常用之器必缺請罷中貴人勿使更濫戎機亦保軀



善後之圖也。夫中貴人既罷，則什伍克實。卽於什中選  
伍，於伍中選一，豐其饋餼，時其練習，卽可得精卒。以精  
卒當強虜，何患哉？臣故曰：二患非患。中貴人典兵權深  
患也。臣又觀在營諸徒，善爲容，難以効實。臣欲調諸邊  
名將，久處行間，諳穰苴之畧者，每營各置數人而罷。今  
之善爲容者，則李廣在軍而舞車之徒出。王翦開壁而  
超距之卒奮。所以攝外夷安中國，滌舊耻伸新威，計無  
急於此者。臣誠憤胡驕，志在忠於  
陛下。故縷縷如此。夫撩蠱之尾，必中其螫。臣豈不恤願  
令戎事坐而益壞矣。願察愚悃，降咫尺之詔，定萬世之



規臣不勝大願此疏初下時諸大夫見之驚曰古之言洛下多才名不虛矣

贈濟南太守項君序

項君者越人也越人號稱多才習文法吏事而項君益復犖犖故項君爲南京刑部郎中有聲籍甚南中獄得從項君訊者咸稱曰項君持法平不苦索我不有項君我等其啣冤終矣初項君起嘉靖甲辰進士也當是時余奉校士之役舉項君項君來見與之言則數稱引先王誦法孔子與世俗殊絕私以爲項君竟所至當列儒者之林豈謂其今爲理官而斤斤若此也夫劒之爲器



也、利、斷、割、辟、妖、魅、可、謂、神、矣、方、其、藏、在、匣、中、飾、以、寶、玉、錯、以、采、繪、君、子、佩、之、固、燁、然、可、親、也、而、出、之、則、見、神、也、此、足、以、贊、項、君、矣、項、君、在、南、部、且、六、年、與、海、內、士、大、夫、游、覽、采、謠、俗、究、徧、人、情、明、所、興、除、振、廢、之、道、難、易、之、節、士、大、夫、與、游、者、多、稱、之、頃、者、余、遷、官、南、中、項、君、間、從、余、語、久、至、更、僕、總、之、物、物、中、竅、肯、也、其、言、曰、夫、今、憂、世、之、士、率、戮、力、防、胡、若、以、爲、胡、寇、不、至、則、戈、馬、休、閒、中、國、帖、定、此、謂、採、時、未、稱、要、賂、也、方、今、所、患、不、在、羯、胡、而、在、中、國、夫、大、江、以、南、姑、無、論、已、至、若、淮、泗、之、疆、多、水、澤、萑、葦、土、瘠、而、人、稀、其、俗、慄、悍、少、年、椎、埋、攻、剽、閭、里、不、相、非、急、



順道中州  
主風厚而  
兵士勁亦  
可將以緩  
急

則伏於澤中山東人俗尚綺靡家務相高其地通漕舟  
檣鱗集遠方之貨至富人爭市以博利利多則置酒徵  
樂歌舞雜進連日夜不休其子弟習之卒而衰息不耻  
作奸以放情而不閑於禮也趙地故多健兒工騎射國  
有戎興召其徒可濟緩急然人鮮厚業官家不爲恤輒  
去而爲盜夫水鍾成淵盜聚成殃此弗可弗計也先王  
之風教河南尚存蓋古梁周之域焉顧其域與山東壤  
界俗轉相染市坊少年尚鳴絃擊鞠以爲歡不治其生  
業卽有呼易走爾燕近趙俗與爲一晉土最瘠而俗尚  
熾嗇其民力本治生不可惑以邪秦人彊而好義又險



塞之邦卽有患特用九泥封關坐困一月而十夫可制之此諸方大較也夫風俗所易所難所宜興除所宜振廢悉責在有司有司近民易識其故故府責之縣縣有聞白之府兩者交相圖何變之敢生今不憂中國而專意備胡於計左哉自備胡來中國之靡敝不可勝道此人人所睹也獨奈何末之講也居數月項君擢爲濟南太守其寮歐氏金氏兩君者就余請曰公固雅禮項君項君今且詣濟南矣亦將有以益項君乎余謂之曰吾無以益項君余嘗睹項君言論如彼其當事情也誠使項君因俗効實卒視其言果應卽與上記所稱潁川渤



海此二賢者比驅可也吾無以益項君然項君與歐氏  
金氏兩君者處也披腹臆示之不肯令已獨賢名獨歸  
以此兩君德之爲請余言甚力焉語曰君子蘭芳無在  
而非好也則項君是乎

贈大中丞湏野張公巡撫貴州序

今

閔山第一  
蜀人可風  
河雅

天子念貴州在萬里之外其地險遠其俗半雜夷難治  
非得博大通方之士以使之則不可以行令有司上可  
者名有司以張公之名上  
天子然之爲下制諭張公張公得制其時爲南京通政



卽以其事問貴州人而貴州人游南京者甚少又以問  
客嘗游貴州者而愈少乃就翰林王子問焉謂翰林典  
在史局按輿圖知其方考譜牒知其事宜令言之於是  
王子受令而以爲愚者畢謀智者畢聽古之道也乃爲  
之言曰夫貴州諸夷旣已受制稱臣比於內地久矣忽  
而豪暴者興輒敢干紀者公知其故乎彼有所恃也蓋  
其地多山而山又峭峻蜿蜒回互自爲城郭山下激澗  
千尋環之如帶據之成池夷所居國必依此爲固彼寬  
則稽首納貢効款款之患急則閉關拒敵不發一卒不  
射一矢雖有百萬之師翱翔而不敢進誠格於險也



高皇帝知其然諸夷既降乃因其故俗官之於貴州置  
省廣遷內地之壯士實其中若曰夷安則與安夷動則  
與定也公今往撫其地但仰求

聖祖之指於二百歲之上而法其意於萬分之一則得  
矣夫以

聖祖之威兵甲之力其剪虜若草管耳乃不滅斯種者  
非倦而不能舉也以爲西南夷至衆而斯種頗內屬將  
因爲扞蔽內省屯戍轉輸之勞而外禁侵軼之患故第  
以漢官命之不純用漢法治之也問者秉鉞大臣苟楊

國威不講前事如雲南沅江之患上以虧天家之重下



以啟他夷之奸此有識之所謂舛也夫占號貴州爲鬼  
方者以其人譎詐變幻執之無從博之不得有似於鬼  
故名之也謂御夷狄爲羈縻者以言拘之不拘譬猶之  
羈馬之首縻牛之鼻其事相類也然馬雖受羈不能不  
蹄齧牛雖受縻不能不抵觸其性然矣願公察羈縻之  
義鑒鬼方之稱視如馬牛毋與鬼較而効讎者干戚之  
計僕聞法緣俗立順其俗卽所以行其法威忌時作當  
其時乃可以明其威彼諸夷相噬自其恒俗方其狺狺  
而爭之際兩不相下則竟必相屠然畏死亡戀親戚亦  
固有之適此之際公若遣一介之使奉咫尺之書馳入



其境以示爭者剖判是非曉以禍福令各罷兵彼之聽之將不俟詞之畢也僕竊觀大臣之體與小臣異事小臣競一節持一行卽得托名於賢者之林大臣則問安社稷保封疆不耳公博大通方人也而又奉

天子之命詔其日夜孜孜思所以安之保之者如饑求食寒求衣固甚具也僕言胡益於執事哉顧獨念幕中一肉則推食無餘賞賜不饒則超距之才不出兵患輕動動亦有期士患弗疆疆亦有道惟公財察而熟慮之母忽或語余曰張公故嘗使滇南道貴州矣誠諳地形悉其政俗今而問非不知也聊爲之耳於是王子愧之



曰吾失乎吾今則燕人若矣昔有越人將渡河燕人從  
傍而指越人渡處比入舟又刺刺然語以槳柁之事甚  
具已而問之越人也燕人竄入岸葦中不敢出越人入  
葦引燕人出而謝曰吾善操舟而子言之誠過爲吾謀  
則忠矣張公其以越人之視燕人者視我可也

### 姚母六十詩序

侍御姚子一日過予舍予坐姚子姚子從容問予曰夫  
詩者何也曰志也言之而動人之志者也言喜則躍言  
怒則憤言美則改容言苦則口咨鼻酸不能已已故曰  
詩可以興又曰序者何也夫序理也諸家語各自出犁



然雜置序者、整齊之約、繁摠要明、其旨歸詩三百篇得卜氏序之三百篇一軌也。姚子蹶然起坐、再拜致詞曰：昔在丁未、母游年六十、諸與孤交者、居多才士、皆爲母詩之、顧獨序無。今先生曰：序理也、願有以理之。姚子卽持詩觀、予盡讀之、則口咨鼻酸、不能已已。夫母年六十也、蓋苦哉。六十春秋者、云游當與其君子姚貢士背也。纔二十九歲耳、侍御君兄弟皆幼、而又無厚產、游傷之絕。乃蘇已奮曰：吾且振姚氏後、竟不令逝者減無聞。乃力自作家、給費視諸子、獨侍御君異、督令學、舉子業及歲甲辰、予舉侍御君爲進士、母游業年五十七矣。晝不



祿引或不  
甚類而文  
則峭兀

踰闕夜不休績蓋五十七年如一日也苦哉苦哉凡此  
皆具在詩中足動人而侍御言尤悉焉王子曰予感姚  
母事乃因稽古人之跡而明其志云昔豫讓嘗事智伯  
氏矣智伯亡讓爲報仇毀形變聲卒與同亡乃已此非  
謂貞士奇節耶程嬰爲趙朔客則測其主也下宮之難  
嬰不能與乃抱孤兒匿山中何其怯也其後趙孤長復  
爲趙氏立後乃知嬰弗與者審所重在此也設嬰與下  
宮則趙孤絕卽博虛聲奚益哉讓所爲必亡者智氏無  
後圖所爲報智氏者不得一亡足償之矣故讓爲必亡  
者非獨勇也無地也嬰弗亡者非獨怯也欲有所立之



也。大臣事主妻事夫其義何異哉。姚貢士卒游第痛甚不與俱竟能成侍御君振姚氏後令貢士名揚則程嬰之志丈夫之槩也。顧今詩中則莫有發此者。予故徵取與此類焉。今士談奇慕節者曰吾誠不愛吾身遂徑往不顧卒或顛蹄自隕尺寸未豎此匹夫匹婦決一朝之憤自填溝瀆者爲耳。於視姚母不可同日論矣。夫愛生與輕生殊途然皆非也。苟得所處則皆是也。若姚母者以太史公法論之得稱曰是然其識深遠矣。

贈監察御史濯溪間公還朝序

夫御史者奉天子之命以按視部中苟其持三尺警百



問百姓則  
有司不必  
問矣

察取所謂損下殃民者論而罷之卽所謂承用詔書聲  
名歸之矣御史問公旣得命按應天讀詔書歎曰  
噫嘻今有司鮮有不損下殃民者也卽有之亦百一之  
獲耳令其旣損旣殃而必繩之法是法徒雪其憤無裨  
於傷也有司讐民吾讐有司是上下相讐無已時也何  
益夫療病者貴治其原不在巫祝安民者貴防其蠹不  
在威刑于是乃行而請部中部中有司或自度不能免  
者聞問公來輒先期解印去矣及問公至顧且不問有  
司乃先問百姓便益與之圖于是六郡各條便宜事上  
之問公問公則因六郡俗制六令大之而朝覲之儀祭



祀之費細之而供億之繁燕會之節靡不犁然著井然  
分焉令旣具乃卒爲著犯令之科甚嚴乃先下太平令  
試行之便不當此之時有任公者守太平奉令如間公  
指行之三月凡省費若干金果便而有驗于是間公乃  
下寧國令次下池州令次下安慶令次下徽州令次下  
應天令御史行臺在太平城中故令下以遠近爲序久  
之諸郡咸報便上省金數而六郡之民遂皆安枕田廬  
不有狗吠驚擾之患矣間公出行部所至父老拜伏遮  
道頌功德車不得進至中道宿焉鄙人間公之故交也  
問公遺鄙人六郡令鄙人觀之旣遂乃報間公書且賀



曰今江南號稱沃土百物之所出有司得江南猶之甘醴之狸。啣魚之獺。未有弗饜者也。江南困于有司。猶之樹披其枝。體腴其膚。未有弗病者也。夫人情病久則變。生事苦則慮易。將恐有不逞之徒。緣間而起。爲國家憂。僕竊私念之。今公所制便宜六令。嚴如峻防。密如結絲。侵之不能過。觸之不能亂。有司欲殃民。得乎。有司不爲殃。則民安。民安則寇賊熄。寇賊熄則惠化溥。洽上下恬愉。有司不及罪。臺吏不見威。如此則至治之風光于一時。傳于後世。真所謂揅時之勞。臣識體之通儒也。卽令有殊絕賞遇。加于公身。公不爲溢然。可以顯茂異而厲



具臣顧廟堂之議非遠人所得豫聊爲公明所當耳閭  
公往嘗按河西河西之宿蠹大猾皆以正法伏辜莫有  
遁者威稜甚著視今按應天其體大槩相類而措置不  
同昔倉公挾醫而行游四方術隨地輒變顯名于天下  
閭公亦云閭公按應天旣一年得代將還報天子鄙  
人繫官白下不得身與別以書送之曰客由北方來者  
皆言燕趙之郊多餓人市或撤肆青齊以南人相捕而  
食焉至于梁宋益苦伏尸枕籍行人皆掩泣過矣若此  
者誠可懼也僕也思西域之異香返伏尸魂然而道遠  
不可致思辟穀之術將以扶餓人濟稔歲而海上之神



人不來第塊然坐而歎之幸今值有公顧公不能化百  
身以救萬靈唯得以尺牘陳困厄之狀公今往而登文  
石之陞涉赤墀之塗矣唯圖所得爲者可也間公才廣  
而氣直志高而節堅其平生慕汲長孺表盜之爲人也  
以爲苟利社稷遑恤其他一時縉紳大夫之徒皆稱之  
號爲千尋劍閣以問公蜀人也卽取蜀物比况之耳語  
曰大國多良材大海出明珠信然乎信然乎

送柳濱先生赴平涼苑馬寺序

王維楨曰余嘗履平涼境云知平涼苑馬寺事平涼在  
重塞複嶺間游輶罕至寺務甚簡又幾大夫綜之乃愈



益閒寂幽曠旦日循故事集揖衙署命坐呼茶茶已輒  
揖退坐私闌內吟臥自如興至則約與躡空同理觴咏  
如此悠悠率用爲常然志士勞人恒不樂就其所旣就  
思去如陷坑溺中若曰土僻秩散比之隱丈人云寺少  
卿柳濱先生者固世之所稱志士勞人也自辰州才晉  
今官自姚安才改辰州自部郎才刺姚安而發輒嘯興  
自吾華庠始官凡五遷歲凡二十更可不謂志士勞人  
耶論者咸稱今遷非先生樂就而先生以赴平涼道華  
州顧靡有弗樂于是王生欽之賀之以先生綜馬卽說  
馬爲贈夫莫險于山踰之在馬莫遠于天下至之在馬



故馬者免險而到遠者也擇地而蹈不任險遠毛卽奇  
無稱焉有馬於此西超河華北踏幽燕南飲滇池旋越  
七澤赤汗血流逸足景靡歷四表弗病此其骨與氣能  
常有哉然又夷途平坂讓馬爭趣文輶繡轂讓馬爭服  
束脯石粟讓馬爭秣仙仗天閑讓馬爭入烟水之陂莽  
蒼之野抑首甘心不一悲號顧焉故殫力任使貞志安  
遇非獨君子馬亦有之先生笑曰嗟允寧論馬而實謂  
我我倦游人也茲赴信適於是王生又說御夫世稱造  
父爲周王御八駿日行千里周游八極人咸怪之八駿  
善馳能一騁千里哉惟御者節其控縱時其奔徐察其



休苦不竭其才遂千里至也蓋百里一息千里十息八  
極可周急轡疾鞭以速必到崇朝而絕故脫驂駐珂休  
力養健御者之法也授閒投散儲精需晉官家之度也  
先生又笑曰嗟允寧論御而實謂我我倦游人也安能  
千里允寧蓋余字余自學于先生而今官先生執余手  
而喜曰吾識子在童駒時茲服在帝輦且範馳驅乃  
何憂識馬卽望平涼去

贈石洲張君擢守建寧序

夫仕宦而至領郡國歷太守蓋赫然顯盛矣顧獨以建  
寧令石洲張君往非計也余私竊咨咨慨噫之焉今天



下坐戎馬之驚，浹歲以來，騷然靡敝，未有寧所。又時有水旱之虞，民人流冗，道路輕徙，易搖。卽若青齊汴宋之間，燕趙之分，西至秦，北至晉，此十數郡者，何嘗卒一歲無事哉！然惟獨江南完，在江南又唯獨閩中完，甚建寧于閩，又稱完郡，蓋漸南漸遠，漸安也。以彼其所，卽令一長者行能治之，乃何必張君往也？若張君者，固宜在青齊汴宋之間，燕趙之分，秦晉之境，譬猶病癰而逢倉公，苦髀而得利刃也。豈不便哉！夫張君者，蜀人也，負才畧，慷慨爲南京浙江道御史，南中縉紳大夫之倫，多稱之余。至南中，見其人，親覩其行事，工在便國家利人。



民其伏奸宿蠹自張君在事猶之去腐置氷蚊蚤不就也假令張君得攝專制之權據要害之衝不以州府困其志局其才其所興發建豎當與古昔豪傑方軌而爭馳抵足而論烈乃令守一郡不能見張君奇而又遷完郡將益靡有見余柰張君何哉先王辨官論才所從來久遠矣祖宗時或以御史遷都御史或從郡守轉六卿長者若此類者往往而有彼固謂其當也他悉置弗論近世之官人次合貫魚積同累薪次不及不進累不謝不伸雖有賢者懷拯救之志挾批擣之能亦引躬逡巡莫敢自效誠格于調也故賢者或老白首始躋大官



有此六字  
可宜於官

比其時且颺然衰矣。往日十舉十當。今不能五。若是以  
爲信名者。非可哉。故時過而種。雖后稷一物不生。老至  
而官。雖有賢者。鮮克立功。張君方壯歲。能寒暑。忍饑渴。  
蓋四方士也。不及其時。畀重權。彊大業。徒令尺寸進如。  
待庸衆人焉。余恐其績效不睹。老冉冉至矣。張君辭其  
寮。往建寧。其寮八九君。第荒荒視張君。笑。一日其寮鳳  
竹徐君爲余述其事。余問徐君笑何以。徐君默不應。余  
謂之曰。今張君擢如此。且在事幾何年矣。徐君曰。業六  
年滿矣。且欲考而值此。余呀然歎之。語曰。南道如虎。陸  
官半府非虛言哉。







書

與張太谷書

王維楨

張生回具悉屋烏之養感戢何已北征蹉跎去鄉之難  
如此矧又肩背受患連數月未平可奈何只今強欲出  
門念破後月卽失期吾兄養恬斗城之陰遽蓄真探由  
此益懋行子誠歎羨焉賜來濛溪翁集讀至再周先是  
得少華翁集近併二集更讀之乃皆婉麗秀俊與太微  
翁集各立門塗若以名世而傳來則一而已可謂接轍  
錢郎合券陰何者矣楨才性驚下鮮兼識之力冥搜之  
鑒然竊觀先民有作率非形索象模必積思累紀旣已



予初亦不  
甚服空同  
久而思是  
本朝自空  
同外實未  
有兩也

得意會神。乃後成章。本朝作者。空同老翁。聖矣。卽大復  
猶却數舍。蓋空同有神交。無方之用。有精純不雜之體。  
讀一篇詩。見一事。首終雖縱橫奇正。弗一其裁。而粹美  
同也。珩璫璜璫。弗一其形。而溫栗同也。至若倒掇頓挫。  
之法。自少陵后。善用之者。空同一人而已。學者未睹其  
大謾肆醜詆。以爲空同掠古市美。比之剽虜。嗟乎。空同  
富才神解。能自作古。假令與李杜二豪並生。同代二豪  
當約爲兄弟。補所未逮。增所未能。故官帑失金。不可疑  
陶朱也。良驥駢足。不可謂相肖似也。空同生李杜先。不  
爲李。卽爲杜。若李杜後。空同生。亦必不爲空同。豈可謂



李杜掠人美哉方匆匆束行李也覽藝有觸輒出數語  
恨不與公接朝夕得窮論討質是非紙上言不多嗣當  
更布許有大珠贈行人瞻佇不至轉增懊懷對山先生  
集及諸書并厯慮思有成事卽馳一介祇領幸呼與之  
吾慕濠溪翁有年載不幸不獲接面晤時爲道惓惓

復貴州大巡張子書

貴州試錄至畢讀之則諸製皆洗削陳體言半往昔所  
未道者僕竊以爲必公所創定非他手可能也序云天  
將開一方人文之運必有

聖哲之君爲之嘉矜而振德之可謂頌而非諛華而有



實矣仰之敬之貴州僻在一隅彼其人文不得與中原  
埒者非其地不生才坐生其地者拘於陋格於習不睹  
所謂文者云何其焉用文於是乃耳自夷而世遂夷之  
矣。歷古以來迨今明興而茲方之文始漸以著夫苟  
鼓之未有弗舞者也今錄序中能發斯指甚與鄙人之  
雅意合故手錄吟吟不得以他好奪者誠愛之也嘗按  
圖牒見貴州部中列有九溪十八洞其俗夷也而屬於  
漢國制治因其俗以綏之也有不服用漢法懲之以  
威之也設有桴鼓之警侵暴之事此醜類恠要在宣  
諭防制之耳桴種千羣咫尺之檄可定不當輒動大衆



煩調度至以急告京師也。麻陽之役不戒於初，輕動師旅，遂頓三省之甲於境上，繩結蔓連而不可解，足以鑒矣。我山旣以振人文於此，而又能定夷情於彼，令文武咸効之，則奉天子詔，按行萬里，還而歸命，誠抗顏無慙矣。鄙人楨本守詞垣，與之校品藝術，宜也。乃復說及武略，冀公爲西南息未萌之患，講鎮壓之策，念局才未効而言苟獲，用功不必已。楚人不能移跬步而善談慶忌之捷，求捷者安可棄也。僕說正此類，公肯棄之，不

與楊南澗總制書

丁未之春，幸獲謁公於蒲抵，今又三年所矣。歲序逝遷，



而傳者言公之體力精采強固如曩時一無少損天之  
庇祐人國乃故願養老成而需于用如此頃南京本兵  
闕有司以翁名

請報不可取他民代之士論以爲時非乏才才者棄在  
草野以故乏也楨聞其言是之竊又歎天下之務至衆  
一夫不能兼長必有所偏乃今之士人人自賢物物皆  
具略無引躬讓能之風此老成慎重之才湮沒而不見  
甘朽而無聞也日者苑洛韓公致仕歸人惜其去者十

才欲兼官  
欲久造物  
不能是之

九獨楨以爲韓公歸之宜夫才之試也猶寶之售也旣  
售不價乃恒暴在外啟傍睨者心則宜匣而畜之韓公



審於斯機。故輒掉頭去。不顧可謂上智大勇。近時一觀者矣。翁居河山之間。百年逸遊。盡日開口而笑。卽裴公綠野白氏香山其風。槩何多此焉。楨華下人也。孰知切慕。每謂君子苟立勲名於世。卽安樂卒歲可也。

與劔門趙侍御書

今公貽僕書云滇南漢夷雜處。事甚叢委。此正公所能居設在他氏。吾不知其能未也。日者狂虜入塞。而縱至與我軍俱陣於郊。畿斯實百年未有之變也。

天子神武憤欲興師。大創而令有司各獻計求所爲擊。胡便者於是募軍遣八使。而燕趙青齊晉魏諸路紛紛。



出矣督銳遣六使而江南諸郡紛紛出矣選銳遣四使而沿邊諸鎮紛紛出矣獨兩廣滇蜀坐征苗之役得免他皆有舉夫虜僅一入而海內咸動乃所謂應敵之兵不得輒已者也然其中且有隱憂謂募軍則恐強民所不欲督稅則恐累民所不勝選銳則恐什伍空虛虜牒者知之而抵隙爲患斯三事者惟在諸使審視機勢妙裁之爾操斷以往不可也顧僕典在文史不獲與大議之末欲前而告諸使者復用越俎爲懼念公抱謀國之挾批難之才卽身處遐域心實懸於闕下斯懷固同乃爲道迹若此滇夷自漢以來時閉國家鑒於往



上及忠未  
有不自中  
國挑激

代因俗立官苟令安和不擾卽止不純以中國禮教法  
制備責之也以故百九十年帖然底定亦嘗少有侵軼  
置不與較言馬羈牛縻走獸畜之誠取中國之治治之  
又何得言羈縻也公雅稱曠覽深識流革推較久矣且  
旣歷茲境益諳委曲苟令漢不撓夷夷來撓我我制之  
有詞脫漢或首事挑怨發難又爲國家開一兵隙僕實  
憂焉故傳繡衣使者持斧威斷以肅境內然當斯之時  
又涉斯所且須解網與民便益此所謂柔遠能邇以安  
王國者也夫水激之而飄石轉鬪者其勢然也惟公亮  
察母坐迂誕自塵土中與公交今十有七歲矣中間離



雅

明文奇賞 卷之二十四  
合合離至靡常也茲不言私歎者豈忘之哉獨公家計  
重爾南風若便幸惠教音

與孔文谷書

語曰白頭若新傾蓋如故昔誦其言乃今信之矣僕鄙  
野謏末人也于時輩爲下陳乃公一見遂引與同遊解  
頤示坦披肝見憐僕實依戀歎伏之焉且僕于公何嘗  
有夙昔之緣半面之舊哉乃接遇若是意其中必有投  
者而僕自省牛驥殊才鍾缶不同量固莫有能券合者  
則復吟吟愧訟之矣世俗所尚咸兢兢尺寸之間最下  
瓦合公高標濶步去流俗何啻千尋每與沃洲呂氏言



虜去而後  
議議未定  
而虜至率  
如此

以爲文谷公瑰奇設若不困於例令得大振而盡其能  
蕭曹丙魏之業豈多讓哉漢唐以來柄政樹勲每多椒  
房之戚誠念其才不欲厄塞也國家監於梁霍著令世  
守莫之敢變而才豪之士間亦坐此頓矣歷秋及臘有  
抱鬱鬱而不得舒思見君侯一披豁之又不可得且虜  
薄郊畿而莫之能挫諉之猝變猶似也旣去而議所爲  
挫乃遞相甲乙各持白黑未有抗身奮舌息衆囂而定  
國是者前事已然然後事柰何此僕拊膺痛腸弗能少寧  
者也且議者疑也國有舉措可者半不可者半則議之  
謂議之則是非決矣今胡騎侵軼明明知彊我兵倒戈



明明知弱強斯摧之。弱斯振之。何議之爲。師涓卽善聽。然瑟竽並奏。不辨其指。慶忌卽善涉。然塗徑多岐。不審其適。今天子方銳情戎畧。圖以大挫虜鋒。而謀議者若是。此僕拊膺痛腸。弗能少寧者也。夫國有危急。而衆共憂之。是何忠者之盛也。比及任事。而復相推轂。又何讓者之多也。此觸目激衷。至廢眠食。引紙搖筆。不覺煩贅。諒公不以爲誕謾也。計吏將翰劄至。臨去取報屬卒。卒不能卽予。適便具謝附之。愚惻春歸。鴻順幸惠德音。

答趙監察書

沅江之役。撫臣不惟始卒不筭勝負。莽莽焉趨之。至令



方伯徐子及於難此法所謂無筭而輕動者也且徐子  
身爲左轄未有咫尺之書相命戎馬之務素非所諳威  
聲未洽于蠻土而才畧不逾乎中人獨何所負而投軀  
湯火也今公疏中區別二子情罪犁然如丹石子卽百  
口不能解令徐子有知當作鬼語自怨悔也往僕致言  
于公以爲熟計所謂撫者誠慮其急之變生攻之增毒  
也乃今果若此矣且夷種劫殺相傾滅倫奪柄固其恒  
事自祖宗來苟值有罪必問詞服卽置不深文苛責  
焉非縱之也。謂夷狄禽獸其情一也。育禽獸者牢籠之  
而已能馴之必不逸乎逆酋那鑑刃兄妻嫂無道之極



補之役坐  
此

不可肆赦此以中國之治治夷狄紀綱一統不宜二理  
既彼稱名兄死以蕩舟失水亦其休于罪罰匿情追譴  
卽因其詞稍責之令國家有赦過之典西南省瘴癘  
之師此謂治以夷狄而包以天地計之上也乃不戒微  
火拖薪自焚未覩其情輒入我師繫頸不得而反刃先  
著其身則鑑乃負固方命堯舜之世必不肯貸雲南遐  
在萬里四面環夷創鑑不痛莫以示餘矧寬之乎石子  
不聽公計徐子不告而往其失皆業不救今欲治之何  
出幸審圖詳計毋蹈前悔京師搢紳之屬得讀公疏者  
咸籍籍稱云欲平沅江賊釋趙監察不可慮瓜期且逮



又爲之嗟僕以公憤不任事最甚卽一日不代固必銳身效命竟不遺難於來嗣也徐子幸得卹典朝廷憫其死亦以勵諸臣之忠若援漢事證之甘陳策勲絕域議者猶以生事啟釁不錄其功徐子坐狂瞽送死至勤國家不可得已之師貽君父萬里之憂稽彼較此則徐子者雖攝魂受譴可也

復巡撫鳳泉先生書

在昔西事興乃楨私心獨念其謬又怪首事者之狂悖雖典司筆札不練世務未睹利害之實然嘗稽覽往古論秦漢之失嗤蒙恬陋王父以爲何其迷哉而自觸禍



羅夫古與今不甚相戾古所不便今亦不便乃悟肩大  
任重之君子不當用狹識淺聞之士丁未夏楨幸侍翁  
之教于京師乃本願與飭兵禦胡之畧則固甚壯之矣  
其後到鎮休于懽人出萬不得已之言其疏縷細套議  
明獻便計而指在難圖於時睹者咸識之乃翁叅稽今  
昔熟較利害以故云然楨讀其疏亦中寫胸臆推究稅  
駕之事顧性帶戇直不能作軟語書去恒以越俎爲懼  
幸翁亮鄙生之心本效忠言嘉鄙生之論頗灼伏機賜  
札褒荅稱爲知己楨愈切愧懼流汗至踵竊又聞虜候  
寧夏之虛陡擁數千之衆入寇乃我兵以九百餘人禦



微倖二字  
足盡邊計

之極而至于驅市人以充張疑示多此危道也賴翁威  
聞幕北素有練士之功督戰之節寇入不移日引去假  
令堅壁挑戰不肯去我兵實少將柰之何夫家人之業  
主翁不偏兄弟同心不私其藏則家道成各立便圖專  
已而不恤他人之害則國事壞故兵在協議二之則非  
也今調集之兵成功者鮮何也養者不得用用之者非  
所養上下不相信而氣不奮也燕人之馬令楚人乘之  
馬悲鳴號矣安責行千里哉夫敵兩家立而各計勝也  
我能意胡胡亦能意我然寇所犯往往出于不意今守  
隘阨塞築垣列堡皆意也胡虜大掠邊郡頃歷十載一



無中我所意。此吾所以不能勝也。翁習司馬穰苴之法。又才猷適變。坐測勝筭。使得名徹。聖主假之都護之權。大將之任。必能令三軍甲士感憤爭死。諸鎮守臣戮力無二。此非積區區一人之私言。誠亦屈指數名豪指方一二。屈卽難之。惟保愛爲國。須時樹勲。仰瞻仰瞻。

答姜僉事書

自鄙人入南中。客爲稱足下賢者。蓋百數。然未有驗也。居無幾何。而海寇至。所在大城危。小城陷。靡不得意。然惟獨海鹽完。問之海鹽所由完。則足下在城中運帷幄之籌。而又有湯叅將者。與之戮力奮驅。乘城拒守。寇嘗



三圍海鹽每圍厚集數重期在必拔然竟不能一中高  
墉之隼則足下之智畧勇力彰矣令他城皆若是則賊  
鋒挫必遁賊見他城悉慙軟不與犄角獨海鹽伉以故  
數至圖傷之奉常鄭公海鹽人也爲鄙人道之甚詳故  
鄙人信客前嘗賢足下者果有今驗非謾語也初寇侵  
上海也上海令懷印亡徒扃縣門閭無人邑中人見令  
亡立盡奔竄如雲雨散焉賊入以素所聞二大姓盡掠  
其財而去殺傷數百人已而令還寇復至令輒復亡寇  
過縣門仍扃無人乃始排門入吹火燒廨宇門樓皆空  
前上海民亡者甫還寇俄復來不及避皆伏在鋒刃積



尸高者丘陵卑者溪澗爲之不流比三至而邑中室屋  
空寇揭虛囊去矣夫寇三至上海輒得意及三至海鹽  
皆燥唇乾喉而歸則信乎足下之賢有力也太倉被創  
在上海後太倉人爲鄙人述其事尤可扼腕方賊艦泊  
海口時才數艘耳其登岸薄太倉城者且不滿百人太  
倉守臣怖于卒至則股栗不能持乃掖而棄城守臣從  
堞間望見賊鋒橫厲須臾而三遺矢左右皆笑之其有  
以事白者第瞪目視口嚤嚤不能語頃之稍定則又扑  
擊施威用蓋其陋若是則太倉柰何不殘今太倉三關  
皆化爲灰劫太倉村落皆爲羅鄧鬼區本遺矢守臣故



也。或言遺矢者爲甲，又或謂乙久之當有真歸矣。當是之時，設令足下備太倉，且不啻守海鹽。其智畧異也。今寇留海上業三月餘矣。諸公賢有力者，第能嬰城收保，不及百姓于創。然未有與寇一創者也。其不能創寇者，有說四焉：夫兵不素習，將不知兵，一也。我衆附賊，益賊之智而張其膽，二也。巡視憲臣權拘而封疆遠，權拘則不在統轄者，不聽封疆遠則緩急不相掇，三也。封內士大夫生長江南，不諳兵謀，然好鼓噪沮事，執役之臣往往搖于邪說，悚于後患，有作輒輟之四也。斯四者，寇所以敢犯久留橫行而莫之遏也。以予觀今日之勢，參彼



已之形寇欲去則去不欲去則聽之卒無可柰何至爲異日計則鄙人有策三焉而練兵卒筭軍食不與也三策者改巡視爲巡撫開府于浙之省中而以巡視爲帶銜以福建附屬之旣已正名巡撫則藩臬有司咸聽期會軍餉民兵咸聽料理遠徵近發咸聽區分於計便此一今疏請置總兵叅將是矣而未指其總兵建牙處所愚以爲當置之閩越壤接之界海道之衝而諸叅將立砦分屯于海上者散若星羅會若義結有警則督所向分戍叅將擊之賊安得登岸然非大破恒調力伸軍威則軍吏不肅士卒不爲奮此二江南法網之弛特甚乃



仕者率用寬和爲治故至此夫嬰兒好弄家大人不痛呵之不止况馭民乎誠取軍法戮不軌之民則誰其通夷而跨海不枉三尺務以鋤貪暴之吏則民安又誰其甘心棄業而化于夷也此三至若練兵卒筭軍食之兩者固稱要領則旣立撫臣自舉之旣立總兵總兵自舉之此謂漑其根而枝葉自庇者也凡今吳越兩地戰卒皆閭閻好騁子弟也彼其醉呼于市中舞拳以示力一見勅敵卽奉首竄矣不足稱俠客乃驅之逐盜適足損衆明怯令酋人抵掌笑耳非計之得也頃聞寇兵烏舉倏而東倏而西不可得而制要之城守爲是下令



曰有警至卽入收保近者歸城遠者屯結幸不使重傷而已若欲創賊令憚不更犯則異日徐議之耳二三君子未可徒夸詡誣人以博哲人之誚云王思質者鄙人雅所禮重人也其才智敏速腹腸廓落足以立事功顧視事之口淺無以應卒然能焚蕩賊壘撓不使寧是亦一奇也他口雖啾唧不能左王公之計乃王公顧若懾者嗷嗷效兒女子爭言亟于相勝豈豪傑任事之繁哉彼言平巢蔓延者此昧子語耳有識者不與理也凡本居爲巢次舍爲壘今王公所焚蕩者賊壘也安得稱巢王公不持是爲解乃輕擊豪首驟詰禍因祗以構怨深



讐而已是不自明也若見王公爲道區區如此云使來  
以嘉翰見卽荷擔取報遂此答焉因念鄙人糜公家餼  
且二十年矣歲守筆硯間篋尺寸之功方今天下之患  
北絀于胡南困于倭乃不能効請纓之志充負戟之役  
第塊處空談猶之孤子言孝楚人論步辨說雖詳終非  
已能有也甚愧之思去卽忍不能去將齒髮亦頽暮其  
時可望建立不歟初鄙人入南中蓋與老親俱老親居  
五月以不習其水土輒先歸盡室皆從獨鄙人孑孑守  
孤邸耳少選且亦上謁去矣此屬私况以足下或欲聞  
附具之



慎化爲鬼  
安能固全  
其性

答敖祭酒書

初得公成均信輒有書上抵今計必達之然所白者主  
在辨人材進良抑僞以返敦本之風而已此雖公能事  
而僕猶云爾者謂敗鼓之皮倉公不棄亦藥籠中宜有  
物也僕居南中第塊然獨處往來甚稀日惟舊故之思  
適奉翰札若以僕妄持孤稜益務不可下之節者僕非  
敢若此也僕猶夫故吾耳顧于南中不宜且南中亦不  
宜于吾以故人取其近似者以爲名曰伉厲守高也且  
僕、戇、直、朴、畧、受、性、已、定、猶、僕、之、貌、修、幹、廣、顙、昂、首、掀、眉、  
揭、膺、濶、步、皆、造、化、陶、冶、不、可、移、易、古、之、挾、仙、術、者、能、蛻、



人骨不能易人貌卽學者惟因性而道之因似而成之不能折強爲弱反陽爲陰今公責僕勿高勿卑擇中而居之此乃休戚之情骨肉之痛懼及僵仆故望之若是僕手書三嘆焉亦嘗有以里婦之效顰聞于公者乎昔有姬曰西子者里之姣好人也一日西子病心疾乃捧心而顰焉觀者益以爲艷其里婦慕之亦捧心而顰家人見之詫曰此固吾家婦也柰何倏而化爲鬼也今令僕守吾素卽不投俗好猶自稱人變之則化爲鬼家人駭矣。僕卽死不顧也古人直弦曲鈞之誠畎畝在策歷有徵驗僕誦之久矣顧竟不能矯而曲或其司命之江



河在前故驅昧子蹈溺也僕非堅白者流期直其說而  
不下念俗與性違性不變竟將俗垂垂者獨立獨立必  
搖聖人貴見機所以避伐木之歿華山巖洞足栖吾軀  
渭水清流足濯吾纓竟托之永畢矣彼其當軸匡世追  
還古昔則有諸公在焉僕藉是得安枕百年幸尤甚也  
惟勉策効時慎愛景光至懇至懇



跋

跋許石城所藏羣公詞翰卷

王維楨

今在卷者乃皆吳中長老先生之作往皆有聲詞壇者也彼其人骨已朽矣其言猶爲石城君寶而藏之乃知自剖判以來未有不朽之軀誠有不朽之語也予關以西人也仕宦旣二十年矣乃治行游江南觀江南之川嶺生物與其土風旣歆然豔異之矣乃茲復讀卷中書詩益又悟焉則大江者固天所界宇宙限南北今各不相能非區區人力能勝之也且無論別卽詞調亦兩之矣揔之北尚風骨南尚色澤然人好南音則十夫而九







文

瘞筆文

陸樹聲

予自南雍謝病將歸理其裝敗筆盈篋童子啓予盍昇  
水火予曰是予靡廩粟以朝夕指使從事焉者其忍諸  
發策而筮之得坤之六五乃擇地西南隅坎而埋焉爲  
文以告之曰維爾初覲肆予髫童爾資鋒穎以發予蒙  
予嘗下帷覃思隱几研窮呻吟佔畢語鍛詞鎔爾職輸  
寫予意乃通暨予翱翔黌舍試藝澤宮孰使予揚眉吐  
臆轉腕生風磨鉛出利利撲抽工爾於是與有庸焉予  
既陸沉世路濫迹章縫離奇偃蹇闕茸疎慵不覲予辱



周旋始終爾雖緘默竊隱予衷進不能使爾載直圖書  
之府簪侍蓬萊之宮鋪張聖制黼黻皇躬庶幾馳竹帛  
以勤鼎鐘退不能縱橫六藝之場搜羅百氏之藁書窮  
八法學瞻三冬上規莊屈旁軋張鍾使爾驅雲霧而走  
蛇龍徒使爾顛剝形禿挫穎銷鋒交疎几格迹謝磨礪  
浮湛故紙顛倒篋中孰令爾勞大而不收功若乃琬文  
破義伐異黨同漁獵管測邀譽市容脂言簧鼓賈進希  
逢使爾含毫茹羞濡首低備此數者予曾不以是溷爾  
爾亦能諒予之幽悰惟是紬經繹史泝流尋宗摛辭摘  
句組繪雕蟲蘭堂桂館嘯月吟風徘徊景物陶寫心胸



使爾疲於應命靡適不從是爾嘗力於予而予亦自信  
無負於管城公也。筮告孔嘉。含章有終。月日維良。往卽  
爾封。稽无咎。以无譽。予亦將括囊于山中。







碑

皇明父子忠孝祠碑

陸樹聲

兩家父子  
忠孝一郡  
是光矣

世廟初吾郡南江馮先生恩在南臺好直諫累上疏譏  
切時政謂皇后不當親蠶分祀南北郊非禮謂堯舜  
用元凱唐宋用林甫安石以深刺時宰貴人多銜之最  
後因彗星見極論御史大夫鉉爲腹心彗及兩輔宜斥  
倣范希文百官圖品題諸大臣某某賢某某不肖言甚  
切至 上怒逮詔獄鉉署議論死考掠無完膚瀕九死  
而不悔當時有四鐵御史之稱子行可甫十四上書請  
代不報乃刺血上書自縛請卽加斧鑕以贖父死通政



使陳經特爲引奏。上覽疏動容曰。忠孝乃出一門耶。得未減戍雷陽。雷人生祠以配李北海。寇萊公諸賢後。二十餘年。吾郡抑齋楊公。允繩在諫垣。亦好直諫。累上疏。譏切時政。尤與時宰。怪其疏劾本兵及勦鎮臣。每言當重示創艾。爲大臣爲國不忠者戒。其論倭事。斥督撫大臣交結執政大臣。以致師老財匱狀。與時宰分宜面諍。朝房分宜至切齒。最後發寺臣賕事。分宜從羅織起大獄。坐毀謗。玄脩下詔獄。論死。子應祈甫弱冠。蒼頭衣蓬首哭。長安中具疏請代。不果。徒步入深山中。采靈藥。上獻。因乞身代父罪。又不果。旣長繫五年。應祈得分宜。



子酒間語必欲殺公乃拊膺慟哭絕食死後兩月公竟  
赴西市隆慶改元奉 遺詔召用諸直臣南江先生旣  
老不就徵卽家拜大理丞尋又加秩行可先已登鄉書  
監司察舉孝行有 詔旌廬仕佐南京兆爲廉吏致政  
歸數年直指屢疏薦 特命晉階 溫旨褒嘉勅有司  
時皆敬禮以式後進抑齋公亦奉 遺詔贈光祿少卿  
與楊忠愍繼盛諸君並錄廕祭葬蒙渥典應祈死後婦  
袁以節顯子忠裕疏請得用孝子節婦並旌其廬于是  
世所詫慕忠臣孝子咸于一家而適偶於兩姓又萃於  
吾鄉則鄉之人侈談之猶東方之誇泰岱楚之洞庭雲



夢而滇金馬碧雞也。余竊歎天地之用春生秋殺恆以一歲爲序。其至以漸其化。工所治出恆而罕異。世廟時主上聰明神武。一日之內。倏爲和風。倏爲震霆。倏爲嚴霜。倏爲皎日。故其所播弄。反多成驚世震俗。不恆有之盛事。風徐水平。則漪漣紆縈。驚飄焚輪。所激衝始。睹浴日之波。排天之濤。令觀者駭矚。固然哉。江左號賢藪。仰邇二千年。垂獨得卞氏父子業。已見忠孝不之人。顧如吾鄉兩公家居共里。間相距僅廿載。事出一朝。乃炳炳燁燁。彼此輝映。一何比肩接踵也。語云珠藏川媚。以此爲吾鄉桑梓龍藉。不亦厚哉。諸文學既請祀。



兩公于郡邑學宮賢祠兩孝子旣表厥里宅門恩綸  
煌煌途之童豎老叟襁負荷擔而過者佇立諦視不忍  
去感歎如不出口諸文學復相與父老謀曰五絲美矣  
合則成錦四瑚八璉合陳一廟燁然其光盍合而祀諸  
時京兆公逾八望九方享斟羹誦淇澳當事者謂淑人  
君子萬年正國遽尸而祝之不祥昨歲忽捐館舍諸文  
學諸父老遂合請于兩臺其詞曰馬楊四公一則幸而  
父子俱生一則不幸而父子俱死然父則同爲忠臣子  
則同爲孝子其生者普惠澤于當年樹儀刑于百世死  
者抱遺恨于九原痛輿情于百贖雖曰皆天要之易地



則皆然者也。知言哉。事下郡大夫邑侯議報可。兩臺首  
捐貲。經始郡邑繼之。縉紳士繼之。度地邑庠左方。勸父  
子忠孝祠。特祀兩公及兩孝子。去金于楊光祿公馮京  
兆公。同舉于鄉。以執行事。江先生且素所景行。而子  
弟視楊孝子其死也。心極憐之。嘗賈涕而識其事狀。是  
舉也。慶而不弔。輒喜而叙其事。如此銘曰。巍巍邑宮  
有水深。只維宮之東。原土豐。只新廟聿隆。四賢崇。只蹇  
蹇匪躬。臣盡忠。只子求代終。思熱中。只天其蒙蒙。褒命  
榮。只輿情所宗。僉謀同。只爰肖厥容。靈爽通。只蒸禴在  
公蘋藻供。只用淑世風。儀式從。只







